

ԼՈՒԹՅԻ ՊԵՐՃ ԼՈՒՅՑԵԱՆ

ԱՆՊԱՏԿԱՌ ՄԱՐԴԸ

ԱՐԿԱԾԱԼԻՑ ԿԵԱՆՔ ՄԸ ԵՒ ԴՐՈՒԱԳ ՄԸ
ՖՐԱՆՍԵՒՐՈՒՍԻԱԿԱՆ ՊԱՏԵՐԱԶՄԷՆ (1870 - 71)



Կ. Պ Ո Լ Ի Ս

Տպգր. ԿԻԻԹԷՄՊԷՐԿ

1911

153

ԼՈՒԹՅՈՒՆ ԵՐԶ ԼՈՒԹՅԵԱՆ

ԱՆՊԱՏԿԱՌ ՄԱՐԴԸ

ԱՐԿԱՇԱԼԻՑ ԿԵԱՆՔ ՄԸ ԵՒ ԴՐՈՒԱԳ ՄԸ
ՖՐԱՆՍԵՒԲՈՒՄԱԿԱՆ ՊԱՏԵՐԱԶՄԷՆ (1870 - 71)

2948



ՊԻՄԷՆ ԶԱՐԳԱՐԵԱՆ
ԳՐԱԳՆԱՌ - ՀՐԱՍՐԳՎՈՅ
Պ. Յարոյ Եղեցեցեցեայ Բի. 52



Handwritten signature

Կ. ՊՈԼԻՍ
Տպգր. ԿԻԻԹԵՄՊԵՐԿ
1911

ԱՆՊԱՏԿԱՌ ՄԱՐԴԸ

Ա.

Աղքատիկ հայրս՝ ձկնավաճառ... Արթին, ամէն անգամ որ դպրոցի խօսք ըլլար, փառաւոր կերպով կը ծեծէր զիս, քանզի իր միակ փափաքն էր իրեն արուեստակից ընել զիս, և կը հրամայէր որ ծախու հանեմ այն ձուկերն և ուրականջները զորս ինք չէր կարողացած ծախել: Իսկ ես, Վահանս, նորա միամօր որդին, բնութեամբ սակաւ ինչ չարածճի, ցերեկն ի բուն ման կուգայի կամ կը նստէի փողոցի մը անկիւնը, և չէի ծախեր: Երբ երեկոյն անոնէր որ ապրանքը հոտեր է, աւելի կը սրտմտէր ինձի դէմ. բայց վերջապէս համոզուեցաւ որ մարդ պիտի չըլլամ, անպիտան և իր գործին անյարմար աղայ մըն եմ. ուստի ինչ աջակցութիւն գտնելու յոյսը կորեց, ի մեծ ցնծութիւն իմ և մօրս, որ շատ մեծ փափաք ունէր ուսմունք սորվելուս:

Մական դպրոցն ալ իր ծախքերն ունի: Հայրս իր ամէնէն յաջող օրերը գիշերը ժամը չորսին տուն կը դառնար, և անտաի պատճառ մը մէջ բերելով՝ ծեծ մը մօրս, ծեծ մըն ալ ինձի քաշկէ ետքը անօթի ծարաւ կը քնացնէր մեզի. որովհետեւ բոլոր ապրանքը ծախած, սպասած օրը երեկոյն գինեատուն մտնելով, արուեստակից-

ներուն հետ լաւ մը կ'արբենար և մինչեւ որ վերջին լուման չի հասցունէր, տուն չէր գար:

Իմ և մօրս գործը, հօրս անյաջող օրերը յաջող կ'երթար: Որովհետեւ չէր կրցած իր ապրանքը ծախել, սպառել, երեկոյն կանուխկէկ տուն կը դառնար. և դուրսն ըմպելեաց ոգիներէն զերծ մօրս կը թոյլատրէր որ չը ծախուած ապրանքէն մաս մը եփէ որ ճաշմք:

Առաւօտները երբ հայրս տունէն մեկնէր, մայրս չուարած կը մնար, չէր գիտէր թէ քնչպիսի աղօթք ընէ իր բարի ծաղիկ ամուսնոյն համար. թէ որ յաջողութիւն մաղթէ, երեկոյն ճաշի բաժիննիս միայն ծեծէ պիտի բաղկանայ: Անյաջողութիւն մաղթելն ալ խիղճը չէր ներէր խեղճ կնոջ:

Իսկ ես հօրմէս գաղտուկ վարժարան կը յաճախէի և սլարապ ժամերս յատկացուցած էի մօրս օգնելու իր զանազան աշխատութեանց մէջ, որոնց նպատակն էր միայն ընտանեկան ապրուստի հայթայթում:

Անձրեւոտ օրուան մը երեկոյ էր, երբ հայրս սովորականէն կանուխ տուն դարձաւ: Երեսները անսովոր կարմրութիւն մը ունէին: Ինկաւ անկողին: Այդ օրը ձուկ որսալու համար նաւակով ծովու վրայ չըջած ժամանակ տեղատարափ անձրեւի մը բռնուեր, մինչեւ ոսկորները թրջեր, չնչած ցուրտ քամիէն պաղ առնելով՝ հիւանդացեր է եղեր: Տուն դառնալով հագուստը փոխելու տեղ, սովորական ժամադրավայրը եղող գինետունը մտեր, գինովցեր և կողի ցաւէ բռնուելով տուն եկեր էր:

Մօրս տարած բոլոր խնամքները և բժիշկին ամէն դարմանները արդիւնք մը չունեցան:

Գիշեր մը, մարելու վրայ եղող աչքերը երեսիս յառած՝ ինծի կը նայէր: Ինչ ուղեկը հարցուցի, գլխովը նշան ըրաւ որ իր մօտը երթամ. դողդոջուն ճայնով

ըսաւ որ ձեռքս բանամ: Այնպէս ըրի: Բան մը համբելու պէս երեք անգամ բթամասն ու ցուցամատը իրարու շփելով՝ ափիս մէջ դպցուց և անշեշտ ճայնով մը ապսպրեց որ մօրս բան մը չըսեմ:

Ետքէն իմացայ որ միեւնոյն բանն ըրեր է մայրիկիս ալ, պատուիրելով որ բան մը չըսէ ինձ:

Այնպէս թուեցաւ ինձ որ հայրս իր վերջին վայրկեաններուն մէջ խղճի խայթէ կը նեղուէր, զգալով որ ծայրայեղ չքաւորութեան մասնուած կը թողու երկու անպաշտպան արարածներ, և ողբարութեան նուազին տապէն խանդարուած մտաւոր վիճակին մէջ թերեւս կը կարծէր որ ժառանգութիւն մը կը թողու մեզի:

Երբ առաւօտուն արթնցայ, սեսայ որ մայրս՝ հօրս անկենդան մարմնոյն վրայ ինկած, հեկեկալով կ'արդասուէր:

Այս առաջին անգամն էր որ մահ կը տեսնէի այսչափ մօտէն:

Բնական բերմամբ սիրտս դառնացաւ այս տեսարանին սուշեւ և սկսայ դառնապէս լալ:

Բ.

Հօրս մահուամբը մեր վիճակը աւելի նեղցաւ, մայրս ալ սկսաւ ստիպիկ զիս որ դպրոցէն հրաժարիմ. բայց ես իմ որոյմանս մէջ անդրդուելի մնացի: Հօրս բարեկամները գացի գտայ և անոնցմէ աղտոտ ձերմակեղէն ժողվեցի, տուն բերի, մօրս լուալ տալու համար. փայտ պէտք էր, գերեզմանատուններէ չորցած ոտտեր, կիպարիս փայտի բեկարներ հաւաքելով տուն կը բերէի: Սա-

փոր մը ճարեցի և արձակուրդի ժամերուս Եէնի Մահալլէի եկեղեցւոյ աղբիւրէն ջուր կրելով՝ տան կարասը լեցուն պահել ինձ սովորութիւն ըրի: Տաներէցնիս երբեմն, մանաւանդ տաղաւարներուն, փոքրիկ նպաստներ կը բերէր մեզի:

Մէկ խօսքով, մայր ու տղայ մաքառեցանք չքաւորութեան դէմ, և յաղթեցինք անոր: Ճեմարան վարժարանին մէջ, ուր ուսմունք կ'առնէի, Գրիստուր Ղազարոսեան և ընկերներուն հոգաբարձութեան միջոցին, օգնական դասատու կարգուեցայ, չափաւոր, բայց ինձ համար յոյժ կարեւոր թօշակով:

Քանի մեծցայ սակայն, պէտքերս համեմատաբար աւելցան:

Ի՞նչպէս ընեմ:

Օրը քսանհարս ժամ ուրիշ բանի վրայ չէի մտածեր:

Համբաւ մը հասաւ ալիանջիս: Իսկոյն տաներէց քահանայիս դիմելով, իր միջնորդութեամբ ձեռք բերի յանձնարարագիր մը, ուղղուած առ Մ... փաշա, որ իր մէկ տղան փարիզ զրկելու միտք ունենալով՝ կ'ուզէր անոր ընկերացնել քիչ շատ ուսմունք առած և անոր հասակակից երիտասարդ մը:

Ուստի ես, Վահան Արթիւնեան, այն ժամանակամիջոցին նոր թեւակոխած էի քսանեմէկ տարեկան հասակիս, որ խնդկերու պէս կը փափաքէի այն մեծահրուշակ ոստանը նետել ինքզինքս իրաւագիտութիւն ուսանելու համար, ըստ կարելոյն վրաս գլուխս կոկելով, և մօրմէս այ սրտապնդուելով, ուղղուեցայ դէպի Սարը Գահա, Չամլըճայի մեծ արահետին վրայ:

Ի կարգին մուցայ յիշել որ ծննդավայրս Ակիւտար է:

Երբ մօտեցայ Մ... փաշայի ապարանքին մեծ դրան, համարձակութիւնս սկսայ կորսնցնել. մանաւանդ կըր դրան մօտ տեսայ չքեղ հագուած, և լուրջ կերպարանքով պատկառելի անձ մը:

Ետ դառնալու փափաք մը զիս բռնադատել սկսաւ: Ինքզինքիս վրայ մեծ ճիգ թափեցի: Երկչոտ, արիւն քրտնած, դէմքս կրակի պէս կարմրած, յանդգնեցայ դռնէն ներս քարշել անձս:

Ամօթխած և շուարած, քանզի բարձր դասակարգի ընկերութեան մէջ մտնելու սովոր չէի. մօտեցայ, այն չքեղ հագուած պատկառելի անձին, զոր նոյն ինքն փաշան կը կարծէի:

— Կ'աղաչեմ, ըսի, արդեօք Մ... փաշայ...

— Հոս է, հրամայեցէք, պատասխանեց:

Եւ զիս առաջնորդեց ապարանքին հիւրանոցը: Երբ յանձնարարագիրս իրեն յանձնեցի՝ Նորին Վսեփութեան մատուցանելու համար, բարեբարոյ եղանակաւ ըսաւ որ պահ մը սպասեմ, և դէպի պարտէզ ուղղեց քայլերը:

Շատ քիչ սպասեցի: Նոյն անձը մի քանի վայրկեանէն դարձաւ և քաղաքավարութեամբ առաջարկեց որ իրեն հետեւեմ:

Դուրս կրանք պարտէզին դռնէն. բաւական երկար ճամբորդութենէ յետոյ, որոյ միջոցին ծովեզերքներէ և անտառներէ անցանք. գտնուեցայ քէօշկի մը առջեւ, ծաղկոցի մը մէջտեղ կառուցուած, քէօշկ մը, որոյ շէնքին գեղեցկութիւնը զիս զմայլեցուց: Լապտերի ձեւով տաղաւար մըն էր այս. բոլորչի և անկիւնաւոր. պատուհանները բաց էին, գունազեղ մետաքսեայ վարագուրներով սքօղուած:

Ինձի առաջնորդող չքեղ հագուած մարդը միջահասակ, զեր և ալիստան մօրուսուսար անձի մը մօտեւալով ինձի անխելի ձայնով բառ մը փափսաց. գիրուկ անձը որ նոյն ինքն փաշան է եղեր, ժպտուն դէմքով.

— Եկո՛ւր, տղա՛ս, ըսաւ, քեզի պէս շնորհալի, ազնիւ երիտասարդ մը յանձնարարուելու պէտք չունի:

Իսկ ես ամչկոտ և խռովեալ, թուրքական տարազով զինքը բարեւելէ յետոյ, գետինը կը նայէի:

— Նասեցէ՛ք, ըսաւ, աթոռ մը ցոյց տալով իրեն քով:

Առաջուց սկսուած խօսակցութիւն մը շարունակելու պէս:

— Ուրեմն, ըսաւ, խօսքը ուղղելով դիմացը նստող ուրիշ անձի մը, որ իրեն նման նշանաւոր անձ մը պէտք էր ըլլալ, երբ մարդուս բոլոր ունեցածը մէկ միլիոն ոսկիէն պակաս է, խեղճ բան ըսել է. քիչ շատ դիւրակեաց լինելու համար առ նուազն երկու միլիոն ոսկի ունենալու է մարդս:

— Այնպէս չէ՞, Վահան էֆէնտի, յարեց փաշան, խօսքը ինծի ուղղելով:

— Այնպէս է, էֆէնտիմ, ըսի խոնարհաբար:

Թէպէտ այսպիսի բարձրատիճան և մեծահարուստ անձանց ընկերութեան մէջ խօսակից ըլլալու վարժութիւնը չունէի, սակայն կը զգայի որ տեղի չկար հակաձառութեան:

Նոյն պահուն, իմ չար բաղդէս, չորս նոր հիւրեր ներկայացան. ասոնց մէկը ինծի ծանօթ ճարտարապետ մըն էր:

— Հրամանեցէք, ըսաւ փաշան, առանց տեղէն շարժելու. ճիշտ ժամանակին եկար, գալֆա՛, մեր կառուցանելիք նոր շէնքին վրայ լայնարձակ մանրամասնութիւններ ունի տալիք Նորին Վսեմութիւնը, ըսաւ, աչքը դարձնելով առջի խօսակիցին վրայ:

— Օ՛ն ուրեմն, երթանք տեղը զննեմք:

Բոլոր ներկաները մէկէն ոտք ելան, իսկ ես վայրկեան մը շուարած մնացի. փաշան կասեց. ինծի մօտեցաւ:

— Դուք ալ միասին եկէ՛ք, ես շատ կը սիրեմ կարծիք առնել:

Այս փափկամկատ առաջարկութիւնը ընդունիլ հարկ էր: Ելանք ճամբայ ամենքս ալ իբր տասն հոգի: Պարտէզը ուր կը գտնուէինք շատ ընդարձակ էր. թերեւս աւելի քան երեսուն քառակուսի հազարամէթր:

Ծով կարծածս, ուր շոգեհասակներ կ'երթեւեկէին, և բազում ոսկեղօծ սանտալներ յուշիկ յուշիկ պտոյտ կ'ընէին խաղաղիկ և միապաղաղ ջուրերուն վրայ, թիաւ վարութեամբ գեղանի հարէմներու, դէմքերնին կիտով չափ ծածկուած սպիտակ շղարչներու մէջ:

Այս ծով կարծածս ուրիշ բան չէր, բաց եթէ լայնածաւալ աւազան մը:

Հասանք բլրակի մը մօտ, ուր կանգ առաւ ընկերութիւնը. և որոյ վրայ փթթած էին ծաղկի թագաւորութեան հրաշալիքը:

Փաշան խնդրեց ճարտարապետէն որ գործի սկսի: Սա հարցուց Ն. Վսեմութեան որ այս նոր շինուելիք տաղաւարին համար ո՞րչափ դրամ ծախսել մտադրած է:

— Կը ծախսեմ որչափ որ պէտք է, ըսաւ փաշան անկարեւոր խնդրոյ վրայ խօսելու պէս:

Ճարտարապետը խօսք առաւ.

— Վեց հարիւր կանոն գետնի վրայ, երկյարկ, քառակոտսի վեց հազար կանգուն. տասնականէն իբր վաթսուն հազար ոսկի...

— Կը վախճամ, փաշան ընդմիջեց խօսքը, այգպիսի ճնշին գումարով յառաջ գալիք գործն ալ ճնշին բան մը չլինի:

Ապա, խօսքն ինծի ուղղելով.

— Քու կարծիքդ ի՞նչ է, Վահան էֆէնտի:

Ինծի համար անսովոր և տարօրինակ այս խօսակցութիւնը այնպիսի կիրք մը արթնցուց սրտիս մէջ, զոր նկարագրելու համար բառ չեմ կարող գտնել: Չամլըճայի բաց և մաքուր օդը, առաւօտուն առած նա-

խաճաշիս թեթեւութեան հետ միացած, սաստիկ քաղց մը յառաջ բերած էր ստամոքսիս մէջ. մինչդեռ ես գրպանս միայն քսաննէնիս փարս ունէի- որով պարտ էի այն օրը երեկոյ բնի, զիմացս վաթսուն հազար ոսկիներու վրայ խօսելով, կ'ուզէին, կարծես, ծաղրել, թշնամանել զիս իմ ժառանգագիրի և չքաւոր վիճակիս համար:

Բարակ սարսուռ մը պտտեցաւ զնդերացս վրայ և զգացի որ գունատեցայ:

Բնականաբար պատասխանս յապագեցուցի քանի մը ակնթարթ:

— Ըստ իս, շարունակեց փաշան, գոնէ հարիւր հազար ոսկի պէտք է յատկացնել յառաջադրածիս պէս շէնք մը ունենալու համար:

— Ես ալ ձեր կարծիքէն եմ, Վսեմափայլ աէր, պարտաւորեցայ պատասխանել:

Եւ սակայն հարկաւ կը գուշակէ ընթերցող բարեկամս, որ, ոչ հարիւր հազար ոսկիին զօրութիւնը գիտէի, և ոչ գաղափարուած շէնքին բնութիւնը, հօրս կենդանութեան ժամանակ հարիւր հազար ոսկի ըսելով գիշերները անօթի չը պառկելի կը հասկնայի, և տաղաւար ըսելով կ'երեւեկայէի մեր խարխլած տնակը, որուն պատուհաններուն ապակիի տեղիքը բռնած էին մրտած թուղթի կտորներ:

Տեղը չափելու համար կանգուն մը պէտք եղաւ, ճարտարագետը մոռցեր էր հետ առնել:

— Հոգ չէ, ըսաւ փաշան, Ահարոնը կանչեցէք, անոր քով այգպիսի բաներ միշտ պատրաստ կան: Անմիջապէս զիմացնիս բերուեցաւ մարդ մը, որուն տեսքը զիս զարհուրեցուց:

Երեւակայէ, ընթերցող բարեկամս, հեռագրով և լի ցողի նման երկար ու վտիտ մարդ մը, մանարտիկ

գլուխ, մոխրագոյն աչքեր, երկար ու սրածայր քիթ, ոչ ընչացք ունէր ոչ մորուք, մինչև ուսերը իջած սպիտակախառն մազեր, ստկալի լայն բերան, չրթունքը դէպի բերանը փախած, թուշի տեղը անյայտ, չուրջ քառասուն տարեկան մարդ մը:

— Ի՞նչ հրաման ունիք, փաշա, ըսաւ պատու կնոջական ձայնով մը:

— Սիրելիդ իմ Ահարոն, կանգուն մը ճարէիր: Ահարոն սաստիկ հարրուխէ բռնուածի պէս բուխայն ու քիթէն նոր շինուած կանգուն մը ցատկերը մէկ եղաւ:

Չարմանքով աչքերս շփեցի, և չուրջս գտնուողնտուն երեսը նայեցայ, պատասխանը գտնելու համար այն հարցումին, զոր ես ինծի կ'ընէի.

«— Ի՞նչ է այս:»

Բայց ամէն ոք բոլորովին անտարբեր դէմք ունէր, այս եղածը իբր սովորական բան մը կը նկատէին գողցես: Այս միջոցիս փաշան ճարտարագետին կը հարցնէ.

— Արդեօք այս մեր նոր շինուելիք տաղաւարը ծովին հարուակո՞ղմը շինենք, ինչպէս կ'ըլլայ, կարծեմ այսպէսով ձմրան եղանակին մէջ ալ օգտակարութիւն կ'ունենայ մեզ:

— Դուք գիտէք, փաշա:

— Հասան, ձիերը բերէ՛ք... ո՛չ, ո՛չ, պիտի ուշանայ կ'աղաչեմ, Ահարոն, մեզի համար քանի մը ձի: Երթանք լիճին հարաւակողմն ալ աչքէ անցունենք:

Ահարոն մինչև ոտքերը իջնող փայթոյն քովի գլրպաններուն ծածկոցները, մամուկի ստտիներու բարակութիւն ունեցող մասներովը վեր վերցունելուն պէս երկու գրպաններէն մէյ մէկ առողք և հուժկու երիվարներ դուրս ցատկեցին, երասանակով, թամբով, պայտերով, երախակաղով, վերջապէս իրենց ամէն սարերովը:

— Ահ, ըրի ինքնաբերաբար, այս ի՞նչ տարօրինակ բան:

Եւ սակայն փաշան ամենայն պաղարեամբ և սուանց ընդմիջելու իր շուրջը գանտուղներուն հետ սկսած խօսակցութիւնը, կը պատրաստուէր ձի հեծնելու, մօտեցաւ ինծի փաշան:

— Եթէ կ'ուզէք հաճելի բան մը ընել, հեաներնիս եկէք, ըսաւ ինծի:

— Ոչ, ըսի խոնարհելով, պիտի մեկնիմ ձեր հրամանաւ, որ մի գուցէ ձեր այս օրուան զբաղմունքին մէջ արգելք ըլլամ, թէ որ հրաման տաք, յարմարագոյն ժամանակ մը կ'ուզամ:

— Այո՛, այո՛, ըսաւ փաշան, քանի որ քեզի այդպէս հաճոյ կը թուի:

Փաշան և միւս նշանաւոր անձը ձի հեծան:

Ճարտարապետը և հիւրերը անոնց ետեւէն գացին հեախոսն:

Այն սոսկալի մարդը որուն քթէն կանգուն և գլուխը պաններէն ձիեր կը պոսթկային, կը սլքտար շուրջս:

Չէի ուզեր նայիլ անոր. բայց չեմ գիտեր որպիսի ձգողական զօրութենէ մղեալ, աչքերս միշտ իրեն կը դառնային:

Երեսս ձեռացս մէջ գոցեցի. դարձեալ չը յաջողեցայ: Մագնիսական զօրութիւն կար տոյս անիծեալ մարդուն վրայ:

— Փաշան հազիւ ժամէ մը կրնայ վերադառնալ, ըսին մօտս գանտուղ մէկ քանի անձինք. հրամայեցէք, քէօշկին մէջ հանգիստ ըրէք:

Ասոնք փաշային մանկղաւթներն ըլլալ կը թուէին:

— Ո՛չ, ո՛չ, ըսի խտուրթեամբ և զիրենք բարեւելով: Խճուղիի մը վրայ սկսայ աւելի վազել քան քայլել:

Բաւական ձամբայ յառաջ գացած էի, և ահա, սոսկալի տեսարան. Ահարոն ձամբուս հակառակ կողմէն դէպ ինծի կուգար:

Կոխած տեղս գամուեցայ մնացի կարծես: Իսկ Ահարոն ֆէսը գլխէն հանելով դէպ ինծի երկնցուց և ուժով մը թօթուելուն պէս, երկու սոսկալի և արիւնկզակ գայլեր դուրս ցատկեցին և վրաս յարձակիլ սկսան:

Չեմ գիտեր ազնիւ ընթերցող, թէ իրականութիւն էր այս, թէ ոչ առ աչօք բան մը. երազ տեսնող մարդն մը պէս պօռացի, բայց ձայնս կոկորդիս մէջ մարեցաւ:

— Հասկցայ, հասկցայ, գոչեց հեռուէն անիծեալն Ահարոն, իրեն յատուկ կանացի ձայնով, վախցաք այնպէս չէ՞, ինծի նայեցէք, հիմա կ'ազատեմ ձեզի անոնց ձեռքէն:

Այս բնկով մամուկի ոտքերու նման երկու մատը քիթին տանելով խնչելուն պէս, քիթին ամէն մէկ ձեղքէն մէկ մէկ զամփռ, աւելի սոսկալի քան զգայլերն, դուրս ցատկելով սկսան հետապնդել այն երկու գազաններուն որ բերանարաց վրաս կը յարձակէին:

— Ա՛լ հերիք է, ըսի ես ինծի, և սկսայ փախչիլ պարտէզին ծառախիտ մէկ կողմը, ոտքերուս բոլոր գօրութեամբ: Չգիտէի թէ ուր պիտի ելլեմ, լայն ուղի մը բռնած կը յառաջանայի, այս խճուղին պուրակի մը մէջէ անցաւ նախ, յետոյ շուրջս տեսայ պտղաբեր ծառատան մը, յետոյ բանջարանոց: Ինքնիրենս կը խորհէի. Աստուած իմ, այս ի՞նչ բաներ, ոսկի... միլիոններ, հարիւր հազար ոսկի անակի մը համար, երկու միլիոն ոսկի չունեցողը մարդ չէ...: Հէ՛, այս ի՞նչ պիտի ըլլայ: Նայիմ, գրպանս քտանրհինգ փարա կայ... այս իրիկուան համար տասնըհինգ փարայի հաց, տասը փարայի պանիր. հապա չօգտէ, անթի մնամ նէ. Է՛հ, քիչ մըն ալ քուտով կը կշտանամ...: Երկու միլիոն ոսկի: Ես մարդ չեմ արգեօք, քանի որ ունեցած հարստութիւնս երեսուն փարայի ալ չի հասնիր: Խե՛նթ եմ, ոչ, կարծեմ

մտային խանդարում ունեցայ, հեռագրաթելին ձողին բերնէն քիթէն տեսակ տեսակ զազաններ... .

Ա՛հ, ի՞նչ կը տեսնեմ, Ահարոնն է սա, որ հապճեպով դէպի ինձի կուգայ:

— Օգնութիւն, հոգիս ազատեցէ՛ք... .

Սկսայ պօռայ թոքերուս բոլոր գօրութեամբ, արդարեւ առ աչօք չէր կրնար ըլլայ այս անգամ, սուր երկայն մարդը, որ այնքան սոսկում պատճառեց ինձի, գացած խճուղիիս հակառակ կողմէն դէպի ինձի կը յառաջանար դարձեալ:

Մօտեցաւ և խոնարհական մեծարանօք մը զիս բարեւելէ յետոյ .

— Կ'աղաչեմ, տէր իմ, ներողամիտ եղէ՛ք, եթէ վայրկեան մը յապաղեցնեմ ձեր ճամբան:

Այս ըսելով, ի նշան յարգանաց մինչև գետին խոնարհեցաւ: Միշտ դողդոջուն և ահաբեկ .

— Ի՞նչ կ'ուզես ինէ, խեղճ աղայ մը, սոսկալի և անիծեալ մարդ, գոչեցի:

— Ներողութիւն, տէր իմ, ծառանիդ վնասակար մարդ չըլլալէ զատ, ամէն բանի օգտակար է, ինչպէս որ պիտի... .

— Ամա՛ն, ևս անցայ, անցայ քու օգուտէդ, թո՛ղ զիս որ սնակս երթամ և հանգիստ ընեմ, ալ հերիք խառվեցուցիր միաքս և հոգիս, Սաղայե՛լ:

Դարձեալ կ'աղաչեմ ըսաւ Ահարոն, մեղմիկ և համոզիչ եղանակաւ մը, միայն մէկ վայրկեան միտ գիր խօսքիս, թէ որ ձեզի անհաճոյ բան մը ըսեմ, կորէ գլուխս:

— Ի՞նչ կ'ուզես, ըսէ՛ շուտ, սատանա՛յ:

— Երբ որ դուք փաշային քէօչը մտաք, ձեզ վաշկուչ, համեստ և զմայելի կերպարանքը խոր տպաւորութիւն ազդեց բոլոր ներկաներուն վրայ... .

— Ի՞չ ըսել կ'ուզես, չորնալու մարդ:

— Համբերեցէ՛ք, ըսաւ գլուխը դէպի աջ կողմը ծռելով, այդ ձեր պատկառելի, ամչկոտ և ամօթխած երեսը անապառ գանձ մըն է, արդ կ'ուզեմ սակարկել ձեզի հետ... .

— Ի՞նչ, ո՛վ ըսաւ քեզի թէ ես ծախու եմ, աներես մարդ... .

— Թող տուէ՛ք որ խօսքս աւարտեմ, տէր իմ, իմ ուղածս սա է որ այդ ձեր դէմքին պատկուտանքը ինձի ծախելու չորս ընէ՛ք:

— Ա՛հ, հիմա պիտի խնդենամ, ամենէն այլանդակ վէպերու մէջ անգամ այսպիսի արտառոց առուտուր մը չտեսայ, գործիդ դնա՛, ապա թէ ոչ... .

— Ո՛հ, տէր իմ, ըսաւ հեռագրաթելի ցօլը, այդ ձեր դէմքին պատկուտանքը ծախու առնելու համար պատրաստ եմ ձեզի փոխարինելու օգտաշատ եղանակով մը. ձեզի կ'առաջարկեմ Հէրմէսի գտակը:

— Ի՞նչ բան է այդ, հարցուցի զարմացմամբ:

— Թաւշեայ գտակ մըն է, սրածայր, զոր երբ գըլխուդ վրայ ունենաս, անտեսանելի կ'ըլլաս պարզ ոգիներու պէս:

Այս ըսելով դիւային մարդը ականջին մէջէն քիւրան մը հանելով գլուխը դնելը և անտեսանելի ըլլալը մէկ եղաւ: Առիթէն օգտուիլ ուզելով սկսայ փախչիլ, այլ անօգուտ հազիւ քսան քայլ յառաջացած էի, և ահա Ահարոն կրկին զիմաւորեց զիս:

— Ահա՛ տեսաք, ըսաւ, այս գլխարկին գօրութիւնը, որմէ կրնաք օգտուիլ ձեր ճաշակին ու փաղձանքին համեմատ:

— Ես ատանկ բան չեմ ուզե՛ր, աղաղակեցի:

— Բայց տէր իմ, կ'երեւայ թէ չախորժեցաք այս փոխանակութենէն, ուրեմն ձեզի կ'առաջարկեմ բաղդին զիւթեալ քսակը:

— Այդ ալ ուրիշ դիւային գործիք մըն է, ի՞նչ է :

— Այս քսակին զօրութիւնն է միշտ մէջը բովանդակել հինգ օսմանեան ոսկի, արդարեւ տէր իմ, այս բան մը չէ, բայց երբ աւելի պէտք ունենաք այն ատեն հինգ ոսկին կը հանէք դուրս, քսակը կը գոցէք, և երկվայրկեանէ մը, քառորդէ մը, վերջապէս երբ որ ուզէք ու կրկին բանաք, մէջը հինգ ոսկի եւս պիտի գտնէք :

— Կարելի՞ բան է արդ, հարցուցի յարածուն զարմացմամբ :

— Ահա՛ փորձը, ըսաւ դիւայինս, ձախ աչքին մէջէն փոքրիկ քսակ մը դուրս հանելով՝ ըթամատովը երկաթ կէտի մը վրայ կոխեց, քսակը բացուեցաւ, հինգ ոսկի դուրս հանեց, ապա բերանը դէպի գետին դարձնելով՝ թօթուեց ու սեղմելով գոցեց, պահ մը կեցաւ, բացաւ, կրկին հինգ ոսկի ալ դուրս հանեց, նորէն թօթուեց, այսպէս շարունակ :

— Հասկցայ, պօռացի մարդուն երեսն ի վար, դուն խաբեբայ ձեռնածու մըն ես ու կը խաբես աչքերս ածպարարութեամբ :

— Ծնորհ՝ ըրէ՛ք տէր իմ, դուք ինքնին փորձեցէք այս բանը :

Եւ քսակը ձեռքս տուաւ : Քսակը բռնեցի և ահա բոլոր մարմնոյս մէջ անտանելի սարսուռ մը զգացի, ըրած փորձերս ցոյց տուին որ Ահարոն չէր խաբած զիս, բայց իրական աշխարհի մէջ այնպիսի հրաշալիք մը կարելի չէր, մտածեցի :

— Ուրեմն դուն դիւային մէկն ես, ըսէ նայիմ գարչելի մարդ, դուն Սաղայելի խումբէն ես, թէ ոչ Բենեդզեբուդի անիծապարտ բանակին կը պատկանիս :

— Գթա՛ ինձ, տէր իմ, ըսաւ Ահարոն մեղմ և պաղատագին ձայնով մը, սա առուտունիս վերջացնենք, թէ որ ես ձեր օգուտը մտածեցի, յուսամ որ դուք ալ

— Ահ, ահ, Վահան, երեսդ ինչո՞ւ ատանկ . . .

— Գնա՛, հիմա, կ'աղաչեմ մայրիկ :

ինծի ողորմելով, ձեր այդ գմայելի դէմքին պատկառանքը ինձ վաճառելու հաճիր :

— Բայց, ըրի, ենթադրելով որ երեսիս պատկառանքը ապրանք մը համարուէր ու ծախէի, այդ վաճառքը ի՞նչպէս պիտի կարողանամ յանձնել քեզի, ըսէ նայիմ անպիտան մարդ :

— Այդ հոգը ինձ յայտնեցէ՛ք, ըսաւ Ահարոն ընելիքին յաջողութեան վրայ լաւ համոզուած մարդու մը պէս :

Ես ալ այս դիւային մարդուն տաղտկալի թախանձանքէն օձիքս ազատելու համար, քիչ մըն ալ ոսկիներուն . . . հրապոյրին դիմադրելու անկարողութենէս .

— Ուրեմն ըրէ՛, ըսի : Հետաքրքիր նայուածքով սկսայ ընելիքին ուշ գնել :

Ահարոն ականջին մէջէն փոքրիկ ոսկի տուփ մը հանեց, միւս ականջէն մետաքսի պէս կակուղ ու բարակ սպունգ մը : Յետոյ ամենայն քաղաքավարութեամբ ինծի մօտենալով .

— Ներողութիւն, յարգամեծար տէր, ըսաւ, և սկսաւ մեղմիկ ձակատս շփել, յօնքերուս մէջտեղէն քիս վրայ իջեցուց սպունգը, ապա աջ ու ձախ կողմերը, երեսներս, թուչս, այտերս, մէկ խօսքով գլխուս բոլոր լերկ կամ թեթեւ աղուամազով ծածկուած տեղերն զրեթէ շփեց : Ապա բացաւ ոսկի տուփը, և սպունգը փութամատին, ցուցամատին և միջնամատին ծայրերն առած, բոլոր ուժովը քամելով երեք կաթիլ քրտինքի նման ջրեղէն հիւթ մը կաթեցուց մէջը :

— Ահա եղաւ, ազնուափայլ տէր իմ, ըսաւ ինծի, երբ ըրածին զարմացած, ապուշ ակնարկ մը կը պտրտցունէի երեսը :

— Բայց, շարունակեց, բաղդին քսակէն որպէսզի միայն դուք կարող ըլլաք օգտուիլ, և ձեռքերնուդ չը

հանել, ուրիշ երկու գործողութեանց ալ պէտք կայ, զորս կատարելու համար ձեր կողմանէ հանդիսաւորապէս խոստում մը կ'սպասեմ, սա իմաստով որ այս առուտուրին վրայ երբեք պիտի չը գլջաք, և դիւթեալ քսակը ետ տալով՝ ձեր գէմքին պատկառանքը չը պահանջէք երբէք :

Նկատելով որ այս կախարդական գործողութիւններէն յանսահմանս ձանձրացած էի :

— Ուզածիդ պէս թող ըլլայ, գոչեցի, կը խոստանամ, միայն թէ ժամ առաջ ազատիմ քու դիւային ձիրաններէդ :

— Կ'աղաչեմ տէր իմ, ըսաւ գլուխը դէպի աջ ծռելով, մի բարկանաք, ձեր վրայ ունեցած համակրանաց զգացմունքս կը թելադրէ ինձի որ ձեր օգուար խորհիմ չըջանայեցութեամբ : Եւ բերանը բանալով սկսաւ կոկորդէն հանել շղթայ մը, որոյ հաստութիւնը կը հաւասարէր մեծ գրահաւորներու երկաթ խարիսին նաւուն կցող շղթաներուն հաստութեան . կը նայէի ապշահար, առաքսակը, և ինչպէս ըրաւ չը գիտեմ, այն փոքրիկ ու չընչին առարկան կցեց շղթային ծայրին, և սկսաւ շուրջս դառնալ, իբր թէ այն շղթայով մէջքս կը պատատէր :

— Գիթա ինձի, գոչեցի, ի՞նչպէս կարող եմ ես, այսչափ հազարաւոր քաշ կը լող սոսկալի ծանրութիւն մը վրաս կրել :

— Համբերեցէք, տէր իմ, ըսաւ ժպիտով մը, որ դժուրքի բնակիչներուն յատուկ էր կարծես . հմայական աշխարհի մէջ նիւթ և ծանրութիւն չկայ :

Արդարեւ հակառակ այն ահարկու շղթային, անվերջանալի կերպով մէջքս պլլուելուն, ամենեւին ծանրութիւն չէի զգար, և ինչ որ աւելի ապշեցուցիչն է, մարմնոյս վրայ տարօրինակ թեթեւութիւն մը կը զրտ-

նէի, առոյգ և զուարթ սկսայ ոստոսակ, գլխովս հրաժեշտ տալով այս դիւային մարդուն :

Ճամբան սակայն միտքս սկսաւ տանջուիլ բունն մտազբարդութեամբ :

— Ի՞նչ ժամեր անցուցի, կը մտածէի, միլիոններ, մինչդեռ ես ու մայրս կէս անօթի... հարիւր հազար լիրա ծախք, պարտէզին մէջ քէօշկ մը շինելու համար, և սակայն անդին : մեր տունը, փոքր փոթորիկի մը կը սպասէ որ փչի : Ի՞նչ է այս... մէկը ունի չափազանցօրէն շատ, ուրիշ մը չափազանցօրէն սակաւ... ս'ւֆ, հապա այն հեռագրաթելի ձողը, այն սաղայեկան Ահարոնը, որոյ քթէն բերնէն երբեմն ձի կ'երնէ, երբեմն շղթայ : Եւ առուտուր... երեսիս պատկառանքը ծախու առնել, ի՞նչ այլանդակութիւն : Բազդին քսակն ի՞նչ պիտի ըլլայ, ամէն բանալուս և գոցելուս՝ մէջէն չիւնգ ոսկի... : Ոչ, ոչ, տեսիլք մ'է այս, ՚հէ, կեցիր նայիմ :

Ճակատս չիեցի, բոլոր յիշողութիւնս ամփոփեցի մտաց մէջ, մինչ աջ ձեռքովս հմայեալ քսակը գրպանէս հանելով բացի, և տեսայ որ չիւնգ փայլուն ոսկիներ գոգցես կը ժպտէին երեսիս, որ այս կէտիս աւելի սոսկումով պատած էր, քան թէ գոհունակութեամբ : Մըտքէս կ'անցնէր որ մէկ տարօրինակ զրոյցներ, ըստ որում, երբեւ ոսկի տրուած դրամներ, քանի մը վայրկեան յետոյ ասոր ձեւով պարզ թուղթի կտորներու կը վերածուէին :

Այսպիսի կախարդական խաբէութեամբ ինձի խաղ մը ըրած է թերեւս անիծեալն Ահարոն : Բայց ոչ, ոսկիներուն մէկը բռնելով շօշափեցի, և ձեռացս մէջ դարձնելով զմտեցի, ոսկի էր, իրապէս ոսկի, իր բոլոր ծանրութեամբը և սիրունութեամբը, բայց կրնար լինել, նայելով որ մէկ կախարդական պատմութեանց, որ ո-

րոշեալ ժամանակէ մը յետոյ, թուղթի կամ ուրիշ անար-
 ժէք մետաղի մը վերածուէր. ուստի երբ հասայ տուն,
 առանց մօրս բան մը ըսելու՝ մտայ սննեակս, և դրան
 խարխուղ նիգը փակելէ յետոյ, նստայ գրասեղանիս առ-
 ջեւ: Բաղդին քսակը հանեցի, բացի, և թօթուելով
 հինգ ոսկին թափեցի սեղանին վրայ: Գոցեցի քսակը,
 քառորդէ մը յետոյ կրկին բացի, ահա քեզի հինգ ալ-
 այս գործողութիւնը շարունակեցի քառորդը մէկ վայր-
 կեանի իջեցնելով: Միշտ հինգ ոսկի, ոչ աւելի ոչ պա-
 կաս, ոսկին եղաւ հազարի չափ, յոգնեցայ: Ոսկիները
 արհերուս մէջ առնելով երեսներուս քսեցի, ա՛հ, ի՛նչ
 անոյշ բաներ էք դուք, ամէն երջանկութիւն ձեզմով է
 երկրիս վրայ, մինչև իսկ երկնից մէջ կրնամ ըսել,
 քանի որ դրամն է որ հաստատ կը պահէ զմարդ առա-
 քինութեան շաւղին մէջ...

Վրաս սաստիկ ջերմ մը եկաւ, կը գառանայէի, և
 զգալով որ զգայազիրի գետինը կը տապալիմ:

— Մայրի՛կ, գոչեցի:

Այսչափը գիտեմ: Երբ աչքս բացի, մայրս տեսայ
 գլխուս վերեւ, ամէն խնամք կը շուայէր զիս սթափեցը-
 նելու համար: Ուրբի երայ, իբր թէ երազելէ կ'արթըն-
 նայի:

— Վահան, այս ի՛նչ ոսկիներ են, ըսաւ մայրս
 սոսկումով խառն գարմացմամբ: Առջի պատասխանս՝

— Չը գիտեմ մայրի՛կ, եղաւ: Ուշաթափ էի տա-
 կաւին:

Սակայն տակաւ ուշաբերեցայ:

— Այո՛, շարունակեցի, վերջը կը հասկցնեմ:

— Ոչ առաջը գիտեմ և ո՛չ վերջը, գոչեց մայրս,
 պէտք է որ շուտով այս ոսկիներն իրենց տիրոջը դառ-
 նան, ի հարկէ այսչափ դրամ մէկտեղ կարող չես չա-

հիլ մէկ օրուան մէջ, շուտ, ս՛ւֆ, այդ ի՛նչպէս ալ
 դէմքդ չնորհքէ ելեր է Վահան, շուտ տար սա ոսկիները
 որ երեսդ իր առջի անմեղութիւնը գտնէ:

Կը մտածէի թէ արդեօք դէմքս ի՛նչ պատճառաւ
 չնորհքէ ելեր է: Այս յանկարծական փոփոխութեան
 պատճառը ինքնիրենս գտնել կարծեցի, որովհետեւ փայ-
 լուն մետաղին առաջին տեսքը այլ յայլմէ ըրած էին
 սիրտս, կ'երեւի թէ այս յուզմունքը գէշ տպաւորու-
 թիւն յառաջ բերած էին կերպարանքիս վրայ:

Գործին էութիւնը մանրամասնօրէն մօրս հասկցնել
 երկար պիտի ըլլար, ուստի միտքս լաւ մը ամփոփելէ
 յետոյ յարմար դատեցի որ հրամայական ոճ գործածեմ:

— Մայրիկս, ըսի կտրուկ ձայնով մը, հիմա ես
 բացարձակ կերպով հանգիստի պէտք ունիմ, գիտեմ նաեւ
 որ դու ալ դրամի պէտք ունիս, երէկ առտու պառկած
 տեղէս իմացայ որ հացագործը զքեզ կը նեղէր բաւա-
 կան աղմուկ հանելով, ուստի սիրելի մայրիկս, առ սա
 մէկ երկու երեք ոսկին ու գնա հիմա, այսչափ:

— Ո՛հ գաւակս, ըսաւ մայրիկս, դողըւջուն ձեռ-
 քով ոսկիները գրեթէ յափշտակելով:

Ոսկին ինչ տեսակ աղբիւրէ որ յառաջ գայ, միշտ
 անդիմադրելի տպաւորութիւն գործած է Աղամայ որ-
 դուց վրայ:

— Մի գուցէ ոճիրի մը արդիւնք ըլլայ, առարկեց
 մայրս: Լուսահողի հայրդ թէպէտ աղքատ, այսուհան-
 դերձ երբեք ուզողութիւնն է չչեղացաւ: Չեմ մոռնար բնաւ,
 գիշեր մը իր մէկ յաճակտորդը գինով վիճակի մէջ քա-
 ուորդ մէճիտի տեղ ոսկի մը տուած էր, հայրդ այն գի-
 շերը չարքեցած տուն դարձաւ և արշալոյսին երնելով
 այն ոսկին իր սիրոյնը դարձուց:

— Մի վախնար մայրիկս, ըսի իրեն մեղմ ձայնով,
 ես ալ այն հօրը դաւակն եմ:

— Ա՛հ, ա՛հ, Վահան, երեսդ ի՛նչու առանկ...

— Գնա հիմա, կ'աղաչեմ մայրիկ:

Գ.

Երբ առանձին մնացի, սակաւ ինչ շունչ առի. բայց կը տեսնէի որ մտահոգութիւններս այնչափ աւելցած էին, որչափ որ կրնամ ըսել, չէր աւելցած հարստութիւնս :

Այս ոսկիները ո՞ւր պիտի պահէի, քիչ շատ զօրաւոր հով մը կարող էր փողոցնուս դուռը բանալ, պատուհանները խորտակել, թողունք չար մարդոց ձեռնարկը մեզի վնասելու, կողոպտելու համար. սկսայ մտածել. ինչպէս ընելու է, երկաթեայ արկղ պէտք է, հաստատուն դռներով սուն : Վրաս գլուխս չտկելու եմ, այս բազմադիմի հոգերուն մէջ ես մինակս ինչպէս կըրնամ համնիլ, սպասաւոր մը պէտք է, հաւատարիմ մէկը ո՞ւր գտնել : Բայց... խնդրոյն ամէնէն կարեւորը, թէ որ հարցունեն այս հարստութեանս աղբիւրը, ինչ պատասխան տալու եմ, ո՛հ, Աստուած իմ, սոսկալի բան, այս նոր վիճակս այժմէն սկսաւ ինձի բեռ ըլլալ : Հիմա խեղքիս պիտի գայ, երեսմ դուրս, քիչ մը շունչ առնեմ :

Ժամը երեկոյեան տանին կը մտենար : Առանց գիտնալու թէ ուր պէտք է երթամ, դէպի դալարաւար և օգաւէտ տեղ մը ուղղեցի քայլերս. մանկամարդ աղջիկ մը, դէմքով իրեն նմանող տանտիկնոջ մը հետ կ'երթար մտաղբալ, մօտերնուն անցնելով երբ առաջ կ'երթայի, ետեւէս փափառք մը լսեցի .

— Սա մարդը նայէ, մայրիկ, ինչ լիւտած կերպարանք ունի :

— Աղէկ նշմարեցիր աղջիկս, շատ անշնորհ մարդ : Արդեօք այս դիտողութիւններն իմ վրաս էին, և սակայն ես անոնց երեսն անգամ չէի նայած : Արդեօք, մտածեցի, իրենց կարեւորութիւն չը տալս ոճի՞ր համարեցին : Արդարեւ... Իրաւունք ունին գեղեցիկ սեռին վրայ սքանչացումով ակնարկ մը չը նետելը զայն թըշնամանել է, ինչ կոչտութիւն է ըրածս :

Այսպէս մտածելով և ժպտուն դէմքով երեսս օրիորդին և տիկնոջ դարձուցի, բայց ո՛վ զարմանք, անոնք սոսկումով դէմքերնին ծածկեցին : Արդեօք երեսիս վրայ ինչ անարկու բան կար, չէի հասկնար :

Ձարմանքս կրկնապատկուեցաւ երբ դպրոցի մը առջեւէն անցած ատենս ալ արձակուելու վրայ եղող չարածճի տղաք սկսան պոռալ .

— Ծօ՛ տղայք, սա անպատկառ մարդը նայեցէք, երեսին ջուրը փախեր է :

— Իրաւ անանկ, ըսելով՝ դպրոցին քովիկը գըտնուող նպարալաճառին աղբամանին մէջէն լէմօնի կեղեւներ առնելով սկսան զիս անինայ հարուածել :

Շուարեցայ մնացի, չէի գիտեր թէ առաջ երթալ պէտք է թէ ես. քայլերս փութացնելով ուրիշ ճամբով սուն դառնալու որոշում տուի, վախնալով որ սերիչ անտեղութիւններու նշաւակ կ'ըլլամ :

Հայելին առի ձեռքս և սկսայ պրպտել, որ արդեօք երեսիս վրայ ինչ անհաճոյ բան կ'երեւի : Արդեօք այն դիւային Ահարոնը իբր թէ երեսիս ջուրը ժողվիլ ուզած ատեն, անոր վրայ տգեղացուցիչ բան մը աւելցուցած էր : Այս կարծիքս հաստատող նշան մը չտեսայ հոն :

Սակայն բաղբատելով հարստութեանս, մտահոգութիւնս չափազանց աւելցաւ. գրասեղանիս դարակներուն

մէջ լեցուցեր էի հազարի չափ ոսկի: Ի՞նչպէս պահպանել անոնք:

Գիշեր էր: Ուժասպառ էի: Կէս հանուած նետուեցայ անկողին, բայց քունս չտարաւ: Ելայ, հմայեալ քսակս ձեռք առի նորէն, բացի, ո՛հ, հինգ հատ փայլուն ոսկիներ նորէն կը ժպտէին երեսիս:

Գոցեցի և կրկին բացի, դարձեալ անկողին նետուեցայ:

Երբ աչքս բացի, կենսաբեր արշալոյսը իր կարմրուկ թեւերը սաւառնել սկսած էր հորիզոնին վրայ: Անմիջապէս հագուեցայ, և ձեռնարկեցի գործադրել ամէն ինչ որ պէտք էր մեր ապահովութեան, և աւելի հանգըստաւէտ կենցաղի համար:

Օղասուն և դալարաւէտ դիրքի մը վրայ, քանզի այս բանը շատ կը սիրէի յոյժ մանկական հասակէս սկըսեալ, ամրաչէն տուն մը վարձեցի, և հակառակ մօրս յամառ ընդդիմութեան և թափած արտասուքներուն, քանզի իր ամուսնոյն յիշատակը միշտ աչքին առջեւ բերող տնակէն չէր ուզեր բաժնուիլ, և մինչեւ իր մահը այնտեղ ապրեցին և իր մահէն յետոյ ուղածս ընելու կարող ըլլալս կ'ուզէր համոզել զիս: Անմիջապէս փոխադրուեցանք այնտեղ:

Ամէն երթևեկութենէս սրտնեղիչ դէպքեր կը պատահէին ինձ, այս անտեղութիւնն ալ բառնալու համար որոշեցի սպասաւոր մը ունենալ: Տղայութեանս ընկերներէն սատանորդի մը կը ճանչնայի Սուրէն անունով: Քովս առի:

— Ծօ տղայ, ըսի, ժառանգութենէ մը քանի մը ոսկի ձեռքս անցաւ, չգիտեմ ինչպէս ընեմ որ յափշտակող ձեռքերէ պահպանուին:

— Տէ՛ր իմ, ըսաւ, դուն ինձ երեսուն ոսկի տուր, ուրիշ բան հոգ մի՛ ըներ:

Իսկ ես, եռեսուն, երեք հարիւր, երեք հազար ոսկիներն իմ աչքիս ոչինչ բանել ըլլալը մէկէն ի մէկ Սուրէնի գիտցունել չուզելով:

— Ո՛ւհ, գոչեցի, այդ որչա՛փ դրամ է:

Եւ միանգամայն երեսուն ոսկի Սուրէնի առջեւ նետեցի, մէկ փարայի պէս:

Սուրէն կայծակի պէս անյայտացաւ:

Երբ վերադարձաւ, ետեւէն կուգային չորս հուժկու բեռնակիրներ, իրենց ահագին ձողերովը երկաթեայ խոշոր գանգուած մը բարձած:

Շունչ առի, երկաթեայ խոշոր դրամարկղ մըն էր այս, որու մէջ իսկոյն տեղաւորեցի՝ սիրունիկ ոսկիներս:

Հանգստաւէտ կեանք մը սկսայ վարել մօրս հետ, սակայն ինչ որ կը դառնացնէր իմ երջանկութիւնս, ո՛ր ընկերութեան մէջ որ մտնէի, կերպարանքս տգեղ տպաւորութիւն կ'ընէր ներկաներուն վրայ: Ստիպուած էի հեռու կենալ մարդկային ընկերութիւնէն, որչափ որ հնար էր: Այս վիճակէն բնական հետեւանքով ձանձրոյթ մըն է զիս պատեց. դրամ՝ առատ. բարօրութեան համար պէտք եղած առարկաները միշտ պատրաստ, բայց վիճակս կղզիացեալ, ի՛նչ ընեմ ես ոսկին, աս արգելք է ինձի ընկերութեան քաղցրութիւնը վայելելու. դէ՛մքս է արգելք, թէ՛ ոչ դէ՛մքիս... չը գիտեմ ինչը, ես կերպարանքիս վրայ արտասովոր բան մը չեմ տեսներ: Ի՛նչ դադանիք է այս:

Մայրս տեսնելով որ օր օրի կը հալիմ ու կը մաշիմ, Սուրէնի հետ խօսք մէկ ըրած, սկսան ինձի համոզել որ ամուսնանամ:

Անոնց թախանձանքներուն վրայ հաճութիւն տուի. չեմ յիշեր անունը. փարթամ վաճառականի մը տուն ազջիկտեսի տարին ինձի: Աւելորդ է ըսել որ մեծ պատուով ընդունուեցանք, քանի որ ոսկիներու հետ այնպէս

կը խաղայի, ինչպէս որ կը խաղան քրջանաւաքները՝ քուրջերու և ոսկորներու հետ:

Մարդիկ ամէն բարեմասնութիւն դրամին կը վերադրեն, դրամ ունեցողին ամէն մէկ խօսքը երկնային պատգամներ են, ամէն մէկ կարծիքը փիլիսոփայական վճիռներ: Դրամ չունին, վա՛յ քեզի, խղճալի մարդուն մէկը, խօսքը անհամ, վարմունքը ձախաւեր, գործքերը անմիտ, օրը քսաննչորս ժամ պէտք է աշխատի՝ որ օրական հացը ձարէ. ոչորմանի մարդուն մէկը վերջապէս: Իսկ ես դրամի հետ ընկերային բարեմասնութիւններս ալ չէին պակսեր, այսու հանդերձ ամէն ընկերութենէ կը մերժուէի:

Աղջկան մայրը օրիորդը ներկայացուց ինծի և մօրս:

Չը մոռնամ ըսել որ Սուրէն ալ մէկտեղ էր, քանզի այս մարդն աւելի ընկերի և խորհրդականի հանգամանքը ունէր ինծի համար, քան թէ սպասաւորի:

Օրիորդը, որ բնական բարեմասնութիւններով օժտուած էր, հազիւ զաղտագողի ակնարկ մը նետեր էր վրաս, երբ սենեակին դուռնէն դուրս ելաւ, կամ աւելի չիտակ է ըսել, դուրս նետուեցաւ:

Սովորական անոյշներն ու սուրճերը բերուեցան սպասուհիին ձեռամբ, տիկին մայրը ձեռքը թաշկինակ մը բռնած, թէ կը խօսէր և թէ աչքերը սրբելու պէս կ'ընէր, և կամ քովտօի դարձած, իբր թէ պատուհանէն դուրս կը հայէր:

Մայրս փափկանկատութեամբ օրիորդին բացակայութեան պատճառը հարցուց, տիկինը սպասուհիին հետ ականջէ ականջ քանի մը խօսք փափսացին, յետոյ մօրս դառնալով.

«— Կարծեմ, ըսաւ, աղջկանս սիրտը թունաւ է ելեր, դուք կը հասկնաք տիկին, այսպիսի պարագաներու մէջ...»

— Այո, այո, ընդմիջեց մայրս, թող հանգիստ ընէ օրիորդը, մէկ օրուան համար չենք ես... հարկաւ ասկէ յետոյ պատեհութիւններ պիտի ունենանք զիրար կրկին տեսնելու:

Երբ տուն դարձանք, զարմացական ակնարկներ սկսանք նետել իրարու վրայ: Այս ինչպիսի աղջիկտես էր, կը հարցունէինք մէկ մէկու:

— Կարելի է, կ'ըսէ Սուրէն, վրան մասնաւոր վիճակ մը եկաւ, մարդ եմք:

— Այո, շատ կարելի է, կամ եթէ ուրիշ պատճառ մ'ալ կայ, ինդիրը վերջէն կը լուծուի. համբերենք:

Համբերեցինք օրեր, սպասեցինք շաբաթներ, ամիսներ, աղջկան կողմանէ երեւող չկայ: Առաջին քայլը մենք ուզեցինք աւանել, մայրս սա պատասխանը բերաւ ինծի.

— Աղջիկը հիւանդոտ է մի եղեր, չեմ գիտեր ինչեր, հոգը այդ ըլլայ տղաս, ձեռքս պագնողին աղջիկը առ:

Երբ օր մը խոհանոցին առջեւէն անցնելով սենեակս կը դառնայի, իմացայ որ մայրս և Սուրէն, առանց իմ ներկայութենէս կասկածելու, կը խօսակցէին:

— Գիտես, Տիկին, ես պատճառը գաղտուկ մը պըրպըտեցի, աղջիկը ըսեր է որ այդ երեսը միւռոն չունեցող մարդուն այլ եւս չը ներկայացունեն զինքը, ինչ տգեղ, ինչ խոժոռ գէմքով մարդ, մայրն ալ աղջկան կարծիքը հաստատեր, և արդարեւ երեսին ջուրը գացած, լիբը մարդուն մէկն է» ըսեր է:

Առանց այլ եւս ուշ դնելու այս խօսակցութեան շարունակութեանը, կոշիկիս ծայրերէն կոխելով յուշիկ յուշիկ վեր ելայ, ու սենեակս քաշուեցայ:

«— Երեսը միւռոն չունեցող մարդ, երեսին ջուրը փախած...» սոսկալի վիճակ... և սակայն շատ ոսկի

ունի եղեր... ոսկին ի՞նչ կ'արժէ, քանի որ զայն ստացողին երջանկութիւնը բառնալէն զատ օգուտ չը բերեր:

Այսպէս մտածելով ծայրայեղ յուսահատութեամբ խաւարած աչքերս փակելով, գլուխս բարձիկի մը վրայ կրթնցուցի:

Առաւօտ էր, մետաքսեայ դիշերազգեստս հագած, թիկնաթուին վրայ նստեր, և տարտամ խորհրդածութեան մէջ թաղուած, մէջքիս կապին ծոպը աջ ձեռքիս ցուցամատին վրայ կը դարձմշտկէի մեքենայաբար, երբ Սուրէն իր սովորական ժպիտը բերնին վրայ, սենեակս մտաւ և յարգական խոնարհութիւն մը ըրաւ:

Նոր արթնցածի պէս, և առանց անոր յառաջաբանին սպասելու.

— Նստէ նայինք Սուրէն, ըսի, ի՞նչ կայ, ի՞նչ չկայ:

— Ողջութիւն, տէր իմ:

— Ի՞նչ կ'ըսես, սա աղջկան կողմանէ ցարդ պատասխան չեղաւ:

— Ո՛հ, տէր իմ, շիտակն ըսելով մինք ալ չհետաքրքրուեցանք, հիւանդոտ բան մը:

— Այնպէս է, Սուրէն, բայց...

Անմիջապէս ինքզինքս զսպեցի, քանզի չէի ուզեր որ ստախօս վարձկանը զգայ թէ այս խնդրոյն վրայ մօրս հետ ունեցած մէկ խօսակցութիւնը խոհանոցին դուռնէն մտիկ ըրած եմ: Եւ պահ մը մտածելէ յետոյ.

— Բայց, ըսի, օրիորդն ալ այնչափ սրտահանոյ չերեւցաւ ինձ:

— Անկէ աղւտորներ ալ կը գտնուին, տէր իմ, ըսաւ Սուրէն, սպիտակ դէմք մը, շատ սպիտակ, գիտէք ամէն բանին չափազանցը աղւտոր չէ:

— Անանկ է Սուրէն:

— Պզտիկ քիթ մը, կարծես թէ բնաւ քիթ չունի, մեծ ուշադրութիւն ընելու է որ...

— Հարկաւ:

— Հասցա բերանը, մանտրաիկ, այնչափ մանր՝ որ երեսին տգեղ ձեւ մը կուտայ:

— Անշուշտ, ըսի բոլորովին մտադրազ:

— Հասակը բնաւ յարմար չէ ձեզի, ձեր հասակէն տասը սանթիմէթրի չափ բարձր է: Ի՞նչ անյարմար բան, կին ըսածդ այրէն սակաւ ինչ կարծ պէտք է ըլլայ հասակով:

— Շատ ձիշտ:

— Մազերը, շարունակեց Սուրէն, սեւ, ձենական մկանի գոյն: Ձեր մազերն ալ այնպէս է, այր և կին միեւնոյն գոյնով հեր ունենալը շատ ախորժելի բան չէ, երկուքէն մէկինը պէտք է տարբեր գոյնով ըլլայ:

Սուրէնի այս պարսաւականներէն մեծ բան մը չէի կրնար հասկնալ: Միայն կը կարծէի որ այն օրիորդէն միտքս դարձնելու կը ձգնի ան, և բարեմտաբար կամ անզիտաբար գովեստներ կը շուայէ իրեն նկատմամբ: Ետքէն հասկցայ որ բարեմիտ կարծածս Սուրէնէն աւելի, ես ինքս միամիտ եմ եղեր:

Չարածձի սրիկան իր դրամական վիճակը իմ ծախքերուս վրայէն գողցած դրամներով բարուքեր, և ինքն իսկ հետամուտ եղեր էր այն օրիորդին ձեռքին:

Ի ընէ սակաւ ինչ վեհանձն էի, ուստի անոր այս փոքրիկ անհաւատարմութիւնը իրեն մեղք չհամարեցի, միայն թէ որպէսզի բոլորովին պարզամիտ չկարծէ զիս, չեմ յիշեր որ տարուան կաղանդի մը առաւօտուն, երբ ամանորի շնորհաւորութեան համար սենեակս գալով՝ ձեռքս համբուրելու մօտեցաւ:

— Շատ տարիներու, ըսի իրեն, այս առթիւ անցեալ տարուան մէջ ծախքերուս վրայ ըրած խնայողութիւններուդ արժէքը քեզ կը նուիրեմ:

Սուրէնի դէմքը չի կնեցաւ, ինչ որ կը ցուցնէր թէ բարքը ապականած չէր բոլորովին:

Գալով աղջկան խնդրոյն, քանի որ ինձ չէին տար, ազատ էին տալու ուրիշ որու որ ուզէին: Ետտե՞րեւնը և նախանձը ատելի էին ինձ ամէն պարագայի մէջ:

Սուրէն կարծիք յայտնեց թէ փոքրիկ ճամբորդութիւն մը շատ մխիթարիչ և զբօսարար բան մը կրնայ ըլլալ ինձ համար: Անոր այս կարծիքը շատ հաճոյական թուեցաւ ինձ և իսկոյն սկսանք պտտրատուութիւն տեսնել: Մայրս համոզել անկարելի եղաւ, կը պնդէր հաստատ որոշումով որ տեղէն չալիտի շարժի, որպէսզի, երբ վախճանը վերահաս ըլլայ, հօրս գերեզմանին քովը պիտի քնանայ իր յաւիտենական քունը:

Սակայն զիս ազատ կը թողուր, կարճ ժամանակի մը համար:

Իր խորհուրդով, հօրս գերեզմանին վրայ փառաւոր չիրիմ մը կանգնեցի: Տարիներու հորովմամբ, դատողութիւնս հասունցած ըլլալով սկսեր էի հայրս սիրել, այնչափ աւելի, որչափ որ չէի սիրեր աղայութեանս մէջ, իր կենդանութեանը ժամանակ, կը մտածէի որ խեղճ մարդը արշաղայսին կ'եղնէր, ամառ ձմեռ, և ծովեզերք վազելով մինչև երեկոյ քրտինք կը թափէր սրտալու համար քանի մը սխա ձուկ, կամ քանի մը տասնեակ ուրականջ, որոնց արժէքը չէր բաւեր անգամ երեք հոգւոյ մնունդ ճարեցու: Արբեցող էր, իրաւ է, բայց աղքատութեան հետեւանքն էր այդ. իր վիշտերուն սիտիանքը ի՞նչ բանի մէջ գտնայ չքաւորը, Սողոմոն մականուանեալն իմաստուն, պէտք չէր ըսեր թէ՛ «Իշխողները օղի չխմեն, որպէսզի արդարութենէ չչեղին, աղքատները թող օղի խմեն, որպէսզի մխիթարուին»: »

Բայց երբեմն միայն մխիթարութիւն գտնելու համար չէ որ մարդս կ'արբենայ: Արբենալու իղձը կուտայ մեզի

չափազանց ուրախութիւնը: Նահապեան Նոյ, մարդկութեան այս երկրորդ արմատը, ըստ Մովսէսի, երբ տեսաւ որ մարդկային ազգը իրմով փրկուեցաւ ամբողջական ջնջումէ, չէ՞ մի որ ուրախութենէն արբենալով գինովցաւ:

Մամսոնի մօրը, Աստուծոյ հրեշտակը մօտենալով պատուիրեց որ իրմէ ծնելիք զաւակը օղի չգործածէ:

Ըստ իս, մամսաւոր բացատուութիւն մըն է այս, քանզի եթէ ընդհանուր պատուէր մը ըլլար՝ հարկ է որ տասնաբանեայ պատուիրանքին թիւը տասնըմէկի բարձրանար սա մեծասաներորդ պատուէրով:

«Մի արբենար»:

Գրիստոնեայ աշխարհը գիտէ թէ գինին, որ ըմպելեաց կարգէն է, ինչպէս նուիրագործուած է, ուստի հարկ չեմ տեսներ մանրամասնել անոր վրայ:

Ամէն հռչակաւոր հեղինակներ, առանց բացատուութեան, գօնեակի և շամբանեայի օժանդակութեան կը պարտին իրենց ամենէն վսեմ ներշնչումները:

Այսպէս հօրս յիշատակին համար ինձի կատարել մնացած վերջին պորտականութիւնս լրացնելէ ետքը, անցագիրս հանելու ձեռնարկեցի:

Գ.

Այս գործը յանձնեցի Սուրէնին, որ թէպէտ ճամբորդութեան գաղափարը տուողը ինքն էր, սակայն այնչափ դանդաղութեամբ կը վարուէր, որ կը զարմանայի:

Ամիրաներ անցան, և տակաւին թուղթերնիս պատրաստ չէին:

Չարածճի տղան սատանայարն մեքենայութիւն մը կը նիւթէ եղեր, հասկցայ, բայց շատ ուշ:

Այս միջոցիս իմացայ որ մօրս և Սուրէնի հետ տեսնելու գացած օրիորդին հայրը, որ գործի համար գաւառները կը գտնուէր, այն օրերը դարձեր է: Պէտք է խոստովանիմ, որ ամէն անգամ որ այս դէպքը կը յիշէի, սիրտս կը յուզուէր: Օրիորդին հայրը իր կնոջ և աղջկան կարծիքէն չըլլալով այս ամուսնութեան գործը ի կատար հանելու հետամուտ գտնուելը Սուրէն իմանալուն պէս, սկսաւ այնչափ փոյթ ընել զիս Պոլիսէն դուրս հանելու համար, որչափ որ կը փութայ մարդ հրկիզեալ առնէ մը, հոգին և ինչքը ազատելու:

Սուրէնին դժբաղդութենէն, գործին իսկութիւնը մինչեւ ինձի թախանցած ըլլալուն համար, հիմա ալ ես սկսայ դանդաղել: Երջանիկ ամուսնութիւն մը հարկաւ աւելի նախամեծար է, քան թէ ճամբորդութիւն մը, դէպի այնպիսի երկիր մը, որ անձանօթ է մեզի, և ուր ոտք կոխած վայրկեաննուս անորոշ բաղդին ձեռքը խաղալիք կ'ըլլանք:

Մինչ այս մինչ այն, չարասիրան Սուրէն, իր մեքենայութիւնները պատրաստած ըլլալով, յանկարծ առտու մը ոստիկանութեան կողմէ կը կանչուիմ. կը կարծէի որ անցազիրնիս պիտի տան:

- Անունդ ի՞նչ է հարցուեցաւ ինձ:
- Վահան, պատասխանեցի:
- Հօրդ անձուք:
- Արթին:
- Ի՞նչ գործով կը զբաղիս:

Շուտրեցայ: Բայց պէտք էր պատասխան տալ:

— Տէր իմ, ըսի, անցազիրի համար այդպիսի հարցումներու պատասխան տալ պարտաւոր եմ:

— Ի՞նչ գործով կ'զբաղիս, կրկնեց պաշտօնեան, ցատկոտ նայուածք մը պտտցնելով շիկնած երեսիս և աչքերուս վրայ:

Հասկցայ որ պատասխան տալ պէտք է, ուստի.

— Օգնական դասատու եմ, տէր իմ, ըսի մարած ձայնով մը:

— Օգնական դասատու էիր ասկից հինգ վեց տարի առաջ, անկէց ի վեր ի՞նչով կ'ապրիս...:

— Անձնական տկարութիւն ունիմ, առժամանակեայ դադրած եմ վարժապետութիւն ընելէ:

— Ինչո՞վ կ'ապրիս, համբերութիւնս մի՛ հատցնե:

— Հայրս քիչ շատ ժառանգութիւն թողած է, այսչափ. ես ու մայրս քիչով կը շտանանք:

— Հօրդ ժառանգութիւնովը, այնպէ՞ս է:

— Այո՛, տէր իմ:

— Ուրեմն պէտք է սպասես, մինչեւ որ տեղեկազիրները ժամանեն:

Այս ըսելով աչք ըրաւ ոստիկանի մը, որ ետեւ կայնած էր, և չէի նշմարած, այս մարդը թեւիս դպաւ, ըսել ուզելով որ հետը երթամ: Եւ գացինք, գացինք մեծ դրան մը առջեւ, պաշտօնատան բակին աջակողմը, դուռները բացուեցան, ոստիկանը պօռաց զիս ներս հրելով:

— Առէ՛ք, Վահան Արթին, և անարկու դուռները մեծ ժխորով վրաս գոցուեցան:

Ապշած ու զարմացած, շուտրեցայ մնացի:

— Ինչո՞ւ, ի՞նչ կայ, ո՞ւր ենք:

— Ի՞նչ է այստեղ, հարցուցի ձառադէմ ու խոշոր մարդու մը, որ տասը քայլի չափ հեռուն կեցած մէջքի բանալիները կը խառնէր:

— Անրան, ըսաւ այս մարդը, իր բանտապահութեան պաշտօնի յատուկ խիստ շեշտով, չե՞ս տեսներ որ բանտարկուած ես:

Յուրա սարսուռ մը պտտեցաւ բոլոր մարմնոյս վրայ: Բնական բերմամբ մը.

«— Ինչո՞ւ արդեօք», պիտի հարցնէի, բայց աւելի խիստ պատասխանի մը երկիրդէն, զգուշացայ. կարծես գամեր էին զիս կեցած տեղս, ոչ առաջ կրնայի երթալ և ոչ ետ:

— Բանտարկուած եմ, ուստի յանցաւոր եմ, ի՞նչ յանցանք գործեցի արդեօք, շատ բան, ինչո՞վ կ'ապրիմ եղեր, որո՞ւ հոգ, ինչով ուզեմ անով կ'ապրիմ: Ինծի դէմ բողոքող ո՞վ է, ի՞նչ սաստում, ի՞նչ խատու՞թիւն... Այսպէս տարտամ մտածմունքներու մէջ թաղուած մնացած էի, երբ շուրջս եկող քանի մը մարդիկ զիս արթնցուցին կարծես:

— Բարի եկար:

Ուրիշ մը.

— Եկուր նայինք, ի՞նչ ես կեցեր հող:

— Բարեկամ, ըսի, ոչ ուր ըլլայս գիտեմ և ոչ ուր երթալիքս:

Ուրիշ մը թեւէս քաշեց ըսելով.

— Եկուր բարեկամ, երթանք մեր սրահը, մի տըրտմիր, ուրախ ըլլանք, աս ալ ասանկ օր մըն է:

— Է՛յ, ըսէ նայինք, նա՛ սիկառ մը չինէ, քէֆդ նայէ՛:

Կարծես թէ կղակս կղպուած էր, չէի կարող բառ մը իսկ արտասանել, գաղափարներս չփոթած էին, այս անակնկալ դէպքը այնչափ տրամեցուց զիս, որ եթէ մինակ ըլլայի, աղու մը պէս պիտի լայի: Բանտ... , ի՞նչ բան ունիմ ես այստեղ, Ահարոնը, անիծապարտ Ահարոնը...: Մարդիկ հարստութեան համար խնդ կ'ելլեն, և սակայն ինձ պատահած այս ամէն ձախողուածին պատճառը ոսկին էր:

Այս բաները մտքէս անցուցած պահուս, մտածեցի անքաղաքավար չըլլալ, հանդէպ այն նոր բարեկամիս, որ այսչափ սիրով զիս կը հիւրընկալէր: Բարեկիրթ անձ մըն էր այս քառասունը անցած՝ Ապսիւրրահման անուն, որ միանգամայն ծխախոտին քսակը ինձ կը մատուցանէր: Սիրով ընդունեցի, և սիկառս ծխելով հանդերձ շուրջս սկսայ դիտել. քանի մը ստանակ դէմքով երիտասարդներ ետիս կայնած և թեւերնին իրարու ուսին դրած զիս կը գննէին կարծես: Կը փախալին, սակայն ես յստակօրէն կը լսէի ըսածնին:

«— Այո՛, արդեօք այս մարդէն օգուտ մը կրնա՞նք տեսնել, փարաս հատաւ, այս երեկոյ ծոմ եմ, թէ որ հնարք մը չգտնեմ:»

«— Սա մարդուն դէմքը նայէ՛ Հասան՝, ի՞նչ սգեղ, ի՞նչ դիւային է:»

«— Աղէկհնկատեցիր Մկըր, այս ինչ աներես մարդ է:»

— Ո՛հ, մտածեցի ինքնիրենս, բանալին մէջ անգամ խոժու և աներես կ'երեսամ այս ձաւաղէմ մարդոց առջեւ, շատ դժբաղդ եմ: Ո՛ւր գտնեմ Ահարոնը, որպէսզի սա դիւային քսակը իրեն վարձունէի, և կերպարանքիս վայելչութիւնը ետ առնէի: Ծշմարիտ գանձը՝ պատկառելի և չորհրդալի կերպարանքն է եղեր, ասիտո՛ս որ սղայամտօրէն խարուեցայ. իմ ճշմարիտ դժբաղդութիւնս խարուած աղէտալի օրէս կը սկսի, և վախնամ պիտի վերջանայ մեռած օրս:

Սակայն քանի որ այս տարօրինակ ընկերութեան մէջ կը գտնուի, իմ ցաւերս քիչ շատ փոփոխու համար կը պարտէի ըստ կարելոյն հաճոյական երեւնալ անոր. ուստի արծաթէ սուփս բանալով ամէնուն ալ մէյմէկ սիկառ հրամցուցի:

Ապսիւրրահման, որ զիս մեծարող բարեբարոյ մարդն էր.

— Է՛յ, պատմէ նայինք, ըսաւ, ի՞նչպէս եղաւ որ մեր ընկերութեան մէջ եկար:

— Ես ալ լաւ չեմ գիտեր, ըսի, վերջ ի վերջոյ պիտի գիտնամ հարկաւ:

— Այնպէս է, համբերութիւն պէտք է, դուն նոր եկած ես, ես ամիսներէ ի վեր կը սպասեմ առանց բան մը գիտնալու:

— Ի՞նչպէս կ'ըլլայ այդ, ըսի զարմացմամբ, ամիսներէ ի վեր այստեղ կը սպասես ու տակաւին չգիտցա՞ր պատճառը:

— Ո՛չ, ըսաւ անտարբեր դէմքով մը, խանութ մը բացեր են եղեր, ու մէջէն հարիւր ոսկիի չափ ապրանք գողցուեր է: Այդտեղ ես ի՞նչ յանցանք ունիմ:

— Արդարեւ, ըսի, բայց կ'երեւայ թէ յանցաւորը չէ գտնուած:

— Հը՛, ըրաւ, գողցուած ապրանքին մէկ մասը իմ տունէս գտնուեր է եղեր, ես ի՞նչ ընեմ, երբ որ չուկային մէջ ծախուած բաներուն ստակը կուտամ՝ կ'առնեմ տունս կը բերեմ, ու ետքը կ'ելլան այդ գողութեան ապրանք է կ'ըսեն:

— Իրաւունք ունիս, ըսի:

Եւ հասկցայ որ դիմացինս գող մըն է:

Այսպէս միւս ընկերներու հետ ալ ստիպողաբար բարեկամացայ օրեր անցնելով, ոմանք մարդասպան էին, ոմանք հարստահարիչ և այլն: Եւ ամենքն ալ կարօտ վիճակի մէջ, ամէն օր անիծեալ քսակս կը բանայի, ուր ըստ սովորականին հինգ հատ փայլուն ոսկիներ երեսիս կը ծիծաղէին կարծես, և մէկ մասը Ապոխիւրահամանին նետելով բոլոր ընկերներուս պէտքերը քիչ չատ հոգալ կուտայի:

Անցան օրեր, շաբաթներ, ամիսներ: Ընկերներէս ոմանք կը կանչուէին, և քանի մը ժամէ յետոյ կը վե-

րադառնային, իսկ զիս ոչ հարցնող կար և ոչ փնտռող, վշտահար մօրմէս զատ, որ ամէն գալուն կը գանգատէր Սուրէնէն, որոյ երեսը գրեթէ տեսած չունէր բանտարկուելէս ի վեր:

Սրահին մէկ կողմը, անկիւնի մը մէջ կծկտած նրստած կը կենար ամէն օր յիսունըհինգ տարեկանի մօտ ծերունի մը, ընկերներս ըսին ինծի որ փիլիսոփայ մըն է այն. քովը մօտեցայ, և ի՞նչ զարմանք, տեսայ որ մանկութեանս օրերը ինծի դասատուութիւն ըրած վարժապետ մըն էր, Բարսեղ պատուելի:

Սա միջահասակ, ալեխառն մօրուքը եկած, որ անշուշտ բանտարկուած օրէն ի վեր չէր անխուտած, հանդերձները հինցած և մաշած տաբատը ծունկերուն վրայ թէպէտ կարկտուած, սակայն կարկտաններն ալ ծակծրկեր էին, բալթօն նոյնպէս հինցած և տոբոյն, զինքը կրողին երեսին պէս:

— Անցած ըլլայ, պատուելի:

Այս յտուաջարանով քովը մօտեցայ:

Պատուելին մարած աչքերը վրաս յառելով.

— Շնորհակալ եմ, ըսաւ, հիմա ճանչցայ, ձկնավաճառ պարոն Արթիւնին զաւակը:

— Ու ձեր վաղեմի աշակերտներէն, կը յիշէ՞ք արդեօք:

— Ինծի պատիւ կ'ընէք, պարոն:

Եւ խօսակցութիւննիս դարձաւ զանազան խնդիրներու վրայ, մասլաճառին ունեցած երկու հարիւր զրուչի պարտքը պատճառ էր որ իր մեղքը քաւելու եկեր էր այս քաւարանին մէջ:

Մանկական յիշատակներս մասնաւոր և բուն համակրութեամբ մը կ'զգածէին զիս այս բարի մարդուն հանդէպ:

— Արդարեւ, յարեց, բանտարկութիւնը արժանա-

ւոր պատիժն է այն յանցապարտին, որ ընկերական վիճակի մէջ կը բռնաբարէ իր ընկերին անհատական ազատութիւնը, և կամ կը փնասէ անոր մասնաւոր շահերուն, բայց չեմ տեսներ թէ մինչեւ որ աստիճան մեղապարտ կրնայ համարուիլ այն անձը, որ առուտուրի տէր անձի մը հանդէպ պարտական կը գտնուի զանազան ձախողուածներու հետեւանքով. ըստ իս, ընկերութիւնը կը սխալի առերեւոյթ մեղքի մը համար, երբ կը կաշկանդէ անհատի մը ազատութիւնը, որ ամենամեծ գործօն դիրը կը խաղայ մարդոյս պարտականութիւնները կատարելու մասին:

«— Ի՞նչ օգուտ կայ, յարեց պատուելին, երբ ես այստեղ բռնադատիկ ժամավաճառութեամբ օրեր կ'անցընեմ, օրեր, զորս կարող էի շահագործել յօգուտ իմ պարտատիրոջս, եթէ ազատ ըլլայի:

Շիտակը խօսելով, ազնիւ ընթերցող, այս տեսակ ընկերական հարցերու քննութիւնը և լուծումը զիս շատ չէր հետաքրքրեր: Սաչափ միայն խելքս կը հասնէր, որ երբ մարդ միւր կ'առնէ, պարտաւոր է արժէքը վճարել:

— Պատուելի, ըսաւ ընկերներէս մէկը մեզի մօտենալով, ինչէ՞ն է որ ձմեռը ցուրտ կ'ըլլայ:

Պ. Բարսեղ լուրջ փիլիսոփայի կերպարանք մը տալով դէմքին, պատասխանեց.

— Երբ Ապողոն անձայրածիր հորիզոնին վրայ, իր հրեղէն կառքը լծած ժամանակ, հազարք հազարաց մղոններ հեռաւորութեամբ տիեզերքին անքննելի, անզննելի, աննշմարելի, անտեսանելի, անըմբռնելի խորախորհուրդ խաւերուն մէջ, խաւարչտին խոռոչներուն վրայ գեղապայծառ, կենսասփիւռ լուսոյ հեղեղները սփռելով...

— Իրա՞ն կ'ըսես, պատուելի, ըսաւ հարցնողը, հասկցայ, շնորհակալ եմ:

«— Քանի կ'առնեմ քու փիլիսոփայութիւնդ, մըրմըրաց հեռանալով քիթին տակէն, քանի որ ըսածդ հասկցնելու կարողութիւնը չունիս:

Ամենէն աւելի ուշադրութիւնս գրաւեց, շուրջ քսան տարեկան Մուսթաֆա անուն երիտասարդ մը: Միշտ նորեկներու վրայ խուժելով հարցուփորձ ընել սովորութիւն եղած էր մեզի. Մուսթաֆայի բանտարկութեան պատճառն էր, ճիշտ այնպէս, ինչպէս որ պատմեց. գիշեր մը առանց հացի մնացեր էր մօրը և քրոջը հետ, ուստի պարտէզի տախտակամածին մէկ փրթած կողմէն դրացիին հաւնոցը սպրդելով մոխրագոյն ձերմակ բիծելով հաւ մը գողցեր, շուկան խոհարարի մը ծակեր և արժէքովը ուտեստ գնելով տուն էր բերեր, մէկ քանի օր ետքը Մուսթաֆա, իննսյողութեամբ հաւին արժէքը պատրաստելով գացեր ճիշտ անոր նմանող ուրիշ մը գներ ու տուն կը դառնար, գիշերը զայն դրացիին հաւնոցը դնելու մտադիր էր, իր խղճին հանդարտութեանը համար:

Գժբաղդաբար տուն դարձած պահուն, դրացւոյն տղան.

— Ահա մեր հաւը, ահա անոր գողը, պօռալով զնա ոստիկանութեան յանձներ էր, շատ ջանացեր էր Մուսթաֆա եղելութիւնը ամենայն անկեղծութեամբ պատմելով ինքզինքը արդարացնել, այլ անօգուտ, և որովհետեւ վրայէն դանակ մըն ալ գտնուեր էր (գիշեր ժամանակ զինեալ գողութիւն) ամբաստանութեամբ զինքը ներս նետեր էին:

— Շատ աշխատեցայ, կ'ըսէր, բայց չկրցի տասը տարուան մէջ մէկ ձիւս մը փարա ժողվել, գո՞հ եմ սակայն, մայրս ու փոքրիկ քոյրս երբէք կարօտ չթողուցի, միայն այդ անխճեալ իրիկունը, չեմ գիտեր ինչպէս եղաւ որ առանց ստակի մնացեր էի:

Պէտք է յիշել որ Մուսթաֆա արհեստով «սիւրիճի» ձի վարող էր:

Յանկարծ բանտին դուռը մեծ ժխտով մը բացուելով:

— Մուսթաֆա՛, աղաղակը լսուեցաւ:

Բանտապահն էր որ կը կանչէր. Մուսթաֆա ինէ բաժնուելու պահուն աղաչեց որ քառասուն փարս փոխ տամ: Ոսկի մը սահեցուցի ափին մէջ, որ ըսնի իմ ձեռքս բերանը տանելով համբուրեց:

Այսպէս, շատ մը օրեր ալ անցնելէ յետոյ, կ'երեւի թէ կարգն ինծի եկեր էր. երբ տարուեցայ այն սենեակը, ուրկից բանտ բերուեր էի, նոյն անձը հրամայեց գրազրի մը, որ իմ մասին հասած տեղեկագիրը կարդայ: Ինչ որ ըրաւ սա բարձրաձայն. տեղեկագրոյն իմաստը սապէս էր.

«Արթին, Վահանի հայրը, աղքատիկ ձկնավաճառ մըն էր, իր օրական վաստակը հազիւ կը բաւէր երեք անդամէ բաղկացեալ ընտանեացն օրապահիկ հայթայթելու: Աղքատ, բայց շատ բարի մարդ մըն էր, թէպէտ միշտ զինով, այսու ամենայնիւ ամենեւին գէշ անցեալ չէ ունեցած դատական արձանագրութեանց մէջ, անոր անունին ոչ մէկ դատապարտութիւն չգտնուիր: Բոլոր ստացուածքը երեսուն-քառասուն ոսկի արժող փրփլած տնակ մըն է, որ եթէ ծախուի, թողած պարտքերը ծածկելու չի բաւեր:»

— Ի՞նչ կ'ըսես, Վահա՛ն, հարցուց պաշտօնեան մեղմիկ ձայնով մը, քու այդ ձոխութեանդ աղբիւր ցոյց տուած էիր հայրենի ժառանգութիւնդ, արդ, եղած քննութիւններով կը հաստատուի, որ հայրդ ոչինչ չէ թողած, պէտք է շիտակն ըսել:

Հօրս մասին կարդացուած տեղեկագրին պարունակութիւնը սիրտս այնչափ յուզէր էր, որ միտքս դրի ամէն բան խոստովանիլ անկեղծօրէն:

— Այո՛, տէր իմ, ըսի, յուզեալ շեշտերով, և մանրամասնօրէն պատմեցի ինչ որ պատահած էր ինձ Մ... փաշային ապարանքին պարտէզը, առանց մոռնալու դիւային Ահարոնի հետ կատարած առեւտուրս:

— Ո՛ւր է այդ քսակը, հարցուց:

— Ահաւասի՛կ, տէր իմ, ըսի, այն անիծեալ քսակը, պատճառ իմ ձոխութեանցս, և միանգամայն իմ բոլոր դժբաղդութեանցս: Ո՛հ, ըսի լալազին, առէք, աղատեցէք զիս այս սատանայական գործիքէն, և դարձուցէք ինձ իմ հօրենական աղքատութիւնս, միանգամայն իմ կերպարանքիս վայելչութիւնը, սրտի և մտքի հանգըստութեան հետ մէկտեղ, որ անսպառ զանձ մըն է եղեր...

Եւ սկսայ հեծկտալ:

Պաշտօնեան առաւ քսակը, որ կաշիէ էր, և փոքրիկ երկաթէ զսպանակի մը ներս մղուելովը կը բացուէր, բացաւ, և՝

— Ո՛ւր է, հարցուց, ասոր մէջ բան չկայ:

— Ներեցէք, տէր իմ, ես փորձեմ, ըսի:

Մօտը կանչեց, և բաց քսակին՝ ներսի կողմը ցոյց տուաւ: Արդարեւ դատարկ էր, ձեռքս առի, գոցեցի ու վերստին բացի: Հինգ հատ փայլուն ոսկիներ՝ կարծես փողերանոցէն նոր ելած, սկսան երեսիս ծիծաղիլ:

— Ահա՛ սատանաները, տէր իմ. պաշտօնեան աչքերը յառեց քսակին մէջ, ուր բան մը չէր տեսներ, ուշադրութեամբ դէմքս զննեց, և քսակը ձեռքէս կորզելով, մօտը գտնուող ու մէջը թղթի կտորներ պարունակող սապատը նետելով՝ հրամայեց որ տեղս դառնամ, և սկսաւ փախալ քովը գտնուող երկու միւս պաշտօնակիցներուն հետ, որոշակի կը լսէի:

— Թուուցեալ մըն է այս:

— Եւ կամ խաբերայ մը :

— Մի՛ գուցէ ծաղրէ մեղի :

Պաշտօնեան հրկու սող գիր մը տալով մօտս կեցող ոստիկանին, հրամայեց որ տարուիմ. հիւանդանոց մըն էր տարած տեղերնին :

Գիրուկ և ծերունի անձ մը վրաս խորունկ ախտազննութիւն մը կատարելէ յետոյ, սկսաւ անտանելի հարցութիւններով մը, թէ քանի տարեկան եմ, տարին քանի օր է, ինչ բան աւելի կը սիրեմ, միտերուն որ տեսակէն կ'ախորժիմ. ի՞նչ գիտնամ, այնպիսի անձանք և անհամ հարցումներ, որ ամենէն խելացի մարդուն անգամ կարող էին մտաց հաւասարակչութիւնը կորոնցնել տալ : Քանի մը ժամ յետոյ, այդ տեղէն հանուելով՝ դարձեալ նոյն բանտը տարուեցայ, այս անգամ բանտապահը, որ նոյն կոչտ մարդն էր, մեծ քաղաքավարութեամբ ընդունեց զիս : Բանտարկութեանս միջոցին շատ մը պափօշիշներս առած էր : Բայց փոխանակ առջի սրահը տարուելու, զիս առաջնորդեցին անոր դիմացի պարտէզը, ուր քառասուն քայլի չափ երթալէ յետոյ, նշմարեցի մանր դռներ, բացին անոնցմէ մէկը, և հրամայեցին որ ներս մտնեմ :

Առաջնորդուած տեղս, մէկ մէթը խորութեամբ և ութսուն հարիւրամէթը լայնքով, տան պահարանի պէս խորշ մըն էր, մտայ ներս, դուռը վրաս կղպեցին ու գացին :

Այստեղ պիտի նստէի, այստեղ պիտի ննջէի : Օրը երկու անգամ դուռը պիտի բացուէր, առտու և իրիկուն, կուժ մը ջուր և երկու ոսճիկի հաց ներս նետելու համար :

Դժբաղդութիւնս իր վերջին սահմանը հասած էր, դատաւորները կ'երեւայ թէ կարծեցին որ գիրենք կը ծաղրեմ : Անիծեալ քսակիս մէջի ոսկիները՝ որ իմ երե-

սիս կը խնդային, գատաւորներուն աչքերէն ծածկուելու եցան, որպէսզի իմ այս նոր ձախողութեան պատճառը լայ. ո՛հ, ինչ լաւ եղաւ որ այդ դիւական գործիքը թօթուեցի վրայէս... ոչ, նզովեա՛լ... ահա գրպանս է եղեր, ո՛վ դրաւ զայն հոս : Ո՞չ ապաքէն պաշտօնեան կողովի մը մէջ զայն նետեց : Ահա ասոր համար ուրեմն դժբաղդութեանս վախճանը դեռ չեկաւ :

Այսպէս խորհելով՝ անիծեալ քսակը դուրս հանեցի գրպանէս և գլխէս վեր մէկուկէս մէթրի չափ բարձրութեամբ երկաթէ վանդակապատով և սառնց ապակիի փոքրիկ լուսանցք մը տեսնելով, բոլոր ուժովս նետեցի դուրս : Այս շարժումս, նաեւ առաւօտէն ի վեր կրած բուռն սրտայոյզներս չնչասպառ բրին գիս : Պահականոցին մէկ անկիւնը կծկած ինկած գտայ անձս, երբ առաւօտուն աչքերս բացի, առաջին գործս եղաւ դառն արտասուք թափել, խորհելով վիճակիս վրայ, որոյ դարման մը չէի կրնար երեւակայել : Յուսահատութիւնը միտքս բերաւ անձնասպանութեան գաղափարը, ախորժ՝ բայց փրկարար :

Չորս կողմս նայեցայ, ինքզինքս կախելու միջոցները կը պակսէին, որոշեցի կամաւոր անսուադութեան մատնել ինքզինքս, կունակս պատին տալով՝ սրունքներս ծալելցի, գլուխս կոթնոցի քարերուն, երկու ձեռքս տաբատիս գրպանները դրի, և այսպէս անշարժ կեցայ. անշարժ մինչև երեկոյ, անշարժ մինչև լոյս. լուսցաւ և ես դեռ կ'երազէի կարծես, պատուհանէն նետած քսակս, մատերուս դպաւ գրպանիս մէջ, սոսկալի բան, ըսի ինքնիրենս, ահա ասոր համար է որ իմ թշուառութիւնս անվախճան պիտի ըլլայ :

Մարդկային բնութիւն. միշտ տկար : Ուզեցի անգամ մըն ալ բանալ այս դիւային գործիքը, և ահա գլխուս վերելի լուսանցքէն ներս թափանցող աղօտ լոյ-

սէն սկսան փալիլիլ հինգ հատ կարմրուկ ոսկիներ, ո՛հ, մահուան մէջ անգամ քաղցր կը թուի եղեր այս մարդուս այս անիծեալ մետաղը, ոսկին, ի՛նչ անուշ, ի՛նչ գեղեցիկ բան է եղեր: Արդեօք, մտածեցի, միաքս փոխեմ, ու դէպի ապրելու կողմը հակիմ, քանի որ այս պիսի անբաժանելի ու անկողոպտելի գանձ մը անպակաս է վրայէս: Բայց, մտածեցի, ի՛նչ օգուտ ունի գանձը, քանի որ դժբաղդութիւնք և պատահարք անդադար կը հալածեն զիս: Կերպարանքս աւրուած, դէմքս անշնորհ, ինչպէս որ կ'ընեն. վտարուած մարդկային ընկերութեանէն, գեղեցիկ սեռին գգուանքէն զրկուած, ալ ասկէ յետոյ ուրիշ բարեկամ չունիմ, բայց եթէ մահը:

Ահա ուր հասցուց զիս Սաղայէլեան Ահարոնի հետ ունեցած աղետարեր առեւտուրս:

Կամաւոր ծոմապահութեանս երրորդ օրն էր, երբ պահանոցիս դուռը կամացուկ մը երերաց, աչքս դէպի հոն դարձուցի, դուռը չբացուեցաւ, բայց աչքիս առջև տեսայ երկար բարակ, ու գոլորչիի նման երեւոյթ մը, աչքս վրան սեւեւած կեցած էի, և ահա այս գոլորչին տակաւ սկսաւ ձեւ առնել, երկու ձեւք, մարդու իրան մը, ասեղի բարակութեամբ երկար սրունքներ: Երկու հրացայտ աչեր սկսան փալիլիլ երկար կերպարանքով երեսի մը վրայ:

— Ա՛հ, ըսի, արդեօք դու ես, ո՛վ Մահ, զիս ազատելո՞ւ եկար: Ո՛հ փրկարար բարեկամ, ինչո՞ւ ուշացար այսչափ...

— Չուշացայ, ըսաւ ձայն մը որ Սաղայէլական Ահարոնին ամենաճիշտ նմանութիւն ունէր, ելի՛ր շուտ, ազատեմ քեզի այդ յիճակէդ, դուն միշտ կ'անիծես զիս, առանց գիտնալու որ միակ պաշտպանդ ես եմ երկրիս վրայ:

— Հեռո՞ւ ինձմէ Սասանայ, գոչեցի, ես քու պաշտպանութենէդ աւելի մահը կ'ընտրեմ. ո՛վ դու սկզբնապատճառդ բոլոր թշուառութեանցս:

— Որոնցմէ պիտի ազատեմ քեզ, ըսաւ Ահարոն:

Չեւքէս բռնեց և ստիպեց զիս որ երկայն վերարկուին քղանցքին տակը մանելով հետը փախչիմ:

— Լա՛ւ էր որ, ըսաւ, Հէրմէսի քիչա՛նը ընտրէիր, այն ատեն շատ դիւրին էր քեզի հեռանալ չախորժած տեղերէդ, առանց տեսնուելու մարդկային աչքերէ, բայց հիմա ինչ որ եղեր եղեր է: Օ՛հ, երթանք:

— Փախչի՛լ մի, և այսպէս իմ յանցաւորութեանս իմ խոկ ձեռքով հաստատեմ միթէ: Ահնար բան, ես իմ բերնովս խոստովանած ըլլամ որ իմ հարստութեանս արդիւնք է այսպիսի, կամ այնպիսի նողկալի ոճրագործութեան մը... Երբէ՛ք:

— Ուրեմն, ըսաւ Ահարոն՝ պատառ մը հաց և ջուրին կուժը ինձ երկնցնելով, քսանեչորս ժամ ալ համբերէ:

Ինչ որ ալ ըլլայ, փիլիսոփայից ումանց կարծիքը անձնասպանութեան մասին, փորձով զգացի որ ամէն պարագայի մէջ կեանքը նախամեծար է մահուքնէ, երիտասարդութեան բոլոր ուժովը և բարեմասնութեամբն օժտուած արարածի մը համար: Քիչ մը ակամայ, քիչ մըն ալ կամովին ջուրը խմեցի և պատառ մը հաց ծամծըմկով կերայ:

Ահարոնի գուշակած ժամուն, պահանոցիս դուռը բացուելով դուրս հրաւիրեցին զիս, նստուկ կեանքիս հետեւանքով ծունկերս կը դողային: Տկար քայլերով հետեւեցայ ոտսկանի մը որ զիս առաջնորդեց նոյն պաշտօնեային առջև:

Այս անգամ, սա նստեցուց զիս և ըսաւ.

— Անմեղութիւնդ հաստատուած է, կրնաս երթալ ու գործերովդ զբաղիլ, աշխատէ որ հօրդ պէս բարի մարդ ապրիս :

Երբ դուրս ելայ, կարծեցի թէ նորէն եկայ աշխարհ : Մեքենայաբար քայլերս ուղղուեցան դէպի մօրս տունը :

Ե.

Մեր տան փողոցին բերանը դառնալու վրայ էի, երբ մէկը ետեւէս գալով թեւիս դպաւ, դարձայ, և Բարսեղ վարժապետին երեսը տեսայ :

— Տէր իմ, ըսաւ, երախտագիտական զգացումներս ձեզի մատուցանելու համար փութացի ձեր օրհնեալ բնակարանը գալ, և զժբաղդութիւնը ունեցայ զձեզ չգտնելու, այժմ ուրախ եմ, երախտագիտական ուղերձ մը գրի առած եմ, և գրպանս է, ներեցէք որ կարդամ ձեզի :

«Յորժամ բարեսէրն ի բուսոյ բարուց բերեալ ի բարեգործական . . . :»

— Ներեցէք Պատուելի, ընդմիջեցի յայտնի անհամբերութեամբ մը, ուրիշ առթիւ : Հիմա ստիպողական գործեր ունիմ :

Եւ բարի մարդուն ձեռքը կեղծ ժպիտով մը սեղմելէ յետոյ ճամբաս շարունակեցի : Մոռցեր էի, և հիմա յիշեցի, որ խեղճուկ պատուելիին մտավածառի պարտքը բանտին մէջ եղած ժամանակս վճարելով ազատած էի :

Չեմ կրնար պատմել մօրս ուրախութիւնը, երբ որ զիս տեսաւ յանկարծ : Անցած գացած բաներու վրայ

տեղեկութիւն առած մէկ պահուս, իմացայ մօրմէս, որ անհաւատարիմն Սուրէն, սոյն գիշերն իսկ կը ստակուէր այն օրիորդին հետ, որուն ձեռացը հետամուտ էի : Զարմանքս մեծ եղաւ, երբ ըսաւ մայրս որ տասնի չափ հատութաբեր կալուածներ չիներ, և ինքզինքին դիւրակեաց մարդու բոլոր հովերը տուած էր :

Տղու պէս սիրտս թունտ ելաւ, և չկրցայ ինքզինքս զսպել : Երեկոյէն երեք ժամ ետքը մեծ հետաքրքրութեամբ դուրս երնելով, հարսնիքին տան դուրսի կողմէն այցելութեան գացի : Չէի գիտեր սակայն թէ ինչ պիտի ընէի, հետաքրքրութիւն էր թէ նախանձ, չեմ գիտեր, միայն թէ սրտէս այսպէս ազդուեցայ որ ընեմ :

Օրիորդին տան ամէն սենեակներն լոյսի մէջ կը շողային, մեծ ոգեւորութիւն և խրախճանութիւն կը տիրէր, կարծես թէ սիրտս մամլոյ մէջ առնելով ճգմեցին : Դարձայ տուն, և սենեակս քաշուելով ինքնիրենս սկսայ խօսիլ, մարդկային բնութեան տարօրինակութիւններուն վրայ, թէպէտ կը կարծէի որ նախանձ ըսուած բանը չը գիտեմ, սակայն զգացի որ վրէժխնդրութեան պէս այլանդակ գազափարններ միտքս կը տանջեն : Սուրէն աղքատիկ աղայ մը, ծառայութեանս մէջ առնելով մարդըրի, և ի վիճակի էի զնա աւելի հարուստ և աւելի երջանիկ ընել, քան որչափ չէր, ինքն ալ գիտէր այս, ինչո՞ւ ուրեմն, փոխանակ այսպէս հաւատարմութեան շուղէն չեղելով զիս լքեց, ես որ աւելի պէտք էի անոր, քան որչափ պէտք չէր նա ինձ : Երանի թէ, մտածեցի, իր այս յոռի և պակասաւոր բնաւորութիւնը զինքն իր առջի տխուր վիճակին չը վերադարձնէ, աղայութեանս բարեկամներէն մէկն էր վերջապէս Սուրէն : Զգայուն սրտերը միայն կարող են հասկնալ թէ ի՞նչ գորաւոր զգացում է այս :

Այս միջադէպը վերջնապէս որոշել տուաւ ինձի հե-

ուննայ Պողիսէն, օտար երկրի մէջ վնասելու համար
այն միսիթարութիւնը՝ զոր ծննդավայրիս մէջ գանկէ
յուսահատած էի .

Բաւական օրեր տեւեց, մինչև որ կազմ և պատ-
րաստ եղայ շոգենաւ մանելու :

Առաւօտ մը, երբ անկողինէս նոր ելած հագուել կը
պատրաստուէի, մայրս գալով ըսաւ որ Ապտիւրրահման
անուն անձ մը զիս կը հարցնէ, իմ բանտի ընկերներէս
է եղեր, և կ'ուզէ եղեր շնորհակալութիւն յայտնել ինձի .
տասը վայրկեան մը տեւեց մինչև որ հագուեցայ և ըսի
մօրս որ ինձի բերէ այն մարդը : Չը մոռնամ ըսել որ
Սուրէնի վարմունքը այնչափ տհաճութիւն պատճառած
էր ինձի, որ անկէ յետոյ որոշած էի բնաւ սպասաւոր
չը գործածել :

Մօրս վար իջնելը և վեր ելլելը մէկ եզաւ, ապշա-
հար ձախ ձեռքը ձակտին վրայ դրած .

— Գիտես, Վահան, ըսաւ, այդ բարիքներդ վա-
յելով մարդը սեղանատուն հրամցուցած և նստեցուցած
էի, դարակլին մէջի արծաթեայ սպասները ամբողջովին
կողոպտեր գացեր է :

Մօրս զարմանքը ինձ աւելորդ երեւցաւ, սա կար-
ծիքը ունեցած եմ միշտ, որ գոյը ամէն պարագայի մէջ
գող է, բարեբաղդ ըլլայ թէ ոչ, ինչպէս նաև անհաւա-
տարիմը միշտ անհաւատարիմ :

— Մայրիկ, ըսի, երանի թէ Ապտիւրրահման ալ
այդչափով երջանիկ ըլլայ, հոգդ մի՛ ընէր :

Ուրիշ դիտողութիւն չըբի, որպէսզի չվշտացնեմ,
չըսի թէ ինչ հարկ կար որ անծանօթ մարդ մը մտցու-
նէիր հոն, ուր թանկագին իրեղէններ կային :

Այս դէպքն ալ կռկին գայթակղեցուց զիս մարդ-
կային բնութեան վրայ :

Օրին մէկը վերջապէս ամենաթեթեւ արկղիկ մը

ձեռքս անցուցած, մօրմէս հրաժեշտ առի առժամանակ-
եալ բացակայութեան համար, քանզի մայրս միշտ մեր-
ժած էր ընկերանալ ինձ, և կը վախնար որ մի՛ գուցէ
օտար երկիր մեռնելով մարմինը իր ամուսնոյն չիրիմէն
հեռու թաղուի :

Երբ մօրս ձեռքը համբուրելով իրմէ կը բաժնուէի,
յանկարծ դուռը զարնուեցաւ և ահա բարի սիրիճի
տղան էր, Մուսթաֆան որ ներս կը մտնէր :

Այս ողջամիտ և ծնողատէր տղուն համար կ'արժէր
որ պահ մը ճամբորդութիւնս յետաձգէի : Փողոցի դռան
մօտի հիւրասենեակը առաջնորդեցինք զինքը՝ ես և
մայրս, որուն առաջինական վարմունքը և անձնուիրու-
թիւնը համառօտիւ պատմած էի՝ իր այրի մօրը և որը
քրոջը նկատմամբ :

Մուսթաֆա անցողակի պատմեց թէ ինչպէս ընդ-
հանուր դատախազին ամբաստանութեան վրայ իր գոր-
ծին «գիշեր ժամանակ զինեալ գողութեան» գոյնը տա-
լով, եռամեայ տաժանակիր աշխատութեան կը դատա-
պարտուի, և բարեսիրտ փաստարանի մը ձեռքով գրուած
աղերսագիր մը կայսերական պալատ մատուցանելով,
ներում շնորհուեր և ազատ թողուած էր :

Նկատելով որ շատ ժամանակ չունէի, բարի տղուն
պատմութիւնը ժպտուն դէմքով ընդհատեցի .

— Ուրեմն զիս տեսնելու եկար, բանտի ընկերդ յի-
շեցիր, շնորհակալ եմ Մուսթաֆա :

— Միանգամայն, ըսաւ ան, պարտքս վճարելու :
Ահա ոսկիդ, էֆէնտի, դուն շատ կերպով բարերար եղար
ինձ : Այս ոսկին, զոր ինձ փոխ տուիր բանտին մէջ, ոչ
միայն մօրս և քրոջս երկու ամուսնան ապրուստն ապա-
հովեց, այլ նաև զայն վերադարձնելու անգապելի տեսչէն
մղեալ, արթուն և հնարիմաց մարդ մը եղայ : Զիավա-
րութեան գործը, շոգենաւերուն առաւօտեան երթեւեկին

միայն ստէպ կը պատահի, ուստի, խելք ընկելով, արկղիկ մը և երկու խողանակ ձարեցի, և սկսայ կօշիկ ալ ներկել: Երբեմն ալ ցերեկները երբ բոլորովին անգործ կը մնայի, մանր մունր ծրարներ կրելով՝ փոքրիկ հասոյթ մըն ալ ասկէց յառաջ եկաւ: Քու չնորձիւզ, տէր իմ, այսօր իմ վաստակն եռագատիկ աւելցած է, և փոխանակ երեք չորս զրուշի, օր կ'ըլլայ որ մինչև ինը տասը զրուշ կրնամ շահիլ:

Ապշեցայ մնացի այս տղուն եռանդին, որ միշտ զինքը առաքինութեան շաւղին մէջ պահելու կը մղէր. չգիտէի ինչպէս զուգակշռել Մուսթաֆան Սուրէնի հետ, որ այնչափ բարիք վայելիլէ յետոյ, գրեթէ զիս կոշտակեց, և այսչափով ալ չգոհացած, սիրոյս առարկան ձեռքէս կորզելու համար վատողի զրպարտութեամբ մը զիս բանտերու դատապարտել տուաւ, ինչ որ եւս առաւել, սոսկալին է, մինչև իսկ անձնատպանութեանս պատճառ պիտի ըլլար, դարձեալ սոյն չարածձի տղուն երեսէն է, որ կամաւոր աքսորի կը դատապարտեմ ինքզինքս իմ սիրուն ծննդավայրս լքելով, գտնելու համար սիրտիանք, և բռժոււմն այն փունն հարուածին, զոր տուաւ այն չարածձի տղան կարեւեր խոցուած սրտիս:

Ինչպէս համեմատելու էր զՄուսթաֆա Ապտիւր-բահմանի հետ, որ բանտին մէջ իր գործին արժանաւոր պատիժը կրած ժամանակ, քանի քանի թէ նիւթական և թէ բարոյական սիրտիանքներ գտաւ ինէ, և չնորձակալութեան համար տունս գալով ճաշատննակիս մէջի արծաթ սպաններն յափշտակեց ու փախաւ: Հապա այն պատուելին, սր իրեն մատուցած մէկ փոքրիկ ծառայութեանս ի վարձատրութիւն, ամէնէն տաղնապալիր մէկ վայրկեանիս, փոշոցին մէջտեղը ճամբաս կտրելով, իրեն տաղտակի բէկերով խոշոր խոշոր տաղտուկներ բերաւ գլխուս:

Մտածեցի որ տունէն մեկնելու պահուս ինծի հանդիպող այս առաքինի աղան, մեծ բաղդաւորութիւն մըն էր ինծի համար:

- Մուսթաֆա, ըսի, հետս կուդաս:
- Տղան պահ մը մտածեց.
- Հապա մայրս ի՞նչպէս ապրի:
- Ամիսը քանի՞ զրուշի պէտք ունի, հարցուցի:
- Հարիւր զրուշը չի բաւեր:
- Առ քեզի ամիսը երկու հարիւրէն մէկ տարեկան քսանըչորս ոսկի կանխիկ:

Ըսեալ և նոյնչափ ոսկեղրամ ասջեւը դնելս մէկ եղաւ:

Մուսթաֆա ապշահար երեսս նայեցաւ, իբր թէ կ'ուզէր հարցնել:

- Միթէ առնե՞մ:
- Չառնես, ի՞նչ ես կեցեր, ժամանակ կ'անցնի, պէտք է որ այսօր ճամբայ ելլենք:

— Ուրեմն, տէր իմ, վայրկեան մը հրաման տուր ինձ, լրթամ ու գամ:

Անցան երկու ժամեր, որ ինձ երկար թուեցան երկու տարիի չափ, այն աստիճան փոյթ ունէի հեռանալ այս տեղերէն, ուր անպիտան չարածձի մը յափշտակած էր ինէ առաջին սիրոյս առարկան:

- Դարձաւ Մուսթաֆա:
- Դժուարաւ կրցայ համոզել մայրս, ըսաւ, միայն թէ տէր իմ, ես պատրաստութեան...

— Հասկցայ, ըսի, խօսքը կտրելով, յուսամ թէ համբերութիւնս չպիտի հասցունես:

Մուսթաֆա այս անգամ աւելի յափշտակեց, քան թէ առաւ, երկու հինգնոց պանքնօթը, զոր խտալու մը երեսին նետեր էի: Թուա կայծակի պէս, բայց չվերադարձաւ կայծակի պէս:

Անցան ժամեր, եկաւ վերջապէս, մէկը որ ինծի ան-
 ծանօթ թուեցաւ մինչեւ որ դէմքը ուշի ուշով դիտեցի:
 Մուսթաֆան էր, հագուստին տարազը փոխուած սա-
 կայն: Որչափ ճշմարիտ է սա հայ առածը. «Մարդն ի
 հալաւը, էչն ի փալանը»: թէպէտ քիչ մը նեղանալով
 կը կրէր իր այս նոր հագած եւրոպական հագուստն,
 բայց յայտնի էր որ չուտ պիտի վարժուէր անոր: Իր
 ցեղին ծագումն առած երկրին՝ Թրքաստանի դիմագի-
 ծերը, շեղ ու խոշոր աչքեր, լայն ձակատով մեծկակ
 գլուխ մը, որուն վրայ ոլորուած էին կարճ կտրուած
 գանգուր սեւ մազեր, բաւական բարձր հասակ մը,
 հաստաբազուկ և ըմբշալայել ձեռքեր, գոզցես այս նոր
 հագուստը բարեձեւ քաղաքակրթեալ և լաւ դաստիա-
 րակեալ մարդու մը բոլոր հովերը տուեր էին իրեն, թէ-
 պէտ այս յատկութիւնները բնածիր էին իր վրայ, աւելի
 կամ նուազ:

— Ահ, Մուսթաֆա, ըսի, այս որչափ ուշացար,
 կէս օրէն չորս ժամ յետոյ անպատճառ շոգեհասուն մէջ
 պէտք էր գտնուէինք:

— Բայց, տէր իմ, ըսաւ Մուսթաֆա ճիւղը ծռե-
 լով, մօրս մէկ աղաչանքը ձեզի պիտի մատուցանեմ,
 ներեցէք:

— Ի՞նչ է, ըսի անհամբեր, քիչ եկաւ միթէ:

Այս ըսելով ձեռքս գրպանս կը տանէի, երբ Մուս-
 թաֆա յարեց.

— Մայրս կ'աղաչէ որ ճամբորդութիւննիս վաղուան
 թողունք:

— Ի՞նչու, հարցուցի ցասկոտ եղանակաւ:

— Այսօր երեքշաբթի է, մայրս երեքշաբթի օրերը
 նոր ձեռնարկներէ կը դգուշանայ, զայն բարեգուշակ օր
 չհամարելով:

Երկու օր ետքը Մէսածըրի Էմբէրիալ ընկերութեան
 Առտան շոգեհասուր զմեզ Պօսֆորի ափունքէն առած
 դէպի Մարմարա կը տանէր: Խաղաղիկ նաւարկութեան
 մը ութերորդ օրը ժամանեցինք Մարսէյ, գացինք Օրէշ
 Գօնրիւակերտ պանդոկը, ուր իսկոյն նետուե-
 ցայ մահճակալին վրայ հանգիստ ընելու համար, նա-
 ւարկութեան վերջին օրերը խաղական ջուրերուն մէջ
 սակաւ ինչ նեղութիւն քաշած էինք:

Հետեւեալ առտուն ելնելով սկսայ յատակագիծ մը
 մտաբերել, գիտնալու համար թէ ինչպէս պիտի գործա-
 ծեմ ժամանակս:

Առաջին գործս եղաւ առաւօտեան լրագիր մը բերել
 տալ Մուսթաֆայի: Սկիւտարի ձեմարանին մէջ բաւական
 ուսած էի գաղղիերէնի սկզբունքները. ներկայ առիթով
 մտադիր էի զայն յառաջ տանիլ, ասոր համար առաջին
 միջոց էր լրագիրը:

Յանկարծ ի՞նչ կարդամ լրագրոյն մէջ...: Երթեւե-
 կութեանց սիւնակը քանի մը սնունդներու շարքին մէջ
 կարդացի. «Երէկի քաղաքս ժամանողներուն մէջ է նաև
 մեծահարուստ Տիար Վահան Արթինեան»:

Չարմանօք կը հարցնէի ինքնիրենս, թէ ո՞վ ձանչ-
 ցաւ զիս, և ո՞վ լուր տուաւ խմբագրատան: Շատ չան-
 ցաւ մեր յարկին գանգակը զարկին: Մուսթաֆա այցե-
 տուն մը ներկայացուց ինձ. «Պ. Բ. լրատու Բըրքի Մար-
 սէյ լրագրին»: Շատ չանցած ուրիշ մը, թղթակից
 Բարիզեան լաւ չեմ յիշեր որ թերթին: Ամենքն ալ
 անսպառ հարցութիւններու կ'ենթարկեն զիս, ինչ որ մեր
 երկիրը հարցաքննիչ գատաւորին առջեւ կը պատահի:
 Ամենքն ալ գոհացուցի կցկտուր գաղղիերէնովս, սա
 իմաստով թէ բազմատեսակ մտահողութիւններ առող-
 ջութիւնս խանգարած ըլլալով՝ եկեր էի Գաղղիոյ մէջ
 փնտուել սակաւ ինչ սփոփանք և հանգիստ:

Քաղաքականութեան և Նաբոլէոն Գ. ի մասին եղած հարցումներու խուսափողական միանգամայն ճշգրիտ պատասխաններ տուի, ըսելով որ այդ հարցերը իմ յատկազօէն դուրս կը գտնուին, Աւետարանի մէկ խօսքը յիշեցուցի իրենց վերջ ի վերջոյ թէ՛ «Տուք զկայսերն կայսեր և զԱստուծոյն Աստուծոյ:» Խօսակցութիւնն իս քաղցր վերջաւորութիւն ունեցաւ, երբ աղաչեցի այս յոյժ քաղաքավար պարոններուն որ իրենց լրագրէն մէկ մէկ օրինակ զրկեն Բարիզ, ուր մտադիր էի երթալ մի քանի օրէն:

Մարտէլի մէջ բոլոր նշանաւոր տեղերը ման եկայ: Մայր եկեղեցիէն սկսեալ, ամէն հանրային շէնքեր, մինչեւ իսկ Մարտէլի նաւահանգիստին աջ մուտքը պաշտպանող Իֆ ամբուստիւնը, որ անմահացած է Ալէքսանտր Տիւմայի «Կոմս Մօնթէ Գրիսթօ» անուն մահկանացու վէպով:

Վերջապէս ձանձրոյթը սկսաւ պատկ: Թէպէտ փորձեցի զայն խեղդել «Գանդպիէտի հրապարակին վրայ, բայց ցերեկները գրեթէ անկարող էի այս գուարթ և մարդաշատ վայրին զբօսանքներէն օգտուելու: Քանզի միշտ կը պատահէր այն բանը, որ պատահեցաւ սուսջ, և որ պիտի պատահէր, ափսոս, մինչեւ կենացս վախճանը: Գեղանի և վայելչազգեստ ընտանիքներ դիտել արգիլեալ էր ինձ համար: Անգամ մը որ օրիորդին կամ աիկնոջ մը աչքին նշմարուէի, սա կը դառնար երկու քովի անձերուն, բան մը կը փոփոսար, և ամէնը մէկանց ինձ նայեցին, և հովանոցով կամ ձեռքով երեսնին գոցելով մէկդի երթալնին ակնթարթի մը գործ կ'ըլլար:

Բայց մտադիր էի չը յուսահատիլ, քանի որ աշխարհիս մէջ ամէն բան վախճան ունի, հարկաւ այս ախրառիթ պատահարս ալ վերջ մը պիտի ունենար:

Ամէն ժամանակ պիտի չը նմանէի այն անիծեալ բուին որ խաւարին մէջ և աւերակներու վրայ կը վնտոէ իր հանգիստը:

Ասուտ մը Մուսթաֆա կարծիք սուտ բաւական համարիլ Մարտէլլ բնակութիւննիս, գողցես այս ազնիւ տղան զիս արթնցուց:—Օ՛ն ուրեմն, ըսի, և երեկոյեան ձեպընթացով բամուկեցանք Մարտէլլէն:

2.

Փարիզի կայարանին մէջ զիմաւորուեցանք Կուսեր-Օրէլի պաշտօնեաներէ, որք առանց հարցուփորձի և կամ այլ ձեւակերպութեան, երկու փոքր արկղիկնիւ կառքի մը վերնակողմը դնելով, գլխարկնին բացած մեզի հրամցուցին ներս, ես և Մուսթաֆա իրարու երես կը նայէինք, իբրև թէ հարցնելով իրարու:

— Յանձնարարեալ ենք արդեօք:

Հարց մը, որոյ պատասխան ոչ ես կարող էի տալ, և ոչ նա:

Պայտօի նմանող փառաւոր շէնքի մը առջև կանգ առաւ կառքը, ապա մեծ դռնէ մը ներս մտնելով երկու պաշտօնեաները մէկ մէկ արկղիկ առած, զմեզ առաջնորդեցին մասնաւոր յարկի մը մէջ:

Նախ ինքզինքս իշխանական ապարանքի մը մէջ կարծեցի, վեց սենեակ, ամենքն ալ իրարու հետ կը կը մրցէին կարասեաց ձոխութեամբ: Չորս կողմերը թանկագին գորգեր, Լահօր կերպասներով զարդարուած կարասիներ և այլն:

Նկարագրական ոճը չեմ սիրեր, ազնիւ ընթերցող, միայն թէ ձեր երեւակայութեան կը յանձնեմ, գտնել և կշռել զանուած յարկիւ ճոխութեան աստիճանը:

Համազգեստ հագած անձ մը, որ մեր յարկին վերակացուն է եղեր, մեզի ցոյց տուաւ անոր ամէն կողմերը, և ինք քաշուեցաւ իր խցիկը, որ այս յարկաբաժնին դուրսի սրահին վրայ բացուող դրան քովիկն էր:

Պահ մը հանդիստ ընելէ յետոյ, կըքտրական գանգակը հնչեցուցի: Նոյն անձը խոնարհելովներս մտաւ և.

— Ի՞նչ հրաման ունիք, ձեր Լուի խոնարհ ծառային, հարցուց:

— Կ'ուզեմ գիտնալ, ըսի, թէ ով յանձնարարեց զմեզ այս օթեւանը:

— Ձեր Մեծութեան գալուստը մեզի տեղեկագրուած էր Մարտէյէն, պատասխանեց:

— Շատ գոհ եմ, ըսի, ամէն բան ինծի գուշակել կուտայ որ հանգստաւէտ օրեր պիտի անցընեմ այս յարկին մէջ: Թեթեւ ժպիտով խոնարհութիւն ըրաւ Լուի, և տեսնելով որ խօսքս չէի շարունակեր, ետ ետ երթալով դուրս ելաւ:

Բազում օրեր անցուցինք միակերպ, և այստեղ ալ ձանձրոյթն կը սկսէր պատել զիս, երբ յարաբերութիւններ սկսան:

Սուսուտ մը՝ Մուսթաֆա երկու երեք նամակներ իմ հասցէիս, բոլորն ալ բաց, բերաւ ինծի, մէկը գոհարավածառ մըն էր, որ ինքզինքը կը յանձնարարէր, ուրիշ մը կահագործ: Մուսթաֆայի ապապրեցի ամէնուն հետ ալ քաղցրութեամբ խօսիլ, և ըսել որ շատ մօտ օրէն պիտի այցելեմ իրենց տուած հասցէին, սակայն այսպէս չի պատասխանեցի մէկ այցեատմսի մը, որ կ'առաջարկէր զիս ժուռ բերել մայրաքաղաքիս բոլոր նշանաւոր վայրերը, ներս կանչել տուի, և գոհ երեւցայ իր

սիրուն առաջարկութենէն. մէկ երկու շաբաթ զբաղեցուց ինծի այս դրօսանքը, ուր ամէն օր մէկ մէկ նոր գարմանք, նոր զմայլանք կը պատճառէր ինծի: Եղիւսեան դաշտ, Շան աը Մարս, Էնվալիտ, Լուվրի թանգարան և այլ, որոնց վրայ մանրամասնել զանց կ'ընեմ:

Մարդս միշտ փոփոխութիւն կը սիրէ, և շատ անգամ փոփոխութեամբ է որ կը յաղթէ տաղտուկին:

Մուսթաֆա կարծիք տուաւ ինծի, թէ քանի որ այստեղ օրական կը տրուի երեք Նարդէոն օթեւանի և սնունդի համար, մէկ Նարդէոն կառքի համար, և շուրջ տասը ֆրանք զանազան նուէրներու համար, լաւ չէինք ընէր, եթէ մեզի յատուկ ապարանք մը վարձէինք, և որոյ դուռնէն միայն մենք կ'ընէինք ու մըտնէինք, խնայելով այսպէս ըրած ծախքերնուս կէսին չափը:

Խնայողութիւն բառէն բնաւ չէի կարող իմաստ մը հանել, քանի որ այն անիծեալ քաակը միշտ գրպանս է, ճիշտ այնպէս, ինչպէս որ շուրջ տասը տարիներ առաջ բան մը չէի հասկնար միլիոններ, լիրաներ բառերէն, սակայն այս կարծիքը իրեն զգացնել չտուի, և իր խնայողական ոգիին համար շատ մը գովեստներ շուսյելէ յետոյ հրաման տուի որ ազատօրէն գործէ, ինչպէս որ կը հասկնայ. իմ ներքին միտքս էր վիճակի ու դիրքի փոփոխում մը, որ կարենայ կեանքս քաղցրացնել:

Խնդրանքիս վրայ, Լուի ներկայացուց հաշուեցոյցներնիս, որ հազիւ երկու հարիւր վաթսուէն գաղղիական ոսկույ կը հասնէր:

Փոխադրուեցանք Պուլվար Հոսման, ուր կեցաւ Կառքերնիս շքեղ ապարանքի մը առջեւ: Մուսթաֆա զայն վարձեր, շքեղապէս կահաւորեր, և կազմ ու պատրաստ ըրեր էր հանգստաւէտ բնակութեան համար:

Դէպ ի երեկոյ կամեցայ պտոյտ մը ընել Շանգ էլի-

զէի կողմերը, քուբէ կառք մը, երկու ուսական նոսրաներով լծուած՝ ապարանքին մեծ գրան առջեւ ինծի կ'ապասէր: Նստայ մէջը, դէմն առի զՄուսթաֆա, և մեկնեցաւ: Այս տղան հասկցուց ինծի, որ այս կառքը գնած էր Պէնտէրի գործարանէն, երեք հազար ֆրանքի, իսկ ձիերն՝ քառասունըֆինգ հազար ֆրանքի:—Արդարեւ, ըսի տղուն, մեզի արժանաւոր բաներ են:

— Մեզի՞, մտածեցի ինքնիրենս, ո՞վ ենք մենք, միտիա՞ի Արթիւնին տղան...: Երանի թէ նոյնը մնացած ըլլայի և ապրէի երջանիկ. ափսոս:

«Այս քակի սակ ևե ևս շրջիս ակօգոռո

Թախառակակ, երջակուշրեակ հետամուռո»:(*)

Այսպէս օրերն իրարու կը յաջորդէին, և ես կ'զգուշանայի միշտ յայտ յանդիման երեւնալէ ընկերութեան մէջ:

Օր մը լրագիր մը ձեռքս անցաւ, ուր կարդայի.

«Նորին Գերագանցութիւնն Տիար Վահան Արթիւնեան, Կրանիթ Օթէյէն փոխադրուած է Պուրփար Հոսման, 60, շքեղ ապարանք մը, զոր մտադիր է կ'ըսեն գնելու:»

— Նորին Գերագանցութիւնը...: Արդեօք տակաւին ի՞նչ բաներ պիտի ընէ զիս ոսկին. վա՛յ մարդկային ունայնասիրութեան:

Օր մը այցեատմս մը ընդունեցի, վրան գրուած. «Մ. Միսաքեան, Գրասէր»: Այս անձին հասցէն ստորեւ նշանակուած էր: Հակատակ բոլոր սովորւածներուս, չի հաճեցաւ վեր ելնել, միայն թէ խոստացաւ, ինչպէս պատմեց Մուսթաֆա, ուրիշ առթիւ վերստին գալ, և տեսակցիլ երկարօրէն:

Ուրիշ օր մը, ապարանքս ներկայացաւ, ոչ թէ այցաքարսը ձգելու, այլ ինծի հետ տեսնուելու համար, Փարիզի մաարան հովիւն, Տէր Յովհաննէս քահանայ Հիւնքեարպէյէնտեան: Արժանաւոր պատուով ընդունե-

(*) . Յակոբ Ոսկան:

ցայ զինքը, և գո՛հ եղայ տեսնելով որ դէպի մեր համայնքը շատ վսեմ, և շատ գործադրելի գաղափարներ կը մտուցանէր իր մտայը մէջ: Իրաւ է որ եկեղեցական և կամ ասոր պէս ընդհանրութեան պատկանող խնդիրներու մէջ շատ չէի հետաքրքրուեր, սակայն և այնպէս յոյժ հաճելի էր ինծի որ ձեռնհաս անձ մը խօսի այս կարգի հարցերու վրայ, և ես ունկնդիր լինիմ:

Քահանային այցելութիւնը սիրուն առիթ մը ընծայեց յաճախելու տէրունի օրերն մեր մատուռը, որու գոյութիւնն անգամ չգիտէի առաջ:

Զարմանալին սա է, որ այն օրէն յետոյ մէյ մըն ալ Հներկայացաւ մեր ապարանը:

«— Սոսկալի մարդ է» կ'ըսէ եղեր:

Եւ սակայն խիղճս կը վկայէ, որ իրեն սոսկում ազդող ուէ վարմունքի մէջ չգտնուեցայ, և կամ իրեն տնօրէնութեանը տեղի տալու ուէ անտեղի խօսակցութեան ծայր չտուի:

Այլ բոլորովին հակառակը ըլլալով, արժանաւոր կրօնականը բարձր գաղափար մը ներշնչեց ինձ լեզուաբանական նիւթի մը վրայ խօսք բացուած մէկ պահուն:

Անձնագովութիւնը անախորժ է ինծի, հետեաբար կը փափաքիմ որ այն գաղափարին վսեմութիւնը ինքնին գատէ ընթերցող բարեկամս, երբ առիթը ներկայանայ:

Ուստի անչուշա եմ որ Տէր Հօրը սոսկալի երեւցածը դէմքիս անշտորժութիւնն էր:

Քանիցս ես ինքս այցելեցի իրեն, և միայն ընտանիքն էր որ կը հիւրընկալէր զիս:

Օր մը ձանձրոյթս փարատելու համար, գացի «Գըրասէր»ին մօտը: Մեծ օթեւանի մը մէջ հինգերորդ յարկը կը բնակէր, սենեակին մէջ գրքեր և տետրակներ, ուրիշ բան չը տեսայ: Օրուան ինզրոյց(*) մը վրայ հեղինակած մէկ գրքոյկը կը կարդար, որմէ քանիցս յեղյեղ-

(*) . Էտիրնէ Գարուի գերեզմանատան խնդիրը:

ուած «միրի քելամ» և «միրի քալէմ» բառերէն զատ ոչինչ մնաց միտքս. ապա սխառ ճառել, երկար և դժուարիմաց ոճերով, լեզուարանական շատ մը հարցերու վրայ, թէ լեզու մը ի՞նչպէս կարելի է անաղարտ պահել, և կամ չթողուլ որ ապրելէ դադարի: Երբ կը խօսէր, բընաւ չէի ընդմիջեր խօսքը, յանկարծ, թերեւս կարծելով որ կը քնանամ, աչքը երես տնկելով զիս դիտեց: Լուեց խփոյն, և անդին դարձաւ, հասկցայ եղածը: Գէմքս անախորժ տպաւորութիւն ըրած էր «Գրասէր»ին վրայ: Երևոյթիւն դատելով որ զխրակիաց վիճակ մը ունենալու չէ, մեղմիկ մը հազար ֆրանքնոց պանքնօթ մը դրի պարզ տախտակէ նստարանիս վրայ, և հրաժեշտի ողջոյնս տուի:

Հետեւեալ սուաւօտ, թղթաբերը նամակ մը բերեր էր ինձի, ուր հետեւեալ սողերը կարդացի.

«Բարձրապատիւ Տէր,

«Կան ոմանք, որ կը կարծեն թէ դրամը ամէն բան է, և թէ երբ որ մէկուն դրամական նուէր ընեն, շատ «մեծ չնոր՝ ըրած կ'ըլլան: Չէի կարծեր որ Ձեր բարձրութիւնն ալ այն կարգի կը պատկանի: Կ'աղաչեմ որ կարգաք երէկի Էներքնատիօնայ լրագիրը, ուր պիտի «գտնէք «Հայ Գրասէր» ստորագրութեամբ յիսուն սողէ «բազկացեալ յօդուած մը, ներկայ քաղաքական ինդիքներու վերաբերեալ, յօդուած մը՝ որոյ մէկ սողը երկու «ֆրանք օգուտ յառաջ բերած է ինձի:

«Արդ, ես իմ գրական աշխատութեամբս, կարող «եմ ապրիլ, և կ'աղաչեմ որ Ձեր այդ ձոխ նուէրները «օգտակար և անաչէն նպատակներու յատկացնէք: Ձեր «պանքատմար Ձեզի կը վերադարձնեմ:

Մ. ՄԻՍՍՔԵԱՆ

«Պէտք է խոստովանիմ, որ ամօթահար եղայ երբ կարդացի այս նամակը, օգտակար և անաչէն ըսուած նպատակը կուսնեցի, և որպէնցի այնպէս ընել՝ երբ աւիթը ներկայանայ:

Յիշեալ արժանաւոր կրօնականն, և Գրասէրը գողցես մէկ բերան ունէին երբ լեզուարանական հարցերու չուրջը կը դառնար խօսքը:

Այսպէս այս երկու պատուական անձերուն, չըսեմ բարեկամութենէն, այլ տեսակցութենէն ալ զրկուեցաւ:

Է.

Օրին մէկը Մուսթաֆա ժպտելով սենեակս եկաւ: Ձեռքն ունէր մի նամակ, խոշոր պահարանով, վրան կը կարդար, միանգամայն կը խնդար:

— Կը տեսնէ՞ք տէր իմ, ըսաւ, ձեր այս նոր դիրքը պատիւնիդ որչափ բարձրացուց:

«Առ Նորին Վսեմափայլ Գերագանցութիւն
Տիար Վահան Արթինեան:
ի Քաղաքիս»

— Այդ ի՞նչ է, Մուսթաֆա, գաղղիներէնը ե՞րբ սորվեցար:

— Ես միշտ օգտուեցայ այն ժամերէն, ուր դուք իմ ծառայութեանս պէտք չունեցար:

— Գիտեմ, ըսի, խօսակցութեան մէջ բաւական յաջող ես:

— Զեր չորհիւր՝ թէ կը խօսակցիմ և թէ՛ կը կարգամ :

— Կարդա ուրեմն, ըսի, բաց նամակը :

Եւ սկսաւ կարդալ .

«Թատրոն Օրէոս, առաջին ներկայացում Այսա, «սկզբնակ Օրիորդ Վալանթին լը Բօք դերասանուհւոյն ի նպատտ :

«Արտակարգ, շքեղ և փառաւոր ներկայացումն, «գոր պիտի բարենաճի իւր ներկայութեամբ պատուել «Նորին Վեհափառութիւն կայսրը :»

Այս խօսքերուն կը հետեւէին յոյժ փաղաքշոյ և շոքորթով շատ մը խօսքեր իմ հասցէիս, խօսքեր, որք որչափ ալ չափազանցուած ըլլային, դարձեալ շատ քաղցր և հաճոյական տպաւորութիւն ըրին անձնասիրութեանս վրայ . ատոր աւելցուր «սարժն» լուսանկար մը, յորում պատկերուած էր Օրիորդ Վալանթին, օրինակելի գեղեցկութեամբ մանկամարդ կին մը : Միանգամայն այս թուղթերուն կցուած էր օթեակի տոմս մը, քսան ոսկի արժողութեամբ, և մարդ գլուխ մէյ մէկ ոսկի մուտքով :

Այս հրաշակերտ պատկեր գլուխս դարձուց :

— Ի՞նչ կ'ըսես, Մուսթաֆա, ըսի, գեղեցիկ է այնպէս չէ :

— Ոչ, պատասխանեց, բուն ինքը աւելի գեղեցիկ է քան մերին երեւակայած որ և է գեղեցիկ Օրիորդը . այս կենդանագիրը հազիւ փոքրիկ գաղափար մը կուտայ այն կնոջ հրապոյրներուն վրայ :

Զարմացայ մնացի :

— Ուրեմն, ըսի, դու այս կնոջ ներկայացումներուն գտնուած ես :

— Բազում անգամ :

— Հապա սկզբնակ է եղեր :

— Այս իրիկուան համար, պատասխանեց Մուսթա-

ֆա քամիժաղով մը, այդչափ սուտը ո՞ր բանի մէջ չը գործածուիր :

— Ուրեմն երթա՞նք :

— Կամքը ձերն է, աէր իմ, Փարիզ ոտք կոխելնուդ ի վեր այս առաջին անգամ պիտի ըլլայ . ինչո՞ւ չը գրօնուք :

Տղան ճամբեցի, և ես ինծի կեանքս քաղցրացնելու համար նոր հարք մը մտածեցի : Արդարեւ դրօսնելու համար ի՞նչս կը պակսէր, եթէ ամէն պարագայի մէջ արհամարհանք կրեցի դէմքիս չեմ գիտեր ինչ պակասութեանը համար, անշուշտ է որ դերասանուհի մը գտնէ ի չորհոս դրամի, պէտք է մեծարէ զիս, մինչև իսկ սիրէ, եթէ ոչ սիրել բառին բուն իմաստին դօրութեամբը գտնէ փոխաբերաբար դրամիս կամ նուէրիս սիրոյն, պարտաւոր պիտի ըլլայ ինծի հանդէպ ալ սիրոյ նմանող կեղծ գբացման արտայայտութիւն մը ընել :

Այսպէս կը մտածէի միշտ ձեռացս մէջ բռնած օրիորդ Վալանթին լը Բօքի լուսանկարը :

Երեքտրական կոճակը վարկի, Մուսթաֆա ներս մտաւ : Հարցուցի .

— Գոհարավաճառի մը հասցէն ունէինք, պահած ես :

— Սէն Լազար հրապարակ, 45, Պ. Էմիլ Գուրուա, ձեր չորհիւր շատ պատիւ կ'ընէ ինծի այս մարդը, նա է որ ինծի ծանօթացուց քաղաքիս բոլոր անկրեւները . . .

— Սիրելիս, ըսի, հիմա ինդիրը ատոր վրայ չէ, կրնա՞ս զայն ինծի բերել անմիջապէս գոհարեղինաց առատ պաշարով մը :

— Իսկոյն, պատասխանելը, և սենեակին դուռնէն դուրս նետուիլը մէկ եղաւ :

Երեք քառորդ ժամէն, պատուհանիս վանդակին մէջէն նշմարեցի որ վարձու կառքէ մը վար իջաւ, և

իրեն կը հետեւէր բարեկազմ մարդ մը, ճաշակով հագուած, որ գոհարաւաճառն էր անշուշտ: Սենեակս հրամացուցի: Հետը բերած մարօքէն պայուսակէ մը զանազան գոհարեղէններ դուրս հանելով սեղանին վրայ շարեց: Գործը կը մնար ընտրանքին. իր կարծիքին դիմեցի, և ըստ այնմ, նա ընտրեց մէկ մանեակ աղամանդակուռ, որոյ կեղրոնը կը փալիլէր հազուագիւտ շափիւղայ մը: Արժէքն էր 10,000 ֆր.:

— Բարի, պատասխանեցի, բաւական է որ չը խարուիմ, և կարող ըլլամ ուրիշ պարագայի մէջ ալ դիմում ընելու ձեր բարեացակամ միջնորդութեանը:

— Վսեմափայլ տէր, պատասխանեց, եթէ հարիւրին մէկ զեղչով կարենայ զանել ձեր ծառան Մուսթաֆա, այսպիսի ընտիր ապրանք մը, ըսէք ինծի համարմարձակ, թէ ես խաբերայ մը եմ:

Սակարկութեան ուրիշ ձեւերն զանց ըրի, բարի մարդն մնացած ապրանքներն ժողվելով խոնարհութիւն մը ըրաւ, և դուրս կ'երէր հրք:

— Ներեցէք պարոն, ըսի, դրամը...

— Երբ որ կը հաճիք, պատասխանեց:

— Ոչ, ոչ, եկէք, ըսի:

Եւ իսկոյն ձեռքը սուր աասը հաս հազարնոց պանքնօթ:

Իրիկուան համար ամէն պատրաստութիւն տեսնուած էր, ժամը դիչերուան երկուքին մօտ առանց սպասելու Մուսթաֆայի դալուն, սենեակիս դուռնէն դուրս նետուեցայ: Անհամբեր էի, և կը փափաքէի ժամ առաջ տեսնել զկարծնակ օրիորդ Վալանթին ըր Բօք դերասանուհիին ներկայացումը, չէի մտածէր անգամ թէ շատ կանուխ էր: Իջայ վար, և բակին մէջ մարմարեայ սանդուխին վարի ստքին կից պատրաստ տեսայ կառքը, երկու սեւորակ նոյժգնեղովս լծուած, կառապանս Պէռ-

նար, իր ամենաչքեղ համազգեստն հագած, և ոսկի երիզով, և գնդակով բարձրադիր գլխարկը գլուխը, կարծես ինծի կը սպասէր: Զիս տեսնելուն պէս ցատկեց աթոռակէն և դուռը բացաւ: Նստայ, բայց Պէռնար փոխանակ դուռը գոցելու, ցատկեց իր աթոռակին վրայ ու նստաւ: Անհամբեր պօռացի:

— Այ սպասե՛մ:

— Մուսթաֆան չպիտի գայ, տէր իմ, հարցուց: Աճապարանացս մէջ բոլորովին մոռցած էի այս սղան, որ ժամը երկուքին մօտ դիս առնելու պիտի գար:

— Հա՛, իրաւունք ունիս, գոչեցի:

Յանկարծ ընտիր ասուիէ ոսկեճամուկ շարխարով, նոյնպէս ոսկի թելերով բանուած սարքայով, ճիշտ դարատաղցի ազնուականի կերպարանքով անձ մը նշմարեցի, որ սանդուխներէն դէպի ինձ կը վազէր, գլուխը ունէր կարմրորակ ֆէս մը, կապոյտ ծոպով:

Մտքէս անգամ չէր անցներ որ Մուսթաֆան ըլլայ այն:

— Ներեցէք տէր իմ, ըսաւ դէպի ինծի գալով, ժամը երեքին մօտ պիտի մեկնէինք սպարանքէն:

Այս ըսելով կառքին դուռը գոցելու ձեռնարկեց:

— Դո՛ւն ես Մուսթաֆա, ըսի, այդ ի՞նչ հագուստ, այդ ի՞նչ կապուստ, ե՛րբ ալ պատրաստեցիր:

— Արդէն պատրաստ էր, տէր իմ, ըսաւ ժպտելով և խոնարհելով, ասանկ պարագայի մէջ...

Թէպէտ և շատ ստիպեցի, սակայն հակառակ ասոր, այս անգամ մեր սովորութենէն չեղեցաւ, և ելաւ նստաւ Պէռնարին քով, աթոռակին վրայ:

Նժոյգներն քառատրոփ դուրս խուժեցին սպարանքին մեծ դռնէն, և Օրէնա հրապարակին մօտ ելքարական լոյսերու մէջ փայլող ճամբան երբ որ մտանք, հը-

րացաններու, սուխներու և սուրերու շառաչիւն մըն է փրթաւ, պահակ գինուորաց ջոկատը, որ զԿայսրը բարեւելու համար Օրէնային դռանը առջև կը կենար, կարծելով որ նոյն ինքը Նաբօլէօնն է որ կուգայ, այսպիսի մեծ դիրքիւնով մը, կազմ և պատրաստ ըլլալ կը փութային, իջայ կառքէն վար, և երբ տեսան որ թուրքական Ֆէսով անձ մըն է — քանզի միշտ մասնաւոր միտում մը ունեցած եմ այս տեսակ գտակին — ամէն մարդ իւր տեղը դարձեր էր, միայն թէ ոսախիան գօմիսէրը իւր եզիւ մարդերովը զիս ոչջուռնեց, իբրև Արեւելքցի իշխան — տես մինչև ուր թարձրոցած էր պաղքձի Արթինին տղուն վիճակը:

Մասնաւոր համադրեալ կրող գեղադէմ երիտասարդներ զիմաւորեցին զմեզ. թատրոնին օգնական սնօրէնն այնպիսի փափուկ քաղաքավարութեամբ մը՝ որ Ֆրանսացւոց յատուկ է, զմեզ զիմաւորեց, և թատերաբեմին ճիշտ դէմը շքեղագարդ օթեակ մը առաջնորդեց: Նուագածուաց խումբը, սկսուած մէկ եղանակին դադրեցուցին, և ահա անոր յաջորդեց Օսմանեան քայլերգը: Երբ բազմեցայ, զիմացս ոտքի վրայ ունենալով ոսկինուռ զգեստներ հագած հաւատարիմն Մուսթաֆա, հանդիսականաց դիտակներն դէպ ի մեզ ուղղուեցան: Ինչպէս որ կը պատմէր Մուսթաֆա, քան զի ես առաջին անգամն էր որ կը վայելէի այս մեծաշուք տեսարանը, այս օրուան հանդիսաւորութիւնն կը գերազանցէ եզեր բոլոր նախընթացները:

Երբ Օրիորդ Վալանթին երեւցաւ բեմին վրայ, սքանչացումս իւր գագաթնակէտն հասած էր, ալ անկէ յետոյ բոլոր թատերական տեսարաններն անտեսանելի եղան ինձի: Անկարելի է որ յիշեմ խօսք մը, բառ մը խաղացուած առամին ամբողջութենէն:

Օրիորդ Վալանթին լը Րօք, և ուրիշ ոչինչ:

Այսօր ինձի համար, հռչակաւորն Օրէնա, ուրիշ նշանակութիւն չունի, միայն թէ Վալանթին, Եւայի սեռին գեղեցկութեան այս հրաշակիրար:

Ն. Վ. Նաբօլէօն Գ. եկեր յատուկ սենեակը բազմեր, անոր գալստստը մեծաղորդ յուզումներ յառաջ բերեր են հոյակապ թատրոնին մէջ. այս ամէն բան անհրճմար մնացիր են ինձ, իբրև քնացողի մը:

Արթնցայ սակայն, երբ Ն. Վ. Կայսեր մէկ պալատականն օթեակս գալով ինձ հաղորդեց անոր ողջոյնները խոտտանալով միանգամայն որ պիտի բարեհաճի մասնաւոր ունկնդրութիւն շնորհել ինձ, նախապէս իմաց տրուելիք ժամանակ մը:

Այս կայսերական շնորհին համար խորին երախտագիտութիւնս յայտնեցի:

Չմտնալ յիշել, որ պալատականը միայն անգամ մը նետեց իր ակնարկը երեսիս վրայ, և յետոյ, տեսակցութեան միջոցին միշտ մէկ քով նայելով խօսեցաւ:

Ափսոս, ո՛վ գիտէ ի՞նչ անախորժ տպաւորութիւն ըրած էր իրեն վրայ դէմքիս անպատկառ երեւոյթը...

Թատրոնին դեր անօրէին հետ համախորհուրդ ըլլալովս, լուր եկաւ ինձ որ առիթն է Օրիորդ Վալանթինի յատկացուցած նուէրս մատուցանելու: Արդարեւ անհամար ծաղիկփունջեր տեղալ սկսեր էին: Ուստի յատուկ պաշտօնէի մը առաջնորդութեամբ, Մուսթաֆա թաւիշ բարձիկի մը վրայ, զոր բռնած էր մէկ ձեռքը, դրած նուէր մանեակս տարաւ մատոյց օրիորդին, որ ընդունելով դէպ ինձի ուղղեց հայեացքն, և այնպիսի պզրանօք մը խոնարհելով զիս ողջուռնեց, որ կարծես թէ զինովցայ: Ծափահարութիւն մըն է փրթաւ անվերջ և անվախճան, ներկայացումը աւարտեր է եզեր. Մուսթաֆա օթեակէն դուրս ելած վայրկեանին, ականջս ի վարբան մը կը փսփսար. գլուխս խելք չի կար, չէի հասկը-

նար, և ա՛նա պա՛ն մը, գուլիսին մէջ, դէմ դիմաց գըտ-
նուեցայ օրիորդ Վալանթինի հետ, որ շնորհակալութիւն
յայտնելու համար օթեակէս դուրս ելլելուս կը սպասէ
եղեր:

— Տէր իմ, ըրաւ այնպիսի ներդաշնակաւոր ձայնով
մը, որ ամբողջ անձիս վրայ քաղցր տպաւորութիւն մը
յառաջ բերաւ:

— Շնորհք կ'ընէք հրաման տալ ինձի, որ անձամբ
գալով երախտագիտութիւնս յայտնեմ ձեր գերազանցու-
թեան:

— Ազատ մուտք ունիք իմ ապարանս:

Ուրիշ խօսք կարող չեղայ գտնել, երբ օրիորդը խո-
նարհական ողջոյն մը տալէ յետոյ, իբր անմարմին ոգի,
գոգցես աներևութացաւ աչքերէս:

Այս վայրկեանէն յետոյ, թէ ինչպէս դարձայ ապա-
րանս, ինչ պատահեցաւ մինչև այն պահուն, երբ մահ-
ձակալս մտայ՝ չեմ գիտեր:

Առաւօտուն արթնցայ. ննջասննեակիս մէջ, գիշեր-
նոցով նստած, այս գիշերուան պատահմունքներուն վրայ
կը մտածէի: Երազ չէ անշուշտ, կենացս այս քաղցր
մէկ երեկոյթը:

Մակայն տես սա մարդկային բնութեան անյազու-
թիւնը: . . . Եւ կ'ուզէի աւելի քաղցր երեկոյթներ ու-
նենայ:

Պահ մը Մուսթաֆա ներս մտաւ:

— Ծաշը պատրաստ է, հարցուցի:

— Տակաւին մատակարարէն լուր չկայ, պատաս-
խանեց, միայն թէ . . .

— Ուրեմն ի՞նչ կ'ուզես, հարցուցի անհամբեր:

Այս սղան անգիտակ էր ինձի պատճառած սրտնե-
ղութեան: Ներս չը մտած, թէպէտ արթուն, սակայն
ինչ հրճուայից երազներու մէջ կ'օրօրուէի:

— Հապա ինչ կ'ուզես, կրկնեցի:

— Տէր իմ, օրիորդ Վալանթին լը Բօք այցաքարա
մը ղրկեր է ձեզ, ա՛նաւասիկ:

Անպատմելի ուրախութեան ճառագայթ մըն է սկը-
սաւ փայլել անձունի դէմքիս վրայ:

— Ապրիս Մուսթաֆա, ըսի խնդալով:

Ի՞նչ գիտնայի, Մուսթաֆային գալուստը երազիս
մէկ շարունակութիւնն է եղեր:

«Վսեմաշուք Իշխան,

«Ձեր Գերազանցութեան շնորհակալութիւնս մատու-
«ցանելու համար Ձեր ապարանը ընդունուելու անգին
«պատիւին կ'ըղձամ: Ձեր աղախինը՝
ՎԱԼԱՆԹԻՆ ԼԸ ԲՕԲ»

Գրասեղանիս վրայէն մէկ այցաքարաս առի և
գրեցի:

«Ազնիւ Օրիորդ,

«Ապարանս Ձերն է, ուստի ազատ մուտք ունիք
«անդ, ամէն օր և ամէն ժամ: Վ. ԱՐԹԻՆԵԱՆ»

Տուի Մուսթաֆային, որ տարաւ Օրիորդին գիրը
բերող անձին յանձնելու:

Կէս օրէն երկու ժամ յետոյ, սննեակիս մէկ պատու-
հանին առջև նստած, վանդակափեղկին ետեւէն, փողոցը
կը դիտէր, աչքիս զարկաւ փառաւոր կառք մը, որ ի-
մինէս շատ վար չէր մնար տեսքով, մօտեցաւ, և ա՛նա
Օրիորդ Վալանթին . . .

Ցատկեցի ելեքտրական կոճակին մօտը, և կոխեցի.
Մուսթաֆա ներկայացաւ:

— Շուտ, ըսի ժպտելով, Օրիորդը առաջնորդէ մեծ հիւրասենեակը :

Եւ ահա ապարանքիս կառավարիչը, Հէրման, գալով պաշտօնապէս ծանոյց Օրիորդ Վարանթին լը Բօքի այցելութիւնը :

Այլ եւս միտիաձի Արթինին տղան չէի գողցիս : Հինգ վայրկեանի չափ իշխանական դանդաղութեամբ անտնալէ յետոյ, Հէրման առջեւէս, և Մուսթաֆա իր ամէնէն փայլուն հաղուսաններով չքաւորուած ինծի հետեւելով, հանդիսաւորապէս օրիորդին սենեակը մտայ և բարի գալուստ մաղթեցի :

Հէրման և Մուսթաֆա, հեռացեր էին սենեակէս եւ ետ կոխելով :

Շատ սիրալիր եղաւ տեսակցութիւնս : Մանրամասնութիւն և նկարագրութիւն երբէք չեմ սիրած, ազնիւ ընթերցող, ուստի ըսեմ անցողակի, որ Օրիորդը ջերմ և եռանդազին զմայանք յայտնեց ինձ, ըստ իս բողբոլիկն երեւակայական, և երբեմն տառաջօղ բարեմասնութեանցս վրայ : Թէ ես աշխարհիս ամենէն ազնիւ գաւալիէներէն մէկն էի, և թէ իմ բարձր իշխանութիւնս, որ արժանի էր գրաւելու գեղեցիկ սեւին ամենագեղեցիկին համակրութիւնս և սքանչացումն իսկ :

Այս չորհաւորութիւններն, որոց ծայրէ ի ծայր կեղծ ըլլալուն կատարելապէս համոզուած էի, յոյժ շոյեցին սակաւն անձնասիրութիւնս : Օրիորդը թէ կը խօսէր, և թէ Պարսկաստանի ամէնէն ընտիր ապրանքներէն՝ պատերը ծածկող գորգերուն վրայ, ինչպէս նաև բազմոյններուն և աթոռներուն վրայ, որք Լահոտի և Տէլիի ընտիր շալերով պատուած էին, ծակաչք և անյագ ակնարկ մը կը պտտցնէր :

Ըսեմ նաև անցողակի, որ այս տեսակցութիւնը կրկնուեցաւ քանիցս :

Օրին մէկը օրիորդը, որ կատարեալ անձնուիրութիւն և սիրահարութեան մօտ տեսակ մը զգացումներ կը յայտնէր ինծի, իբրև յիշատակ ուղեց ունենալ ինչ ապարանջան մը, ոչ այնչափ թանկագին, այլ պարզ բան մը, միայն վրան ունենայ անուանս սկզբնատառերը, քանի որ յիշատակ մըն էր որ պիտի պահէր ամբողջ կենացը մէջ, իրմէ անբաժան :

Ըստ իմ կարծեաց, յոյժ բնական էր, որ յիշատակի համար չը պահանջէ խոժոռ դէմքիս լուսանկարը, դէմք մը՝ որուն սիրոյն համար չէր խենդենար անշուշտ :

Մուսթաֆան անմիջապէս ղրկեցի հրապարակ Սէն Լազար, թիւ 45, և փութով քովս կանչեցի Պ. Էմիլ Գուրդուա, որ գալուն պէս, սենեակին մէջտեղը կեցած և վրան գոյնզգոյն մետաքսով բանուած ճարմանական ծածկոցով մահոն փայտէ եռոտանուոյն վրայ պարզեց ակնախօսիղ աղամանդներով կուռ, շատ մը թանկարժէք առարկաներ :

— Եթէ կը հաճիք, Օրիորդ, ըսի, յանձն առէք ընտրանքի ձանձրոյթը :

Ընտրեց, աջ ձեռքն անցուց, հանեց, ձախը անցուց, սակայն միշտ աչքերը յառած կը մնային զոյգ մը օղերու վրայ, որոնց ես ինքս անգամ սիրահարուեցայ :

— Յոգնեցաք, օրիորդ, ըսի, ուստի ի սփոփումն ձեր աշխատութեան, կը համարձակիմ ձեզ մատուցանել նաև սա օղերն ալ, և լիայոյս եմ, որ մերժման տխուր առիթը պիտի ինայէք ինծի :

— Շատ ազնիւ, շատ վեհանձն էք, աէր իմ, ըսաւ :

Եւ չզիտեմ որն ըսեմ, առաւ կամ յափշտակեց այն զոյգ մը օղերը, որք իր ցանկութեան առարկայ եղած էին :

Քաղցրութեամբ ձամբեցի ազնուաբարոյ Պ. Էմիլը, որ բացարձակ կերպով մերժեց դրամ ընդունիլ Օրիորդին ներկայութեան :

Հետեւեալ օրը սակայն կանչել տուի զինքը, որ հաշուեցոյց մը ներկայացուց:

«Ապարանջան 7 ադամանդ, և մէկ յակիրնթ, ֆըրանք 13,000.

«Զոյգ մը օղ, ճակական ադամանդ, և սուտակ մը — չեմ յիշեր քանի գրադ —

«Ընդհանուր գումար 23,700:

13,000

23,700

Գումար 36,700 ֆր.

«Զոր ընկալայ ամբողջովին,
է. ԳՈՒՐԴՈՒԱ.»

Ազնիւ և փափկանկատ մարդն հեռացաւ հազարու-մէկ խոնարհութիւններով:

Ուրիշ օր մը, երբ ճաշի հրաւիրեր էի Օրիորդը, զինքը շատ տրամած տեսայ: Իբր թէ առաջին անգամ նուիրած մանեակս կորսուած ըլլար:

Զարմանք յայտնեցի այդպիսի ոչինչ խնդրոյ մը հա-մար տխրելուն, դարձեալ Մուսթաֆա թուաւ գնաց Պ. Գուրդուան կանչելու, այս անգամ Օրիորդը, փոխանակ մանեակի, կ'ուզէր ունենալ ասեղ մը օսմանեան զինա-նշանով, մահիկ և աստղ:

Պարոն Գուրդուա ցաւ յայտնեց, որ այսպիսի ապ-րանք մը այս ժամուս պատրաստ չունի, խոստացաւ զայն մատուցանել երեք աւուր վերջ:

Արդարեւ, որոշուած օրն հետը բերաւ այն գոհարե-ղէնը, որ ըստ վկայութեան իսկ Օրիորդ Վալանթին լը Բօքի, իր տեսակին մէջ եզական էր արժէքով, գեղեց-կութեամբ և անմամուլութեամբ:

Ուրիշ օր մը հաշուեցոյցը բերել տուի, քանզի բարի

մարդը չէր երեւեր, 25,000 ֆր., զոր Մուսթաֆա տա-րաւ յանձնեց:

Իմ թախանձանացս վրայ, դերասանուհին հաճեցաւ գիշերային այցելութիւն մը ընել ինձի, պայման դնելով, որ ապարանքիս բոլոր յարկերուն մէջ, ոչ ոք ներկայ պիտի գտնուի, մինչև իսկ ոչ դռնապանը, և ոչ Մուս-թաֆա: Փողոցի մեծ դռան բանալին իրեն պիտի յանձ-նուի, և ինք արեւմուտէն չորս ժամ յետոյ, մասնաւոր կառքով մը, մինակը պիտի գայ ներս մտնէ, և առանց ոչ ոքի հանդիպելու՝ սրահիս նրրաշաւիղէն անցնելով, պիտի գայննջանեակիս դուռը յուշիկ պիտի զարնէ, և ես, միայն ես, պիտի բանամ զայն: Այսպէսով, կ'ըսէր աղջիկը, ո ե է զայթակղութեան առաջքը առած պիտի ըլլար, զայթակղութիւն՝ որ կրնար փնասել և արատ բերել թէ իմ համբաւիս և թէ իրենին:

Այս պայմանները, որչափ տարօրինակ, նոյնչափ ըն-դունելի համարուեցան իմ կողմէս, ուստի ամէն հրա-ման տուի մարդոցս Մուսթաֆայի միջոցաւ:

«— Այս գիշեր մեր աէրը պիտի բացակայի, և իր բացարձակ կամքն է, որ ապարանքին մէջ իր մանկա-ւիկներէն ոչ ոք գտնուի:»

Երեկոյեան դէմ ապարանքիս բուն յարկերէս դուրս, պարտէզի, զանազան տաղաւարներէն, կառապանները, ձիապանները, խոհարարները հազուած և շքաւորուած, ուրախ զուարթ, (մանտաւանդ անոր համար որ ամէն մէկը մէկ մէկ հարիւրնոց պանքնօթ նուէր առած էին), խուժեցին ապարանքիս սպարտէզին ետեւի երկաթ վան-թակեայ դուռնէն դուրս:

Յանկարծ անձնական սենեամիս դուռը մեղմիկ զար-նուեցաւ: Դռնապանս Բիէրրօ, յիսուն տարեկան ծերուկ մը, մտաւ ներս, և պազատագին հարցուց, թէ ի՞նչ պատճառով կը ճամբուէր:

— Հրամանս, ըստ իրեն ժպտելով, սխալ ըմբռնե-
րես, սիրելիդ իմ Բիէրրօ, կ'ուզեմ որ գոնէ օր մը ազատ
և համարձակ զուարճանաք դուք ձեզի:

— Եթէ այդպէս է, ըստ, զուարճութիւնս իմ
տունիս մէջն է, ինը զաւակներս և կինս ձեր աղախինը,
չեմ ուզեր մէկ վայրկեան առանձին թողուլ, պզտիկին
ականջը կը քաշեմ, անկէ վերին քիթը կը սեղմեմ, ձօ-
նին ապտակ մը կը զարնեմ, և այսպէս կը դբօսնում:

— Շատ լաւ, շատ լաւ, ի՞նչ կ'ուզես ուրեմն, կըտ-
րեցի խօսքը:

— Կ'աղաչեմ, ինձ հրաման տուր որ մեծ դռան
քովի պահականոցէն իմ յարկս քաշուիմ, և առանց խկ
մոմ վառելու, ձեր շնորհիւ հանգիստ ընեմ: Չէք գիտեր
աէր իմ, ինչ սաստանի կտոր մըն է պզտիկ Վիզթօրիաս,
իմ և մօրը ամենէն մեծ ուրախութիւնը, հագիւ չորս
տարեկան, այնպիսի խեղկատակ բաներ կ'ընէ, որ մարդ
խնդալէն կը մարի...

— Ուրեմն, ըստ անհամբեր և միշտ ժպտուն, խեղ-
կատակ Վիզթօրիայիդ հետ զուարթ ժամեր պիտի ան-
ցունես այս գիշեր, միայն մի մոռնար որ արեւամուտէն
մէկ վայրկեան յետոյ բնաւ չպիտի երեւիք ոչ մէկերնիդ,
ոչ պարտէզը և ոչ այլուր:

— Ձեր խոնարհ ծառան, ըստ Բիէրրօ և խոնարհե-
լով մեկնեցաւ:

Երանելի մարդ, կը խնդայ եղեր, ահա չուրջ տասր
տարի է որ խնդարու զգացումս փթացած է:

Արեւը մարը մտաւ, և ապարանս ամայացաւ, սկսայ
պատրաստուիլ հեշտալիբ երեկոյթ մը անցունելու, կենացս
մէջ առաջին անգամ: Սեւ ատուիէ հագուստներս հագայ,
և մազերս յարդարած, ամիլուած, անուշահոտ իւղերով
օծուած՝ Տիւրսինէիս կը սպասէի: Գիշ մըն ալ Տօն-Քիշօղը
միտքս բերի, զոր Չերուանդէզ «Տիւրադէմ սասկտ»

կ'անուանէ և ճիշդ ասոր նման, Փարիզի բարձր դասա-
կարգին մէջ զիս «Տիւրադէմ իշխան» կ'անուանեն եղեր:

Վայրկեանները կ'անցնէին ու իմ երջանկութեան
պահս երթալով կը մերձենար:

Արեւմուտէն ճիշդ չորս ժամ յետոյ, սենեակիս
դուռը մեղմիկ բաղխեցաւ. սիրտս սկսաւ բարբախել և
թռթռալ, թաւշեայ նստարանէս յանկարծ ցատկեցի,
բացի դուռը, ներս մանողին երեսը հիւսկէն սեւ քօղը
այնպէս մը ծածկուած էր որ դէմքը մէկէն չկրցի որոշիլ:

— Հրամայեցէ՛ք, Օրիորդ ըստ ձայնիս քաղցր եղա-
նակ մը տարով, կ'զգամ որ դուք պիտի ըլլաք կեանքիս
մնացորդ մասին մէջ ամեն երջանկութեանցս աղբիւրը,
ձերն է ոչ միայն բոլոր հարստութիւնս, այլ նաև անձս
և հողիս

Սակայն Օրիորդը, ի՞նչ տարօրինակ բան, փոխանակ
զիս ողջունելու և ըրած գօնջիմանեներուս պատասխա-
նելու, մահճակալիս վրայ նետուեր, անդուս վարագոյրը
վեր առեր և արտորնօք ձեռքերը անկողնոյս մէջ կը
պստցունէր:

Կը մտածէի որ թերեւս առջի գիշեր ներկայացում
տուած ըլլայ և չզիմանալով քնհատութեան՝ կը փախաքի
ժամ առաջ հանգիստ ընել:

Եւ ահա՛, ի՞նչ ստակում, ինձ դառնալով՝

— Ո՞ւր է գանձը, գոչեց հուժկու թուքերէ բղխող
հագագային ձայնով մը:

Օրիորդը երեսը ծածկող քօղը և վրայի կնոջական
հագուստները մէկդի նետեր և ինձ ներկայացուցած էր
ընչացքն ու մօրուքը ամիլուած ամենամիտասակար աւա-
զակի մը կերպարանքը:

Այ չեմ գիտեր ինչ զգացի, միայն թէ՛

— Ա՛հ, ըստ, ինչ գանձ է ուզածդ:

— Դես կը խօսիս, գոչեց, և կոկորդէս բունեց լայ-

նածիր ձեռքովը, որուն նմանը ըմբիշներու վրայ իսկ հազուադեպ է: Կարծեցի որ երկաթէ մամուլով զիս պիտի խեղդէ:

— Տամ, տամ, ըսի մարելու մօտ ձայնով մը:

Թող տուաւ կոկորդս, որպէսզի ազատօրէն շարժելով գանձս իրեն ցոյց տամ, և Բաղդին քսակը տաբա- տիս գրպանէն հանեցի ու իրեն յանձնեցի:

Առաւ ձեռքէս, բացաւ և իմ անսահման դժբաղ- դութենէս մէջը բան մը չգտաւ կամ չտեսաւ:

— Հա՛, հա՛, ըսաւ դիւային ձայնով մը և դժոխա- յին խնդումով, հիմա գտար կատակ ընելու տեղը, և կատակ վերցնող մարդը:

Այս ըսելով՝ ոտքովը այնպիսի ուժեղ կից մը տուաւ արգանդիս, որ կռնակի վրայ գե- տին տապալեցայ, ոտքովը կոխեց կուրծքս, և մէջքէն հանեց, իբր քառասունըհինգ սանթիմէթր երկայն, տե- սակ մը զմելի, որուն նմանը չէի տեսած: Բացաւ զայն և իր երախակային երկաթին հետ միացած տեղէն տե- սակ մը մեքենայութեամբ ամրացուց մոմուարով:

— Առաջ մորթեմ սա մարդը, և գանձը կրնամ գանել ես յետոյ:

Հուժկու թեւերովը կզակս վերցուց, ինչպէս որ կ'ը- նեն ոչխար մորթողները սզանդանոցին մէջ և պիտի սկսէր գործի, ու ահա սոսկալի պայթիւն մը լսելու և ծանրակշիռ մտեղէն կոյտի մը վրաս իյնալը մէկ եղաւ:

Մուսթաֆա գալով՝ այն անկենդան դիակը վրայէս մէկդի նետեց ու բռնեց ձեռքէս որ ելլեմ:

— Կը մտածէի տէր իմ, ըսաւ աչքերէն կրակ ցա- տ- կեցնելով, որ այս ամէն բաներուն մէջ դժոխային մե- քենայութիւն մը պիտի ըլլայ, և ձեզի հաւտացնելով որ բացակայ եմ, սենեակիս մէջ պահուած այս գործին ելքին կ'սպասէի, երբ ծանր նիւթի մը գետին տապա- լելէն սենեակս դզողեցաւ, և ահա...

Տղան խօսքը չէր աւարտած երբ յանկարծ սենեա- կին դուռնէն ատրճանակի հարուած մը, երկրորդ մը, երրորդ մը թնդաց:

Կ'երեւի թէ դիտապատ ինկած աւազակին ընկեր- ներն էին, անոր օգնութեանը հասած:

Միայն Մուսթաֆա թեթեւ հարուած մըն էր առած ուսին վրայ, այսուհանդերձ ամեն մէկ ձեռքը մէկմէկ վեցհարուածեայ բռնած սկսաւ կրակել դէպի դուռը: Երկու անգամ իմացայ մէյ մէկ մարդու գետին տապա- լլը. և երբ ապշած ու սարսափի մատնուած այս եղե- րերգութեան վախճանին կ'սպասէի անհամբեր, և ահա դռնապան Բիէրրօ ձեռքը կազի լամբար մը բռնած և քանի մը անձեր ետեւէն՝ մեծ սրահին մէջէն իմ սենե- կակս կը մօտենար: Սուրերու զզրոյիւնէն գուշակեցի որ ոտսիկան զինուորներ են ատոնք:

Մտան սենեակս, և առանց այլեայ հարցութործի, Մուսթաֆայի ձեռքերէն զէնքերն առին, և անջուէս անյայտ ըրին, յետոյ առաջին կարգի գօմիսէր մը ինձ մօտենալով քանի մը հարցումներ ըրաւ: Այնչափ յայ- այրմէ եղած էի որ չկրցայ ըսածը լաւ ըմբռնել, և ճըշ- գրիտ պատասխաններ տալ: Պաշտօնեան առաջարկեց որ իրեն հետեւիմ:

— Ներողութիւն, ըսի, ալ աւելի չիոթած, քանի մը վայրկեան որպէսզի պատրաստուիմ:

Պաշտօնեան սրանեղած դէմքով՝ աջ ձեռքը բացած, դէպի ինձ երկարեց, իբր թէ կ'ուզէր թեւէս քաշել: Ճիշտ նոյն պահուն ուրիշ պաշտօնեայ մը, մէկ քանի ու- տիկան, շատ մըն ալ քաղաքապետական զինուորներու ընկերակցութեամբ գրո՛հ տուաւ սենեակիս մէջ և ինձ դէմ բռնութիւն գործադրելու ձեռնարկող պաշտօնեային ականջին քանի մը խօսք փափսաց:

Սա ետ քաշուեցաւ:

Նորեկը գլխարաց և ամենայն յարգանք ինձ մօտե- նարով:

— Յուսամ թէ Ձեր Գերազանցութեան վրաս չէ պատահած:

— Ոչ, փառք երկնից :
 — Ձեր գերազանցութիւնը ստեպողական յայտնութիւն մը ունի՞ արդեօք ընելիք :

— Ոչ պարոն, այնչափ յուզուած եմ որ...
 — Հանգիստ ըրէք ուրեմն, տէր իմ :
 — Միայն թէ, յարեց պաշտօնեան, խօսք կուտա՞ք մինչև որ ոստիկանութենէն հրաման չստանաք, պիտի չը բացակայիք այս ապարանէն :

— Պատուոյս վրայ, պարոն :
 — Ուրեմն հանգիստ ըրէք, Վսեմափայլ տէր, ձեր ապարանը լաւ պահպանուած է, ալ ասկէ յետոյ ո ե է երկիւղ մի ունենաք :

Այս ըսելով պաշտօնեան ամենայն քաղաքավարութեամբ զիս ողջունեց, և պէտք եղած հրամանները տալով իր հետեւորդներուն, անկենդան դիակները դուրս հանել սուաւ ապարանէն :

Ը .

Մինակ մնացի, մինակ՝ բառիս նշանակութեան բոլոր զօրութեամբը, զրկուած մարդկային զգացմանց վայելքներուն ամենէն քաղցրերէն, զրկուած մտերմութեան, բարեկամութեան, ընտանեկան կեանքի ամէն հաճոյքն՝ րէն : Առանձին, գոգցեա կղզիացեալ անմարդի լայնածաւալ ապառաժի մը վրայ, անծայրածիր ովկէսնոսին մէջ... : Ոսկի, կերուխում, և այլ ոչինչ, և սակայն մարդկային արարածը ստեղծուած է բաղդատմամբ անասուններու, այնպիսի գերազանց յատկութիւններով՝ որ ոչ մէկ բանի հետ բաղդատութիւն չեն ընդունիր :

Այս յատկութիւնները, ինչպէս ամէն մարդու, նոյնպէս և ինծի՝ բնածիր են : Ամէն մարդ սուրբ ունի զայնս գոհացնելու, զարգացնելու, ևս բաղդէն զուրկ եմ : Ինչո՞ւ ըլլայի, ինչո՞ւ մանկութեանս փափուկ օրերուն մէջ, այն դիւսասարսուռն Ահարոն դէմս ելնէր, և ոսկիներն իմ ձեռքիս մէջ, և իմ անձս ոսկիներուն ձեռքին մէջ խաղալի ընելով անհուն և անվախճան ցաւերու մատնուէին կենացս մնացորդ ամէնէն վարդագոյն, ամենէն անուշիկ օրերն անգամ :

Այսպէս մտածելով մեքենայաբար հանուեցայ, և Ասպահանեան ընտիր չալէ գիշերազգեստս հագնելով, դառն արտատուքներ թափեցի, ու նետուեցայ անկողինիս մէջ, մինչդեռ բարեսիրտն Բիէրրօ, իր կնոջ օգնութեամբ գորգերուն վրայի արեան բիծերը փութով կը մաքրէին : Բիէրրօ թէ կ'աշխատէր և թէ կը մոմուար կնոջը հետ խօսելու պէս :

— Գիտես, Մարի, եթէ մեր տիրոջը կառավարչին խօսքին անսպով ընտանեօք ապարանիս մեզի յատուկ տաղաւարէն հեռանայինք, այս սուամին վախճանը եւս առաւել ողբերգական պիտի ըլլար, այնպէս չէ :

— Այո՛ մարդս, այն ի՞նչ գէնքի պայթիւններ էին, թէ որ ապարանը չըլլայիր, ո՞վ պիտի վազէր ոստիկանութեան :

— Անանկ է կնիկ, սա տեղ քսանէն աւելի ենք որ մեր տիրոջը հացովը կը մնանինք : Ամէնքն ալ պզտիկ մարդու մը պզտիկ մէկ հրամանին վրայ հագուեցան, շքաւորուեցան, ու ով գիտէ որ սատանին ծակերը «քէֆ» ընելու գացին, կաեծես պատճառանք կը վնտուէին :

— Հա մարդուկս, բայց սա Մուսթաֆան ուրկէցեղաւ որ ներսը գտնուէր է, թէ որ այն չըլլար... :

— Դուռը գոցեցէ՛ք, պօռացի անկողնոյս մէջէն :
 Ժամը կէս գիշերը չորս անցած հնչելը իմացայ : Երբ արթնցայ, ցերեկին երկու ժամ կար :

Կը մտածէի որ ձախորդութիւններս ա՛լ իրենց վերջինը սահմանը գտան: Հագլիւ ճաշս աւարտած էի, երբ ոտտիկանական նախարարութեան կողմէ կոչնագիր մը ստացայ: Պատրաստ էի արդէն այս տեսակ հրաւերի մը: Առանց վարանելու, ապարանքիս անտեսը հետ առնելով նստայ կառք:

Երբ պաշտօնատունը հասայ, զիս առաջնորդեցին կարճահասակ, յոյժ գէր, մօրուքն ու մազերը ամբիւած, իբր յիսուն տարեկան պարոնի մը քով, որ ճաքէդէին վրայ Պատուոյ Լէգէոնի ասպետութեան նշանը կը կրէր: Նախարարին օգնականն է եղեր: Երբ ներս մտայ, զիս ողջունեց թեթե չարժումով մը, և աչուրները մանրելով հանդերձ, չրթունքը տարօրինակ ծաւալելով ժպիտ մը, որ միմտական ձեւ մը կուտար պարոնին դէմքին:

Առանց ուրիշ յառաջարանի, պարոնը սապէս սկսաւ.

— Ոտտիկանութիւնը ամէն բանէ առաջ կ'ուզէ գիտնալ Ձեր Գերազանցութեան վարած ձօխ և փարթամ կեանքին միջոցները:

Անվերջանալի հարց մը, որոյ ճշգրիտ պատասխան մը տալ անհնար էր ինծի:

Ուրիշ պատասխան չկրցայ մտաբերել, և.

— Կը բողբոքեմ, գոչեցի, յանուն իրաւանց և արդարութեան այնպիսի հարցման մը դէմ, որ անհատական ազատութեան սպառնալիք մըն է, և ոչ ուրիշ բան: Այսքան տարիներ միլիոններ ծախսեցի մէկ ֆրանքի պէս. հազարումէկ անձինք դանազան եղանակներով ամէն տեսակ օգնութիւն վայելեցին ինէ, և այսօր երբ խուճը մը աւագակ կը ձեռնարկին զիս մորթիկ ոչխարի մը պէս, ապահովութեան պաշտօնէութիւնը այս ցաւալի դէպքն իրեն պատճառ կը բռնէ գիտնալու համար թէ ես ինչպէս կ'ապրիմ, մինչդեռ այս պարագան պարտաւոր էր ինքն իսկ գիտնալ դեռ բազում տարիներ առաջ: Ուստի,

պարոն, կը կրկնեմ խօսքս, կը բողբոքեմ յանուն իրաւանց և արդարութեան, անհատական ազատութեան դէմ եղած այս հարուածին համար: Կարծեմ ամէն քաղաքացի ազատ է իր հասկցած կերպովն ապրիլ, քանի որ իրեն դէմ բողբոքող մը, կամ իրմէ բան պահանջող մը չկայ: Ուրիշ պատասխան չունիմ, պարոն:

Կլոր մարդը, միշտ ժպտելով, ոսկի տկնոցը հանեց քթէն և սեղանին վրայ դրաւ:

— Պահ մը ներողութիւն, վսեմափայլ Տէր:

Եւ սենեակէն դուրս կլաւ:

Քառորդէ մը յետոյ դառնալով աղաչեց ինծի, որ Նորին Վսեմութիւն նախարարը երթամ տեսնել:

Ստոր սենեակն առաջնորդեցին զիս: Նորին Վսեմութիւնն եղնելով զիս դիմաւորեց, և քովը նստեցնելէն ետքը.

— Յանուն կառավարութեան, ըսաւ, կը փութամ յայտնել Ձեր Գերազանցութեան մեր խորին վիշտը ձեզի պատահած այս դէպքին համար, կը խնդրեմ նաև որ պաշտօնէից ոմանց սխալ ձեռնարկներուն համար ներողամիտ լլլաք: Յետ այսօրիկ Ձեր գերազանցութեան ապահովութիւնը մեր պաշտօնատան գործը պիտի ըլլայ:

Եւ մինչև սենեակին դուռը զիս ուղարկեց:

Սակայն Մուսթաֆա կ'ուշանար:

Կը մտադրէի պէտք եղած դիմումներն ընել այս աղուն վիճակը գիտնալու համար, երբ տասնրկեց օրիշտի յետոյ, Մուսթաֆա սենեակս մտաւ ժպտելով:

— Ո՛ւր մնացիր տղայ, ըսի:

— Հապա չէ՞ք գիտեր անէր իմ, տանը չէիք օրուան դատապարտութիւն մը կրեցի:

— Պատճա՞ռ:

— Որովհետև, ըսաւ, պահականոց տարուած օրս, երբ պատահած բանին համար ոտտիկ յուզուած էի, ոտտիկանները զիս կը քաջկոտէին:

«— Ա՛հ, ի՛նչ կ'ընէք, ես կուգամ» ըսելով անգամ մը որ թօթուռեցայ, երկու ոստիկան կռնակի վրայ գետին փռուեցան: Չորս հոգի վրաս եկան, ըսելով. «Իրաւ Հերակլէս մըն է այս մարդը»: — Որի՞ կ'ընէք հէօտիւկներ, գոչեցի, և զիս բռնող ոստիկաններուն ամէնն ալ բռունցքի հարուածներով քովէս հեռացուցի...:

— Կարելի բան է Մոսթաֆա, ըսի, ընդդիմութիւն ընել ոստիկաններու: Հերակլէս գէշ բառ մը չէ, կորիճ, ուժեղ մարդ ըսել է:

— Ի՛նչ գիտնայի տէր իմ:

— Յետո՛յ...

— Յետոյ, շարունակեց Մուսթաֆա, խուճի մը մարդիկ վրաս թափելով, երկաթէ, կամ չեմ գիտեր ինչ բանէ շինուած հագուստ մը հագցուցին, այնպէս որ ասոր մէջ թեւերս չէի կրնար շարժել: Վերջապէս տէր իմ, շատ մը հարցումներէ ետքը թող տուին զիս, որ սենեակի մը մէջ առանցին նստիմ: Այսօր զիս կանչեցին և շատ մը բիւլօլէրներ ցոյց տալով հարցուցին թէ որոնք են իմիներս: Իմ երկու զէնքերս ինծի վերադարձուցին, և ըսին որ գործիս երթամ:

Այս ամէն պարագաներու մէջ գո՛հ մնացի տեսնելով որ Վալանթին լը Բօք դերասանուհւոյն անուշը ոչ մէկ տեղ չլուռեցաւ: Վերջէն ես ինծի խնդիրը լուծեցի, այս աղջիկը աւագակաց խուճի մը հետ ընկերացած, կարծելով որ դանձ մը կը պահեմ ապարանքիս մէջ, քանի որ ոչ մէկ դրամական հատատութեան հետ յարաբերութիւն չէի ունեցած մինչև այսօր, որոշեր են զիս կողոպտել իրենց երեւակայած այս գանձէն, այսպիսի եղբունական միջոցներու ղիմելով, որոնցմէ շատ աժան ազատած ըլլալուս համար բարեբաղդ էի:

Հետեւաբար կեանքս քաղցրացնելու համար ընտրած այս նոր միջոցն ալ անյաջող ելք ունեցաւ:

Այ ասկէ ետքը ցերեկները սենեակս քաշուած, առանձին գրաւոր աշխատութիւններ ստեղծեցի, և իրիկունները երեք-չորս ժամ գոց կատքով Պուլօներ անտառակը, Արէսի դաշտը, Եզիւսեան դաշտը, և ուրիշ զանազան ձեմեկներ սրոյտ մ'ընելէ յետոյ, կէս զիշերուան երկու ժամ մնալով ննջատենեակս առանձնանալ ինծի սովորութիւն ըրի:

Թ.

Սակայն կարծես թէ անդառնալի վճիռ մը կար ինծի դէմ, որպէս զի հանգիստ չգտնեմ երկրիս վրայ, վճիռ մը՝ զոր անհասնում գանձերովս անգամ կարող չէի բեկանել կամ չէզոքացնել:

Թէպէտ անտարբեր էի, բայց գիտէի որ ամբողջ Գաղղիա սոսկալի փոթորիկէ ալեկոծեալ լայնածաւալ ուկէանոսի մը պէս վերիվայր կը դառնար:

Պատերազմի մը հետեւանօք Պոնաբարդեան հարըստութիւնը իր գահը կորսնցուցեր, և լաւ չեմ յիշեր որ քաղաքին մէջ ֆրանսական զինուց կրած մէկ աղէտալի պարտութեան հետեւանքն ըլլալով, հանրապետութիւն հաստատուեր է եղեր Փարիզի մէջ:

Քսանսէնինգ հոգիէն երեք հոգի մնացին սպարանս ինծի ծառայելու համար, այս երեքն ալ տարիքոտ և երբ մարդու պակտութենէն այսպէս կը նեղուէի, օր մըն ալ զինուորական պաշտօնեաներ զիս հրաւիրեցին մօտակայ զօրանոց մը:

Միայն այս օրս զգացի Գաղղիոյ գանուած վիճակին ամէն ծանրութիւնը:

Պաշտօնատարի մը առջև տարուեցանք ես և Մուս-
թաֆա . առաջին հարցումներն եղան .

- Քանի՞ տարեկան ես :
- Երեսուն երկու , պատասխանեցի :
- Զինուոր ես :
- Բայց տէր իմ , ես օտարահպատակ եմ :
- Ուրեմն ինչո՞ւ շօղատուեցար սրուած պայմանա-
ժամէն , և դուրս չեկար Փարիզէն . . .
- Զէի գիտեր , որ . . .
- Առէք դուրս սա մարդը , գոչեց պաշտօնատարը
խստութեամբ :

Զիս զգեստի ամբարանոցի պէտ տեղ մը տարին ,
զինուորական համազգեստ հագցուցին , և զօրանոցին մէկ
սրահը ուրիշ նորեկներու հետ դրին : Շատ չանցած եկաւ
զիս գտաւ Մուսթաֆա : Այս աղուն թախանձանքին
վրայ զինուորական ատեանը որոշեր է որ իմ գտնուած
դասակիս մէջ և ինծի մօտ պիտի ծառայէ :

Ահաւասիկ ես , մեծահարուստ Արեւելքցի իշխանս ,
այսօր իմ ծառայիս հետ համահաւասար աստիճանով ,
զինուորական խմբակի մը մէջ կը պարտաւարիմ ծառա-
յել Գաղղիոյ պաշտպանութեան գործին համար :

Ինչպէս որ իմացայ վերջէն , ամէն բարձրատիճան
պաշտօնեայք , քաղաքական ըլլայ , և կամ ուրիշ ամէնքն
ալ պաշտօնանկ եղած , և պարտաւորիչ եղանակով բա-
նակին ծառայութեան առնուած են :

Կարճ միջոց զինավարժութենէ յետոյ յորում Մուս-
թաֆա մեծ յաջողակութիւն ցոյց տուաւ , դուրս հան-
ուեցանք զօրանոցէն , և փութոյ պնդութեամբ զրկուե-
ցանք Փարիզի պատնէչներէն դուրս , Պուրժէ անուն
գիւղի մը վրայ :

Զինակիցներէս մէկը , որ ակադեմական է եղեր , և
մեծ պատկերան , ամէն դաղարի ժամանակ թողլի

մը կտոր հանելով գրպանէն , զայն կը կենդանացնէր
փոքրիկ մատիտով մը , գծելով զանազան պատերազմա-
կան տեսարաններ :

Ուրիշ գրագէտ մը , որ նոյնպէս մեր խմբակին մէջ կը
գտնուէր , մտերմացաւ ինծի հետ : Կը պատմէր թէ գաղ-
ղիերէն լեզուի մասին մեծ տեղեկագիր մը ունի պատ-
րաստած , զոր պիտի մատուցանէ հաշտութիւն կնքուե-
լէն անմիջապէս յիտոյ , ակադեմական կաճառին : Ըստ
իր կարծեաց շատ դիւրին գործ մը կ'երևար գաղղիա-
կան ուղղագրութիւնը կարճառօտել համը վանկերը
ջնջելով :

Մուսթաֆա , որ առջեւի կարգերնուս մէջ դաս-
ուած , թէ կը քալէր , և թէ ծաղրական ժպիտով ինծի
կը հայէր :

Միջոց մը ինծի մօտեցաւ ականջս ի վար մրմուռով ,
— Տէր իմ , մատիտով ե գրիչով միթէ պիտի
կուռնիք սա ահարկու ուսմբերուն զէմ :

Արդարեւ , մերթ ընդ մերթ ուսմբեր թուչելով օգին
մէջ կուգային մեր վրայ , և չմտրեցնող պայթիւնով
խորտակուելէ յետոյ փութ ու փշուր կ'ընէին հանդպած
զինուորական կարգը :

Եթէ առիթն ըլլար , և եթէ մանկութենէս ի վեր
ինդալու տրամադրութիւնս կորուսած չլինէի , շատ
պիտի խնդայի այս անվեհեր և արիասիրտ աղուն վրայ :
Մուսթաֆա , մահուան վտանգի առջև , որ ամէն
վայրկեան կ'սպառնար մեզի , միշտ կը կատակաբանէր :

- Գիտէ՞ք տէր իմ , ի՞նչ է հրամատարնուս անունը :
- Ոչ . . .
- «Ժէնէրալ Թուրչու» : Ինք թուրչու ըլլալուն
համար մեզի ալ թուրչիի կը դարձնէ :

Ժէնէրալ Թուրչու ըսել կ'ուզէ եղեր :
— Ա՛հ Մուսթաֆա , կատակն ուրիշ ատեն : Ի՞նչ է
աս , վրանիս պիտի ինչայ :

Մուսթաֆա կուրծքը կուրծքիս դնելով զիս հրեց տարաւ դէպի աջ: Պայթիւն մըն է պայթեցաւ, և չորս կողմերնիս կրակ սփռուեցաւ:

Փող մը հնչեց, նահանջման հրաման էր: Կարգերնիս խառնաշփոթ վիճակ մը ստացեր էր: Մինչև որ կարգերը վերականգնուեցան, վրանիս պայթեցան նաև աւելի քան սասը ուումը:

Գարձերնուս միջոցին, ամէն քայլերնիս կը բաղխէին մարդկային զանազան բեկորներու: Աստ անդ սփռուած ցիրուցան ոտքեր, զիստեր, թեւեր, ու կոճղէն բաժնուած զլուխներ, մահացու վէրքեր առած զինուորներ գետին թաւալած, և հոգեւարք վիճակի մէջ:

Աւելորդ է նկարագրել սոսկումս: Ես ալ Մուսթաֆայի հետ անոնց վիճակակից ըլլալու վտանգին մէջ կը գտնուէի թէպէտ, սակայն երթալով ամէն զգացում բթացան սրտիս մէջ. սկսայ անձնապաշտպանութիւնն իսկ աւելորդ համարել, քանի որ, կը մտածէի, այս գետնին երեսը ցիր ու ցան պատկած զինակիցներս ինծի պէս զգայումի տէրեր էին, և արհամարհեցին ամէն վտանգ:

Պատերազմը Գաղղիոյ և Բրուսիոյ մէջ էր ի սկզբբան, վերջէն ամբողջ Գերմանիա միացած էին Բրուսիոյ հետ, և Գաղղիոյ դէմ կը գործէին:

Գաղղիոյ մէջ քաղաքակրթութեան որչափ յառաջ գացած ըլլալը ես ինքս տեսայ: Գերմանիոյ քաղաքակրթութիւնը աւելի գերազանց կը գտնէին շատեր:

Բայց պէտք է խոստովանիլ, որ թէ իմ և թէ այն շատերուն այն կարծիքը գայացած էր առանց տեսած ըլլալու ուղիմադաշտ մը, կուրէ մէկ երկու վայրկեանս ետքը:

Լուսաւորութիւն, քաղաքակրթութիւն, փիլիսոփայութիւն, մարդասիրութիւն, կրօնք, այս ամէնը ա-

մենափոքր դեր մը հաղիւ կը խաղայ, երբ մարդկային կիրքը բորբոքած և աչքերը խաւարած են:

Հաշտութեան համբաւ կար մեր գումարտակին մէջ, սակայն գնդապետնիս խստիւ արգելեց, մասնաւոր հրամանագիր մը կարդալ տալով այս տեսակ խօսքերու արձագանգ լինելը՝ մահու պատիժ սահմանելով անաստուղին համար:

Երբ կը նահանջէինք, մեր վերջին նահանջին գիծն եղաւ Աւրոն սարահարդին վրայ գործող զօրաբաժնին վերջապահ մասը, որոյ մէջ խառնուեցանք:

Այս ամէն շարժումներնուս մէջ պէտք է խոստովանիմ որ առիթ չունեցայ հրացան գործածելու, ոչ ես, ոչ ալ զինակիցներս, քանզի հրետանին և ուումբերն էին գործ տեսնողներն:

Սնտանելի ցուրտ մը կը տիրէր և կոտորած կը պատճառէր մեր կարգերուն մէջ, հրագէնքերուն առթած մահերէն շատ աւելի:

Գարձեալ հրաման առինք նահանջելու, և գերեզմանատան մը մէջ, որոյ անունը չեմ յիշեր, բաւական օրեր իբրև պահակ կենալուս յետոյ Փարիզի պատնէշներէն ներս Եղիւսեան դաշտին շուրջը կազմուած ընդարձակ զինուորական շրթայի մը մէկ մասը կազմեցինք:

Գերման բանակը, իրեն գլուխ ունենալով կայսրն, մեծ մարաշխատներն և ընդհանուր հրամանատարներն գինուորական կարգով դէպի մեր վրայ կը յառաջանային: Կը զարմանայինք ես և բոլոր զինակիցքս, քանզի թէպէտ անչարժ շարուած էինք, սակայն կուռելու հրաման չկար. գալարափողերն հրաման մը հնչեցուցին, ըստ որում պարտէինք կենալ հրացաննիս ուսերնուս վրայ, կուռելու պատրաստ և անչարժ:

Յանկարծ յառաջացող բանակն կանգ առաւ մեր կարգերէն իբր երկու հարիւր մեթր հեռու զուգահեռական գիծի մը վրայ :

Կէս ժամու չափ այսպէս կենալէ յետոյ նահանջեց, և երբ Գերմանք վերսայլի ճամբուն վրայ բաւական հեռացան. հարիւրներով փողոցի սղաքներ, զոր Ֆրանսացիք «կամէն» կ'անուանեն, խնկամաններ ի ձեռին կան Գերմանաց թողած դաշտը, և խունկ, կնտրուկ և ստաշխ սկսան բուրել պօռալով :

«—Թշնամիներնուս թողած աղտեղութիւնները մաքրենք :»)

Եւ սակայն հաշտութիւն կնքուեր, և պատերազմը վերջացեր է եղեր :

Երբ զօրանոց դարձանք, ուր կը կարծէինք թէ պիտի գիշերենք հետեւեալ օրը արձակուելու համար, քանզի այս պայմանով զինուորագրած էին զմեզ որ հաշտութիւն կնքուելէ անմիջապէս յետոյ ազատ պիտի լինիմք, բոլորովին հակառակը պատահեցաւ :

Կէս գիշերի մօտ փողեր հնչեցին զմեզ հրաւիրող : Ձէնքերնիս առնելով ընդ փոյթ թափեցանք դուրս, և առաջնորդուելով Փարիզի չեմ գիտեր որ հրապարակը, հրաման եղաւ կրակ ընել ցոյց տրուած ուղղութեան մը :

Ինչո՞ւ համար, որո՞ւ դէմ, չեմ գիտեր : Արդէն իբրեւ զինուոր պաշտօն ունէինք մեքենայաբար շարժիլ, և կուրօրէն հնազանդիլ : Լուսցաւ : Այս երրորդ գիշեր էր, սկսեալ հաշտութիւնն ստորագրուած օրէն, որ աչքերնիս քուն չմտաւ : Որ մէկ համբաւի նայելով, որոց վրայ գաղտագողի կը խօսէին ընկերներս, ուրիշ տեսակ կառավարութիւն մը նոր հաստատուած Փարիզի մէջ թըշնամութեամբ է եղեր հաշտութիւն կնքող օրինաւոր կառավարութեան հետ : Մենք այժմ պատերազմի կուսա-

կից նոր հաստատուած կառավարութեան զինուորական զօրութիւնը կը կազմենք եղեր :

Սակայն պարտիմ ըսել որ այս նոր կառավարութեան ընթացքը տարօրինակ թուեցաւ ինձ : Ամէն օր մէյմէկ նշանաւոր յիշատակարաններ կործանել կուտար : Ամէն օր չեմ գիտեր ինչ պատճառներով, ինձ անմեղ երեւցած բազում նշանաւոր անձնաւորութիւններ, որոնցմէ մէկն էր Բարիզի արքեպիսկոպոսը, ինձ ծանօթ բարեկրօն անձ մը հրացանի կը բռնուէին :

Որովհետեւ մեր գնդապետը մասնաւոր հոգածութիւն ունէր մեր գունդին վրայ, որ կարծեմ ըսի արդէն, ընտիր դասակարգէ կազմուած էր, իրեն զիմելով կարծիք հարցուցի թէ ինչպէս կարող ենք արձակուել զինուորութենէ ես և Մուսթաֆա, քանի որ հաշտութիւն կնքուելով մեր ծառայութիւնը պարտէր վերջանալ, ըստ մասնաւոր պայմանագրութեան օտար հպատակներու վերաբերեալ :

Գնդապետնիս որ ինձ պէս նոր կառավարութեան համակրողներէն չէր, մտերմօրէն խորհուրդ տուաւ որ աղերսագրեմ ասոր պետին, արկածախնդիր Բօլոնէզ մը :

Այս Բօլոնէզին արկածախնդրութիւնը օգտակար եղաւ ինձ, քանզի երբ որ աղերսագիրս մատուցի, իր մասնաւոր սննեակը զիս առաջնորդելով սկսաւ ժպտուն դէմքով զանազան հարցումներ ընել :

— Լսած եմ, ըսաւ, ձեր բարի համբաւը, կը ներէք «ձեր» ըսելուս, Ձեր Գերազանցութիւնը պարտէի ըսել. սակայն այժմու քաղաքականութիւնը այդպիսի ախողոսները ջնջած է : Կարծեմ շատ տաժանելի եղաւ ձեզի զինուորութիւնը, որուն վարժութիւնը չունէիք թերեւս, բայց տես կամպէդդայի յոռի վարչութիւնը, որ բարեկամ տէրութեան մը հպատակներն անգամ գործիք

ըրաւ քաւել տալու համար իր կառավարութեան խոշոր օխաշները : Ինչ որ է , Վսեմափայլ տէր , այս տիտղոսը առանձնակի ըլլալնուս համար կը համարձակիմ ձեզ տալ անգամ մըն ալ , ազատ էք զինուորութենէ , և կրնաք վստահ ըլլալ իմ պաշապանութեանս ամէն պարագայի մէջ :

Բոյրնէզ հրամանատարին այս փափկանկատութեանը քսան հատ հազարնոց պանտոմաներով պատասխանեցի , այս թղտադրամները սեղանին վրայ դրի , ըսելով որ դանք գործածելու եղանակը իրեն հաճոյիցը կը յանձնեմ :

Սիրալիբ եղանակով երկու ձեռքերս մէկէն սեղմեց : Հրաժեշտ առնելով խնդի պէս վազեցի գտայ Մուսթաֆան : Ուրախութենէս կռահեց եղածը : Տասնապետի մը առաջնորդութեամբ մթերանոց տարուելով հագուստնիս փոխեցինք , և վարձու կառք մը նիստուելով գացինք Պուլվար Հոսման , երբ վաղեմի սպարանը :

Դռնապանս , բարետիրան Բիէրրօ , և իր կողակիցը ուրախութեամբ զիմաւորեցին զմեզ , և բարի գալուստ մաղթելով սիրուն ծագկեփունջ մը նուիրեցին :

Բնակարանս գտայ ինչպէս որ թողած էի երեք ամիս առաջ . ամէն բան իր սեղը , ու կարգ ու կանոնը չաւրուած :

Կը թուէր թէ Բիէրրօ արձակմանս վրայ կանխաւ տեղեկութիւն ունեցեր էր :

Միեւնոյն ժամանակները Բարիզի մէջ խռովութիւններն ու անկարգութիւնները երթալով սուր հանգամանք մը կ'առնէին : Մինչեւ իսկ նախկին կառավարութեան վճիռներն բեկանելու , և կատարուած վերջացած դատերը վերատին քննելու փորձեր կ'ըլլային :

Յանկարծ օր մը , ես և Մուսթաֆա , իբրեւ մարդասպաններ , Սէնի եղեոնագատ ատենը ներկայանալու կոչնագիր ստացանք :

Շուարեցայ մնացի , երբ խնդիրը քննելով տեղեկացայ թէ զիս կողոպտելու համար սպաննել փորձող երեք աւազակներուն հայրերն են , որ եկեր կ'ամբաստանեն զիս :

Դատական թղթերը գրպանելով նոր վարչութեան պետին՝ Բոյրնէզ զօրավարին դիմում ըրի :

Սա գործը կարդաղբեց այդ երեք հայրերուն երկերկու հատ հազարնոց պանքստմս տալով , և պաշտօնական գիր մը զրկեց յիշեալ դատարանը , որ եղած ամբաստանագրին զօրութիւնը ջնջեց :

Ի .

Այս խռովութիւնները վերջնապէս որոշել տուին ինձի հեռանալ այս ոիրուն երկրէն , ուր այնչափ պատիւ և այնչափ ձախողութիւններ տեսայ :

Փոքր արկղիկ մը իմ ձեռքս , հատ մըն ալ Մուսթաֆային , զիմեցինք երեկոյ մը Սէն Լազար կայարանը , ուր երկաթուղին տարաւ զմեզ Տիէր : Շոգենաւր պատրաստ էր : Սոսկալի պեկոծութիւն մը , որ տեւեց մինչեւ նաւարկութեան վախճանը , տակնուվրայ ըրաւ առողջական վիճակս :

Տուվր քաղաքէն երկաթուղին տարաւ զմեզ Լոնտոնի Չարլնկ-Քրօս կայարանը , ասկէ դուրս որ ելայ , ապուշ ապուշ չորս կողմս կը նայէի , չգիտնալով թէ ո՛ւր եմ , ո՛ւր պիտի երթամ , և ոստիկանք որք ուշի ուշով զմեզ կը դիտէին , նախապէս կարծել կուտային ինձի որ թշնամական ընթացք մը պիտի բռնեն մեզի դէմ , քանի որ խռովութիւններով վրդովեալ երկրէ մը կուգայինք , և անցագիր չունէինք : Ուստի , ոստիկան-

ներն որչափ կը մօտենային մեզի, մենք անոնցմէ այնչափ հեռանալ կ'աշխատէինք: Վերջապէս անոնցմէ մէկուն, որ գրեթէ ինծի հետ ոտք ոտքի կը քայլէր, պարտաւորեցայ ըսել գաղղիերէն.

— Օթէլ, օթէլ:

Այս բառով, քանի որ անգլիերէնին բոլորովին անտեղեակ էի, կ'ուզէի հասկցնել թէ մենք վնասակար մարդիկ ըլլալէ շատ հեռու ենք, և թէ օտարական ըլլալով, չենք գիտեր որ կողմէն երթալ պէտք է միջնակարգ օթեւան մը իջնելու համար—քանզի պէտք է ըսել, որ որ և է արկածներէ զերծ մնալու համար որոշած էի միջնակարգ դիրք մը բռնելու:

Ոստիկանը, բարձրահասակ, հուժկու և գեղազէմ երիտասարդ մը.

— Մըլայթ, ըսաւ, և նշան ըրաւ մեզի որ իրեն հետեւինք,

Կայարանին մօտերը, պարտէզի դուռնէն ներս, օթեւան մը առաջնորդեց մեզի: Կարճահասակ պարոն մը, խարտեաչ մազերով, որուն յանձնարարուեցանք ստիկանէն, մեզի տարաւ երկրորդ յարկին մէջ փոքր սենեակ մը, որ մէջէն բացուող դռնով ներքնասենեակ մը ունէր երկու մահճակալով:

Տեղաւորուեցանք:

Իսկոյն լեզուի դժուարութիւն մը ծագեցաւ մէջերնիս, բարի մարդուն կարելի եղած կերպով հասկցուցինք որ ճաշելու պէտք ունինք. ան գնաց տաք ջուրով օժառ բերաւ: Գաղղիերէն լեզուն, Գաղղիացուց այս դըրացի բարեկամներուն համար այնչափ գործնական լեզու էր, որչափ որ է չինարէնը Պոլսեցիներուն համար: Այս դժուարութեան յաղթելու հարքը չգտայ, միայն թէ Մուսթաֆա, որուն համար անյաղթելի դժուարութիւն չի կար երկրիս վրայ, օրին մէկը, մէկ երիտասարդ մը

ներկայացուց ինծի, Լօրէնց անուն, դեղին մօրուքով, խարտեաչ և գանգուր մազերով, բաց կապոյտ աչքերով, և բաւական արթուն, հանճարեղ կերպարանքով:

Այս մարդը, գաղղիերէն այնչափ լաւ կը խօսէր, որչափ անգլիերէնը:

Կոմսուհուց մը, որուն անունը իրմէ ծածկուած պիտի մնայ եղեր մինչև այն ատեն, որ ան կամ սնոր անպատկ ամուսինը վախճանի, բնածին գաւազն է եղեր: Ամէն ամիս չեմ յիշեր որ թաղի նօտարէն չորս սղերլին կ'առնէ և ծնողքի մասին ուրիշ կերպով ամենեւին չհետաքրքրուիր հղեր, որովհետեւ արգելեալ է եղեր, սոյն այս ամսաթիշակը կորսնցնելու սպառնալիօք:

Լօրէնց չուս բարեկամացեր էր Մուսթաֆայի հետ, մինչդեռ ես որ և է ընկերութենէ հեռու, կղզիացեալ և ձանձրայիր կեանք մը կը վարէի այստեղ ալ, ինչպէս ամէն երկիր:

Լոնտոնի բնակութիւնը հաճոյ թուեցաւ ինծի, այնտեղ գտայ իմ ծննդավայրիս յատուկ խաղաղ ու անդորր կեանքը, հեռու ամէն աղմուկէ և ձանձրոյթաբեր շատ մը սովորութիւններէ:

Այստեղ չկային Փարիզի ժխորները գիշեր ժամանակ, կը որ մարդս կը փնտտէ հանգիստ ու գաղարցորեկի սպառած ուժերը վերանորոգելու համար: Այս քաղաքիս մէջ, որ բոլոր աշխարհիս ամենէն մարդաշատն է, տեսայ տեղի կանոնաւորութիւն, ամէն բանի մէջ աւելի ապահովութիւն, անկաշկանդ, և բոլորովին ազատ կիրարկում բոլոր գործառնութեանց, պատուաւորութեան սահմանին մէջ: Այնչափ կանոնաւոր օտարական հսկողութիւն մը կը գործադրուէր, որ արժանի էր օրինակուելու ամէն երկրներէ:

Մտադրեցի այստեղ անցնել կենացս մնացած մասը, մանաւանդ սա պատճառաւ, որ գէժքիս չգիտեմ ինչ

տեսակ անկանոնութիւնը չէր գրաւած ոչ մէկուն ուշադրութիւնը, ոչ մէկուն հակակրօնութիւնն կամ զղուանքը:

— Այս է ուրեմն, մտածեցի, այն հայրենեքն զոր Աստուած սահմանած է ինձի, այս է ուրեմն վերջապէս այն դրախտը՝ ուր պիտի կարողանամ երեկոյացնել կեանքս, առանց տաղտուկի, և ազատ որ և է սրտնեղութիւններէ:

Ըստ այսմ, հրաման տուի Մուսթաֆային, որ խաղաղիկ և միջնակարգ ժողովուրդէ բնակուած թաղի մը մէջ, ուր որ կարող ըլլամ աչքէ հեռու, երեւելի անձնաւորութեանց ծանօթութենէն, և հետեւարար սրտի և մտաց վրդովում պատճառող ո և է պարազաներէ հեռի ինձի յատուկ բնակարան մը վարձէ:

Այս տղան Պ. Լօրէնցի խորհրդով ընտրեց էր Իզլինկըն արուարձանը, Քալիֆօրնիէն Րօտ փողոցը, թիւը չեմ յիշեր, տուն մը, սա միայն աչքիս զարկած էր, որ պարտէզի վանդակապատ դռնէ մը երբ ներս մտնուէր, աջ կողմս կ'ունենայի եգիպտական սիինքս մը, ամենաճիշտ նմանութեամբ, չը գիտեմ ինչ բանի մէջ փորուած:

Երբ այս նոր տունս փոխադրուեցայ, արդէն ամէն բան կազմ և պատրաստ էր, միջակ ճոխութեամբ կահաւորուած և յոյժ հանգստաւէտ:

Ապրելու եղանակս բոլորովին փոխեցի. կառք, ձի, և այլ ասոնց նման վիճակի փարթամութիւն արտայայտող նշաններն ինէ հեռացուցի: Շարաթը տասնըհինգ շիլին տան վարձք, բարի պառաւ մը, իմ սենեակիս սպասաւորութեան յատուկ, շաբաթական տասը շիլինով, և Պ. Լօրէնց, որոյ բարեկամական ծառայութեանցը բացարձակ պէտք ունէի, և որ երկու երեք շաբաթը հեղ մը ինէ կ'ստանար հինգ սթէրլինոց դրամատոմս մը. այն դրամատոմսերէն շաքարագոյն թուղթով և ձեռնական մեկանով, որք ընդ ամենայն տիեզերս ընաւ տար-

բերութիւն չունին ոսկիէն: Մուսթաֆա աւելի բարեկամս էր, և եթէ կարելի է ըսել, բարեկամէ ալ աւելի, նա իմ պահապան հրեշտակս էր, թեւ և թիկունքս էր, միակ մխիթարութիւնս էր երկրիս վրայ:

Ահա այսպէս միջակ և միջնակարգ կարողութեան տէր ժողովրդի կեանք մ'էր, զոր սկսայ վարել Լոնտոնի մէջ:

Ձանձրոյթը երբէք տանս դուռը ձեռք չառաւ. կամ թէ չը չափազանցելու համար սապէս ըսեմ, որ շատ ուշ յիշեց զիս: Ամէն օր մէկ մէկ նոր զբօսանք կը հայթայթէր ինձի Պ. Լօրէնց:

Օր մը բրիտանական աշխարհաճաշակ թանգարանն էր, ուր կը տանէր զիս: Այս հաստատութիւնը ամիսներով կ'զբօսուէր, կ'զբաղեցնէր և կը կրթէր, կ'ուսուցանէր զիս: Աշխարհիս ամենահին դարերու հետ հաղորդակցութեան կը մուծանէր զիս, աչքիս առջեւ պատկերացնելով այն ժամանակաց բարքերը, սովորութիւնները, և անոնց հետ ուղղակի չփման մէջ զանուող առարկաները, թէ քարեղէն, թէ փայտեայ, և թէ այլ զանազան նիւթերէ և մետաղներէ կազմուած առարկաներ, աւելի բազումաւոր քան զայս պատրաստող մարդիկ, որ անչնչացեր, փոշիացեր և ցնդեր, ցրուեր են օդին մէջ, մինչդեռ իրենց ձեռագործներն կ'ապրին տակաւն և պիտի ապրին, շնորհիւ բրիտանական քաղաքակրթեայ կայսրութեան:

Երբէք չեմ յիշեր առանց ամենամեծ սքանչացման ընտոնեան այն չքեղ գրքատունը մտաբերելս: Մարդկային հանձարին գիր կամ գաղափար արտայայտող որ և է միջոց հնարած օրէն սկսելով, մինչև ցայսօր ժամանակի, երկրագնդիս վրայ երեցած ամէն գրուածք անդ պատրաստ են:

Ջրաղաչտի գրուածքը, կոմիլիկիտի օրինագիրքը,

Թէ բնագիր և թէ ևւրոպական լեզուներու թարգմանուած:

Հին դարերու մէջ Հնդկաստանի տիրապետող Պարսիկ Շահերուն պատմութիւնը, պարզ մէկ ինդրանքիս վրայ, ինծի ներկայացուցին պարսկերէն, հնդկական մէկ լեզուով, անգլիերէն և գաղղիերէն թարգմանութեամբ: Այս պատմութիւններուն կցուած էին այն Պարսիկ աշխարհակալ վեհապետաց կենդանագրերն, ամենամեծ ճարտարութեամբ գծուած՝ մենէ շատ հեռու դարերու մէջ:

Այս թանգարանը բաւական է ուսումնասէր մարդու մը ամբողջ կեանքն զբաղեցնելու, և արդիւնաւոր գործերու:

Ամառ թէ ձմեռ, հասարակաց պարտէզն հայտ — փառք, կրնայ զուարճալի գործիկ զբոսասէրին կիրակնօրեայ ժամերն, այս ընդարձակ պարտէզին մէջ. մարդիկ խումբ կազմած մտիկ կ'ընեն ատենախօս մը որ կանգուն վիճակի մէջ կ'ատենախօսէ անդադար, այնպիսի կերպարանքով, որ կը յայտնէ թէ ընտրած բնարանին ճշմարտութեան շատ լաւ համոզում ունի:

Այս անգամ Պ. Լօրէնցն է որ օգնութեան կը փութայ ինձ:

— Կ'աղաչեմ, Պարոն Լօրէնց, ինչ ըսել կ'ուզէ սա բարձրագոյ ատենարանող անձը:

Պ. Լօրէնց ականջ կը դնէ պահ մը, և սալտ ինձ դառնալով կը մեկնէ գաղղիերէն, թէ այս պարոնը պատուելի մըն է, որ Քրիստոնէական կրօնքի երկնային ծագումն ունենալուն վրայ կ'ատենաբանէ, և կը յորդորէ զմարդիկ, որ Քրիստոնէութիւնը գործադրեն հին մէթոստական գրութեամբ:

Այս յարանուանութիւնէն ոչ բան մը հասկցայ, և աչ հետաքրքրուեցայ հասկնալ, սաչափը միայն բաւական

համարեցի թէ՛ կրօնական քարոզութիւն մըն է և ոչ այլ ինչ:

Ուրիշ խումբի մը մօտեցայ: Խոշոր կազմով պարոն մը խառնափնդոր մօրուքով, այնչափ բարձրածիչ կը քարոզէր որ կը վախնայի թէ մի գուցէ մարի և կամ կոկորդը պատուէ:

Լօրէնցին երեսը նայեցայ, սա կուսնեց որ կը փափաքիմ գիտնալ այս գոռում գոչումին շարժառիթը:

Առանց սպասելու իմ հարցիս, Լօրէնց համառօտակի սկսաւ թարգմանել ինձ, թէ այս պարոնը բողոքականութեան ճիւղին «գօնկրէաթիօնիզ» յարանուանութեան շատագով կը հանդիսանայ, և այնչափ յառաջ կ'երթայ իր բնարանին մէջ, որ Քրիստոնէութեան միւս ճիւղերուն հետեւող հարիւր միլիօնաւոր ժողովուրդները զժոխք նետելով վրանին հազար միլիօններով ամաններ նախ իւզ կը թափէ և կ'այրէ ողջ ողջ:

Ժպտելով հեռացայ այս խումբէն և մերձեկայ ուրիշ խումբի մը, որուն մէջտեղ բարձր զիրք լսեմ, հանդարտ և խաղաղ ոգւով կը բանախօսէր փոքրիկ պարոն մը, յոյժ համոզիչ և յոյժ համոզեալ ձեւերով:

Լօրէնց ըսաւ թարգմանաբար թէ այս պարոնն ալ Մովսիսական օրինաց Քրիստոնէութեան վրայ ունեցած գերազանձութիւնը, կ'ապացուցանէ և կը շատագովէ: Մարգարէներն, նահապետներն դէպի իրեն կողմը կը քաշէ և նոր հաւատքին հիմ կը դնէ Երրայական կրօնքը:

— Բայց, հարցուցի զարմանօք, կառաւարութիւնը ինչպէս չարգելիչ այս պայքարը, որ ուղղադի պետական կրօնքի դէմ կը մղուի:

— Ո՛չ միայն տէր իմ չարգելիչ, պատասխանեց, այլ նաև ի հարկին զինու գօրութեամբ կը պաշտպանէ: Անգլիոյ մէջ անհատական ազատութեան ամենազլխաւոր մէկ ճիւղն է խղճի սղատութիւնը:

Արդարեւ ալ ընթերցող բարեկրամս, զարմացմամբ դիտեցի, որ այս ամեն ատենարանութիւնները ստիկան պաշտօնէից հսկողութեան և պաշտպանութեան ներքեւ կ'ըլլային և ամէն ոք ուզած կողմը երթալով, ամենայն ջերմեռանդութեամբ մտիկ կ'ընէր:

— Եկէք տէր իմ, ըսաւ Լօրէնց, երթանք սա կողմ ուր պիտի ունենաք սերիչ բեմ մը:

Արդարեւ քսանի չափ քայլ հեռու, բարձր եղեւնի մը տակ, հսկայ հասակով, արեւակէզ դէմքով, սեւ, թանձր ու առատ ընչացքով և մօրուքով հսկայ մարդ մը, գլուխը կապոյտ կտաւէ ապարոշ կապած, ահագին գոռ ու գոչումով կը քարոզէր:

Դարձեալ Պ. Լօրէնցի միջնորդութեան դիմեցի, հասկնալու համար, որ այս հնդիկը ի՞նչ կը ծախէ:

Թարգմանս պահ մը ուշ դնելէ յետոյ, ըսաւ որ այս հնդիկ ճէնդլըմէնը կը բողոքէ թէ ինչպէս կ'ըլլայ որ բրիտանական հզօր կայսրութեան լուսամբիտ և հանձարեղ անդամները, մինչեւ ցարդ չեն համոզուիր պրահմանեան կրօնքին ճշմարտութեան և մոլորեալ քայլերով ետեւէն կ'երթան հրեայ ասաղձագործի մը ալուն:

Ապշութիւնս վերջին սահմանը հասաւ երբ որ տեսայ այս անսահման ազատութիւնը մարդոյս խղճմտանքին:

Պէտք է խոստովանիմ, որ այս չափազանցութիւնը, հակառակ իմ կատարեալ ազատամտութեանս, ամենեւին հաճոյ չի թուեցաւ ինձի:

Կէս օրը նոր կ'անցնէր: Ախորժակս բացուած փափաքեցայ ճաշ ընել, ինդրեցի պարոն Լօրէնցէն, որ ինձի յարմար ճաշարան մը տանի:

— Կը մտնաք տէր իմ, թէ ի՞նչ է այսօր, ըսաւ Լօրէնց:

— Ոչ, ըսի, կիրակի է գիտեմ: Յետոյ:

— Յետոյ պէտք է տուն երթանք ճաշելու համար:

Արդարեւ բաւական տեղ ժուռ եկանք, և բաց ճաշարան մը չգտանք: Այս պտոյտս ախորժակս աւելի սրեց: Ուստի մէկ բէնիի խորոված կաղին գնեցի հրեայ տղէ մը, որ Հայթ-Փառքի պարտէզին մէկ դռան առջև իր բաղդին կը սպասէր: Այս օրը երբեք չպիտի մոռնամ, միայն այսչափ եղաւ ցորեկուան ճաշս:

Կիրակի և տօնական օրերէ զատ, Հայթ-Փառքի մէջ այնչափ ողբերութիւն չէր ըլլար:

Լուր օր մը Իզլինկդըն-Րօսի մէկ անկիւնը, ուսկից Միդի-Րօտ կ'իջնուի, նշմարեցի մեծ հաստատութիւն մը, որ շուներու ցուցահանդէս մըն է եղեր: Պ. Լօրէնց առաջարկեց որ այցելեմ, ըսելով որ երկրագունտիս վրայ գտնուած շուներուն ամէն տեսակին հանդէսը զուարճալի ժամանց մը կրնայ ըլլալ ինձի:

— Չեմ ախորժիր, բարեկամս, ըսի, այդ բարի կենդանիներն որչափ ալ մաքուր ըլլան, այնպիսի անախորժ հոտ մը ունին, որ ջլային դրութեանցս վրայ գէշ ապաւորութիւն կ'ընէ:

— Կատունը, հարցուց:

— Ահ, այդ ուրիշ, ըսի, կատու արարածին համար մասնաւոր սէր ունիմ:

Մէկ մէկ շիլին մուտք վճարելով, մտանք ուրիշ յարկ մը որ կատուներուն ցուցահանդէսն էր:

Ամէն երկրի կատուներու համար մէկ մասնաւոր տեղ բաժնուած էր:

Ցուցադրուած կատուներուն մասնաւոր յատկութիւնները յայտ բերող գրուածներ կային կախուած շրջանակներու մէջ:

Տեղ մը կարդացի, որ ցուցադրուած մոխրագոյն էգ կատու մը, իր թոռները, աղջիկ գաւկին ձագերը կը սնուցանէ եղեր, երբ անոնց մայրը որ և է պատճառով բացակայի:

Ուրիշ տեղ մը կարգացի, չէկ մուշտակով, դէմքն ու պոչը սպիտակ կատուի մը համար, թէ ամէն անգամ, երբ գտնուած տունէն դուրս, պարտէզներու մէջ պտոյտի եղներ, և անտէր ու անօթի կատու մը գտնէր, կ'իյնար առջեւէն, կը բերէր իր տիրոջը խոհանոցը, և իր կերակուրի ամանին մէջէն զայն լաւ մը կշտացնելէ յետոյ, կը ձամբէր ուղարկելով մինչև խոհանոցին դռան սեմին վրայ:

Երբ որ զարմացմամբ կը դիտէի այս փոքրիկ անբաններն, որ այսպիսի բարձր զգացումներ կը կրեն, Լօրէնց զիս տարաւ ուրիշ յարկ մը, ուր սեւորակ մուշտակով էգ կատու մը ցուցադրուած էր: Այս կատուն զրացի տան մէկ ցեղակիցին՝ որ իր բարեկամն էր, պտտահարի մը գոհ գացած ըլլալը զգալով, անոր երկու ձագերը մէկիկ մէկիկ խածած, իր որջը բերած և իրեններուն նետ մեծցուցած էր:

Սպչեցայ մնացի, աւելի իմ տգիտութեանս վրայ, քանզի այսպիսի ջնջին կենդանիէ մը այս տեսակ հոգեկան յայտնութիւններ յուսալէ շատ հեռու էի:

Զարմանքս երթալով աճեցաւ, երբ գացի ի տեսայն կատուին, սպիտակ մուշտակով և վղին տակ մանկակի նման սեւ օղակով, որ իր տիրոջը լոգանք ընկու համար մերկանալը տեսած ատեն, ալլանդակ մլաւներով անընդհատ ազազակներով տիրոջը գետը նետուած վայրկեանին, ինքն ալ ետեւէն ջուրը ցատկած և զանազան կողմերէն խածնելով, զայն ջուրէն դուրս հանել փորձած էր, իբրև թէ զգուշացնելու համար որ գետին մէջ փորձանքի մը չհանդպի:

Շիտակը ամօթահար եղայ ի տես այս ջնջին կենդանիներուն, որ հակառակ իրենց արհամարհեալ վիճակին, այսպիսի գերազանց զգացումներով տողորուած են:

Այսպէս, Հնորհու Պ. Լօրէնցի, որ երբեմն ալ անգղիերէնի դասեր ալ կ'աւանդէր ինձ, բաւական գոհ և

զբօսալի կեանք մը կ'անցունէի: Սակայն դժխեմ բաղդը կարծես կը նախասնձեր իմ վրաս և նորէն ձեռք առաւ այն հալածանքը՝ զէր կը մղէր ինձ դէմ այսքան տարիներէ ի վեր:

ԻՍ.

Ինձի սովորութիւն ըրած էի, գրեթէ բոլոր Անգղիացի զրացիներուս նման երեկոները մօտակայ Անկլիքան եկեղեցոյ պաշտամանց ներկայ գտնուիլ:

Փարիզի մէջ սակաւ ինչ ծաղրալի կը համարուէր եկեղեցի յաճախելը: Լոնտոնի մէջ աւելի հաճոյսկան բան մը չոայ, եթէ ոչ յաճախել աղօթարանները, իւրաքանչիւր ոք իւր որոշեալ ժամուն, միաբերան երգելու համար սրտայոյզ և հոգեբուղիս մեղեդիներ, և մատուցանել առ ոտս Ամենաբարձրելոյն իրենց երախտագիտական գոհարանութիւնները:

Այս սովորութիւնս այնչափ շարունակական եղաւ, որ եկեղեցոյ բոլոր ժողովողին ծանօթ անձնաւորութիւն մը դարձայ: Զանգակին ձայնը լսելուս պէս, երբ փողոցին դուռնէն դուրս կ'ելլէի, զրացիներս որ ինձի կը հետեւէին, սիրալիբ ողջոյններ կը փոխանակէին ինձ հետ:

Բնական սանս յոյժ մօտակայ մէկ տունէն գրեթէ ամէն օր ինձի կ'ընկերանար թէ եկեղեցի երթալու, և թէ դառնալու ժամանակ, սիրուն և հնորայի օրիորդ մը, շուրջ քսաներկու տարեկան: Ասոր հետ բարեկամութիւնս ժտերմութեան փոխուեցաւ, այնպէս որ աղջկան հօրը Մր. Օլտի, և մօրը հետ առանց որ եւ է ձեւակերպութեան տեսակցելու և իրարու փոխադարձ այցելութեան երթալու սկսած էինք արդէն:

Պէտք է խոստովանիմ որ, Միս Սիւզանա Օլտի համար պարզ բարեկամութենէ տարբեր, և աւելի գորովական զգացումներով ազդուել սկսած էի:

Ինձի այնպէս կը թուէր որ, օրիորդն ալ համակիր էր ինձի:

Օր մը երբ օսմանեան դրամներու տեսակին վրայ հարցում բրաւ, իսկոյն իւր և ծնողացը աչքին առջեւ թափեցի օսմանեան ոսկի դրամներու ամէն տեսակը, հինգ ոսկինոց, երկուք ու կէսնուց, մէկ, կէս, քառորդ ոսկիներ: Օրիորդ Սիւզանա զմայրեցաւ մանաւանդ քառորդ ոսկիներուն սիրունութեան վրայ, և երբ իրեն հարցուցի որ եթէ անոնցմէ զոյգ մը օղ շինելով իրեն նուիրեմ, կը բարեհաճի՞ ընդունիլ:

— Ամենայն սիրով, պատասխանեց:

Երկրորդ օրուան երեկոյին, յատկապէս այցելելով իրենց տունը, խոստմունքս կատարեցի:

Այսպէս տակաւ մտերմութիւննիս ընտանութեան փոխուեցաւ, և հայրը, որ արուեստով հիւան-ճարասարապետ էր, և միջոց մը անգործ մնայած՝ ամեւայն երախտագիտութեամբ ընդունեց մէկ նպաստս, որ մեծ անկումէ մը կ'ազատէր իւր ընտանիքը, որոց անդամոց մէջ երիցագոյնն Սիւզանա, միայն չարաթական տասը շիլին կ'ընդունէր մէկ մասնաւոր հեռագրատան մը մէջ ծառայելով: Միւսներն չորս հատ անչափահաս մանչ և աղջիկ, ամենքն ալ մօրերնուն խնամոցը կարօտ, չէին թոյլատրէր ասոր, որ հասոյթի աղբիւր մը հայթայթէ:

Այս գործնական բարեկամութիւնս աւելի ասքցուց — կամ այնպէս թուեցաւ ինձի — Միս Սիւզանայի սիրտը ինձի վերաշիրմամբ:

Այս կարծեցեալ պարագան մանաւոր համարձակութիւն մը տուաւ ինձի, ուստի անոր տան քահանան, որ ըստ Անկլիքան եկեղեցւոյ Մինիսթրը կ'անուանուի,

և որ մանաւորապէս բարեկամ էր ինձի, աղքատաց համար ըրած հանգանակութեանց առատաձեռնօրէն մասնակցած ըլլալու համար, օր մը տուն հրաւիրեցի, և իրեն խորհուրդ հարցուցի թէ արդեօք օրիորդ Սիւզանայի ձեռքը ինդրելովս անպատշաճ գործ մը ըրած կը լինէի:

Բարի քահանան լրջօրէն պատասխանեց որ այդ ինդրանքին մէջ որ և է անբնական բան մը չէր նշմարեր: Մանաւանդ թէ կը գովէր այս խորհուրդս, ըսելով որ այս կերպով բարի և առաքինի ընտանիքի մը պաշտպան հանդիսանալու առաքինութիւնն ալ կատարած պիտի ըլլամ: Աստուծոյ պաշտօնէին այս գոհացուցիչ պատասխանն եւս քան զեւս խրախուսելով, աղաչեցի իրեն, որ այս խորհուրդս գործադրելու համար հարկ տեսուած ձեռնարկն սկսի անմիջապէս:

Քանի մը օր յետոյ, քահանան գալով օրիորդին, ծնողաց կողմանէ հաճութեան խոստումը բերաւ ի մեծ ջնջութիւն տխրաբեկ սրտիս: Սակայն վերջին խօսքը օրիորդին կը վերապահէին:

Ուստի, որոշեալ տօնական օր մը, քահանային հետ ընկերացած օրիորդին տունը գացինք: Պաշտօնապէս խօսք առաւ օրիորդը, որ իրեն նկատմամբ ունեցած սիրոյ և համակրանացս համար շատ յուզեալ երեւցաւ և ըսաւ թէ իւր երախտագիտութիւնն և շնորհակալիքը յայտնելու բաւական բառ մը չէր կրնար գտնել մտացը մէջ:

— Սակայն տէր իմ, յարեց, այն սէրը զոր մինչեւ ցարդ սրտիս մէջ տածեր եմ և կը տածեմ այս ձէնթըմէնին նկատմամբ, լոկ բարեկամական է և զլիսաւորաբար ծագումն առած է այն վեհանձն և մարդասէր ոգիէն, զոր ցոյց տուաւ մեզի բազում պարագաներու մէջ դրացնութեան եկած օրէն ի վեր: Իմ սէրս այս

սահմանէն դուրս չէ ելած բնաւ և կարելի չէ որ երևի,
իրաւ է որ ճէնթըմէնին ինծի ըրած նուէրներն ընդու-
նած եմ, բայց այս ընթացքս ուրիշ նշանակութիւն մը
չունի: Միայն թէ կ'ուզէի փափկանկատ լինել և չը վի-
րաւարել այն վեհանձն ճէնթըմէնին անձնասիրութիւնը:
Թէ որ, շարունակեց օրիորդը, միշտ խօսքը ուղղելով
կրօնից պաշտօնէին, ճէնթըմէնը կարծեց թէ այդ նուէր-
ներովը կարող եղաւ ծախու առնել իմ սէրս, այդ են-
թադրութիւնը ուղիղ չէ: Վիքթօր Հիւկոյի սա խօսքը
թէ «Այր արարածն անձնուէր կ'ըլլայ, կին արարածն
անձնավաճառ» կրնայ գուցէ յարմար գալ իւր տոհմին
իգական սեռին բարուց: Միայն թէ անգլուհի մը չը սի-
րած մարդուն երբէք չի ծախեր իւր սիրտը աշխարհիս
բոլոր զանձներուն փոխարէն անգամ, ուստի միայն Վիք-
թօր Հիւկօ կարդալ բաւական չէ կնոջական սիրտը թա-
փանցելու համար. ես կը յանձնարարեմ աչքէ անցունել
Շէքսպիրը, որ իւր տոհմին բարքը մասնաւորապէս շատ
գերազանցօրէն կը նկարէ:

«Ճէնթըմէնը որ առաջնակարգ ողջմտութեամբ օժ-
տուած է, չգիտեր արդեօք իր մասնաւոր վիճակը, կը
հետեւցնեմ որ ճէնթըմէնիս նկատմամբ բարեկամութիւնս
անայլայլելի է, բայց չեմ ուզեր ստախօս ըլլալ՝ ըսելով
որ կը սիրեմ զինքը:

Օրիորդը այսպէս խօսելէն վերջ, դարակի մը մէջէն
հանեց թաւշապատ արկղիկ մը, ուր պահուած կային
ղանազան առիթներով իրեն մատուցած նուէրներս:

Օրիորդը այս խօսքերը ուղղեց քահանային՝ իր
ծնողաց ներկայութեան, և երբ աւարտեց՝ ոտքի ելաւ և
ժպտուն դէմքով թեթեւ խոնարհութիւն մը ընելէ յե-
տոյ սենեակէն դուրս ելաւ:

«Ճէնթըմէնը չի՞ գիտեր արդեօք իր մասնաւոր վի-
ճակը:»

Ըսել կ'ուզէր թէ՛ այս անպատկառ և անշնորհ մար-
դը, եթէ ոչ ատելի, գոնէ անասորժելի է իրեն համար...:

Այս խօսքերը լսելէ աւելի, կը փափաքէի որ երկ-
նից ելեքտրական հուրը վրաս թափելով զիս ածխացնէր:
Բայց եղածը եղած է: Ճշմարտութիւնը միշտ ճշմար-
տութիւն է ամեն պարագայի մէջ:

Մըսթըր Օլտին աղաչեցի, որ եթէ այդ արկղիկին
բովանդակութիւնը անընդունելի է Միս Սիւզանայի,
գոնէ չնոր՝ ընկող ընդունի զանոնք իր փոքրիկ զաւակ-
ներուն հաշուին:

Մըսթըր Օլտ, հաճոյակատար ձեւով զայն ընդու-
նելէ յետոյ իր տիկնոջ հետ ամէն ճարտասանական ձեւեր-
ի գործ դրաւ ներումն ինդրելու և սիրաս շինելու հա-
մար, որ շատ վշտացած էր աղջկանը մերժողական պա-
տասխանին վրայ:

Երբ տուն դարձայ, ամիսէն աւելի սենեակիս մէջ
փակուած մնացի, առանց ընդունելու որ և է հիւր,
միայն քահանային այցելութիւններն ստկաւ ինչ սիո-
փանք կը պատճառէին ի խոր խոցուած և հիւանդացած
սրտիս:

Այո՛, հիւանդացած էի, որովհետեւ ատենէ մը ի
վեր տեսակ մը թաղուկ սկսեր էր պատել անձս, և խոր-
հուրդ հարցուցած բժիշկս սրտի կ'աղբուրիչ դեղեր յանձ-
նարարած էր և պատուիրած որ մեծ չափով կրկնեմ
զանոնք երբ որ նուազման սկզբնաւորութիւն զգամ:

Լոնտոն, ուր կեսնքն այնչափ հաճոյալից էր, սկսաւ
ձանձրոյթ պատճառել ինձ, մասնաւոր որ առողջական
վիճակս երթալով աւելի կը յուլինար:

Բժշկական նոր ախտազննութենէ մը անցայ, էս-
գիւրպալի աշակերտաց միահաղոյն կարծիքը սա եղաւ որ
դէպի ծննդավայրս օղափոխութիւն ընեմ:

Հոգեբանական հարց մըն է այս թէ՛ ի՞նչպէս օտար-

երկիրներու հեշտութիւնները կ'ոջնջանան, երբ մարդս մտաւոր և մարմնական հիւժմանց կ'ենթարկուի, և ասոր դարման՝ ընդհանրապէս անգլխի կը ցուցուի վերադարձ կամ բժշկական լեզուով խօսելով՝ օգտփոխութիւն դէպի ծննդավայրը, այն է երկիրը՝ ուր մարդս առաջին անգամ տեսաւ լոյսը և ուր առաջին անգամ դողդոջուն տաքերով կոխտակեց հողը:

Բժշկաց այս որոշումն ստանալէս ամիսներ առաջ սկսելով անընդհատ, ամէն թղթաբերով կը գրէր ինծի մայրս, որ այսքան տարուան բայակայութիւնս բաւ համարելով դառնամ իրեն քով: Ահա վերջին նամակը.

«Զաւակս,

«Տկար եմ, բոլոր անձիս վրայ անսովոր անկում մը կը զգամ: Դո՞նէ խօսք տուր ինծի, որ յոյժ մօտաւոր «տպագայի մէջ քովս պիտի ըլլաս: Թերեւս այդ խոստ-«մունքէդ զօրացած՝ մարմինս կարող ըլլայ հոգիս իր «մէջ պարփակելու սակաւ ժամանակ եւս, երբ վերջա-«պէս պատահութեամբ հասնելով փակեա արտեւանունքս, «որ յաւիտենական քնոյ ծանրութեան տակ օր ըստ օրէ «երթալով կը ճնշուին: Կարօտովդ տոչորուող՝ Մայրդ»

Մուսթափա, որոյ կարծիքին դիմում ըրի, ինչպէս որ կ'ընէի ամէն ծանրակշիւ պարագաներու մէջ.

— Այո՛ տէր իմ, ըսաւ, պէտք է դառնանք հայրենիքնիս: Յայտ յանդիման կ'երեւայ որ Նախախնամութեան կամքն է այդ: Բժշկաց որոշումը, որ բնաւ կապ չունի աիկին մօրդ խնդրանքին հետ, միեւնոյն բանը կը հրամայէ ինչ որ կ'աղաչէ մայրդ: Թերեւս այն երջանկութիւնը, զոր օտար երկիրներ փնտուելու կանք, ձեզի համար պատրաստ կայ ծննդավայրիդ մէջ:

Ընդհանրապէս ուրիշներուն մեզի տուած կարծիք-

ները, միայն այն ատեն համոզիչ և ընդունելի կ'ըլլան, երբ շօշափեն մեր իսկ անձնական կարծիքները: Ուստի հրաման տուի հաւատարիմ ընկերոջս, որ անդէն և անդ սկսի պատրաստութիւն տեսնել:

Չիս դարմանող բժիշկները, երկաթուղիով ճամբորդութիւնս անյարմար դատած էին առողջական վիճակիս, որ շատ ցնցուելու, երեքայու դիմացկոտ չէր: Ես ալ Մանչի հեղուցին տաղկալի նաւարկութենէն խուսափելու համար՝ որոշեցի Լոնտոնի քարափէն վաճառարած շոգենաւ մը նստելով ուղղակի Պոլիս երթալ:

ԹԲ.

Ապրիլ ամսոյ վերջերն ենք: Բաւական հանդարտ նաւարկութեամբ Ատլանդեանի ջուրերը ձեղքելով, իբր հարիւր յիսուն մղոն հեռու կը գտնուէինք Ճիպրալթարէ, երբ յանկարծ երկինք մթաղանցաւ: Նաւապետներն երեքը մէկտեղ եկած, առաջին ղեկաւարին հետ միաբանութեամբ հրամաններ կուտային: Թէպէտ և ծովը դեռ շատ հանդարտ էր, ուստի կը զարմանայինք անոնց արտակարգ իրարանցումին վրայ, սակայն և այնպէս, անոնք առանց ուրիշ մէկու մը հետ հաղորդակցութեան մտնելու, պարանները ամրացնել կուտային նաւատեսաց մէկ խումբին, մինչդեռ ուրիշ խումբ մը շտեմարաններուն կափարիջները կ'ամրապնդէին, և ապա ազատարար մակոյկները դիւրաւ գործածուելու վիճակի մէջ կը դնէին. քանի մը տասնեակ երրորդ կարգի ուղեւորներն վտանգէ զերծ բարձր տեղուանքներ կը տեղաւորուէին, և մէկ կողմանէ ալ ամենուն աչքը շարունակ հորիզոնին

վրայ դէպի արեւելք ուղղելէ յետոյ, սարսափահար եւ զած, ծովու մարդոց յատուկ անգլիներէն լուսանքներ բերնենուն կը փակցնէին, և ահա քամի մը, որ կարծես դժոխքէն կուգար, սկսաւ այնչափ խտուրթեամբ շնչել, որ վայրկեան մը առաջ, գոգցես միակուտը կապուտակ գորգերով ծածկուած երեսցող ջուրերն սկսան ուռիլ, այնչափ ուռիլ՝ որ ամենի կոնակներ լեռնանման բարձրանալով սկսան ծեծել նախ նաւուն կողերը, և ապա աւելի կատղած, նաւին վերնայարկը կոխելով աւջեւնին գտած ամէն բան պաշարեցին, և ծովամոյն ըլին: Թէպէտ և մեքենային յարկին մուտքը ամենէն բարձրադիր էր, սակայն այլքներն երթալով այնպէս կը ծեծէին մուտքը, որ առաջին նաւապետն կաթսայի պայթումէն վախնալով հրամայեց մարել վառարանները, և բանալ շոգենաւին գլխակողմին երկու առագաստները:

Քանի մը ժամեր այսպէս վարանեցանք կենաց և մահու վտանգին մէջ, երբ յանկարծ երրորդ կարգի ճամբորդներուն յարկը ջուրը կոխելով տասերկու տարեկանի մօտ տղայ մը դաւազլոր կը տանէր, երբ սակալի ազաղակներ կը բարձրանային նոյն լարկէն:

Մուսթաֆա, որ երբէք քովէս չէր բաժնուած, և ազատարար դօտի մը միշտ պատրաստ ոտնէր ձեռքը. ի հարկին ինծի օգնելու նպատակով, ազատարար դօտին անցուց մէջքը, և նետուեցաւ ջուրերուն մէջ:

— Ինչ կ'ընես, տղայ...:

Բառերը հաղիւ հանած էի բերնէս, և ահա անտեսանելի եղան տղեկն ալ Մուսթաֆան ալ:

Սկսայ կոծել և աղմկել:

— Օգնեցէք ընկերոջս... ի սէր Աստուծոյ:

Այս պաղատանքիս միակ պատասխանը սա եղաւ, որ երրորդ նաւապետը ահաղին կուտի մը իջեցուց կուրծքիս, և զիս գետին տապալեց, հրամայելով որ լռեմ, ապա թէ ոչ — ծով նետել կուտայ զիս — :

Անշարժութեան դատապարտուած էի զանուած վիճակիս պահանջումէն, և ոչ թէ այն կոշտ նաւապետին սպառնալիքէն, որ այնչափ երկիւղալի բան մը չէր ինծի համար: Ես կ'ուզէի զոհուիլ, բայց Մուսթաֆա՝ այս խեղճ տղան... փսոս, գնաց խեղճ տղան: Մարդկօրէն հնարաւոր բան չէ հոգի ազատել այս սոսկալի դերքերնուս մէջ: Նաւապետը կը ճգնէր նաւուն մէջ գլուխուած եօթանասունի չափ անձերը փրկել, և խիղճը չէր ներեր այնչափ անձանց կեանքը վտանգի ենթարկել տղեկ մը և Մուսթաֆան ազատելու համար:

Հազար անգամ կ'ուզէի որ ես զոհուիմ զժբախտ և անձուէր Մուսթաֆայի տեղ: Երկրիս վրայ մէկ հատիկ բարեկամէս զրկուեցայ:

Այսպէս ութը ժամ անընդհատ ալեկոծուելէ յետոյ, արեւամուտքի մօտ հողմն սկսաւ դադրիլ, և ջուրերը տակաւ իրենց առաջին հանդարտութիւնը կը գտնէին, երբ առաջին նաւապետը շոգենաւին վառարանները վառելու և առագաստները գոցելու հրաման տուաւ:

Իսկ ես, գիշերն ի բուն Մուսթաֆան ողբայրի, երբ առաւօտեան դէմ գարնանային արշալոյս մը սկսաւ փայլել արեւելքի կողմէն, և ցոյց տալ մեզի ճիւղալթարի ժայռուտ ափերը:

Շոգենաւնիս պատաւորեցաւ մնալ քանի մը օր այն փոթորկին հետեւնօք կրած մէկ քանի վեաները նորոգելու համար: Այս միջոցիս գրեթէ մէկ ժամ չհնուացայ ծովեղբերքէն, ինծի այնպէս կը թուէր որ դըժբախտն Մուսթաֆա դուրս պիտի գայ այլքներէն, ալ չգիտեմ ինչպէս նկարել վիշտս և յուսահատութիւնս, չոր կը զգայի այս խեղճ տղուն կորստեանը վրայ: Այլ հիմա, կը մտածէի, բոլորովին միակ եմ երկրիս երեսը: Բայց ոչինչ չէ կարող փոխել բնութեան օրէնքները, և իբրև չեղած ընել ինչ որ եղած և լինցած: Ուստի կրամայ ակամայ պարտ է միսթարուիլ:

Վերջապէս շողենաւը վերսկսաւ ճամբայ առնել Մի-
ջերկրականի մէջ, յուշիկ և մեղմիկ հովով մը: Զուրերը
դեռ քանի մը օր առաջ կատղած և քանդիչ, գոգցեա
կը քնանային հանդարտ, և միայն մեր շողենաւին
պտուտակն էր որ կը խանգարէր անոնց հանգիստը:

Կը յառաջանայինք միշտ դէպի Տարտանէլ, առանց
կանգ առնելու որ և է նաւահանգիստ: Այս պատճառաւ
հնար եղածին չափ կարճ տեւեց ձիպրայթարէ ի Տար-
տանէլ նաւարկութիւննիս, որոյ միջոցին նաւուն յետ-
նակողմը կայնած խեղճ Մուսթաֆային սպասելու պէս
ծովը կը դիտէի: Քանի քանի անդամներ, չեմ գիտեր
ի՞նչ հոգեբանական դազանիք, այս խեղճ ընկերիս ձայնը
լսել կարծեցի, որ կը գոչէր «Տէր իմ, ահա եկայ...»:

Քուսէս արթնցածի պէս չորս կողմս կը դիտէի
ձայնողը փնտռելու համար, և ի հարկէ յուսախար
գտնուելով կը սկսէի ողբալ:

Գեղազուարճ օրուան մը արշարոյսին Գըզ-Գուլէսիին
ետեօքը խարխիս նետեցինք: Քիչ յետոյ շատ մը նա-
ւակներ շողենաւնուս մօտեցան: Առանց իմ հաւանու-
թեանս, ծերունի մակուկավար մը առաւ երկու արկ-
ղիկներս, որոնց մին ողբալի Մուսթաֆային կը պատ-
կանէր, և .

«— Հայտէ պուհուրըն էֆէնտիմ,» ըսաւ:

Մեքենայաբար սա սովորական հարցն ըրի .

«— Նէ վէրէճէիօ:»

— Հոգ չէ, պատասխանեց բարի Օամանցին, ինչ որ
կ'ուզէք այն առէք:

Եւ դիս Սկիւտարի նաւամատոյցը հանեց:

Երբեմն ախուր, երբեմն յուսադրիչ շատ մը խոր-
հուրդներ միաքս կ'ալեկոծէին:

Երբ կառքը հօրենական տանս առջև կանգ առաւ,
մ'վ զարմանք, կրնաս գուշակել ազնիւ ընթերցող թէ

մ'վ էր որ բացաւ դուռը: Մուսթաֆա, ինքն էր, այս
բարի, առաքինի, հաւատարիմ և անձնուէր տղան, որ
երբ կառքին դուռը բացաւ, սւր ուրախութենէս անշարժ
մնացած էի, արտասուածոր աչօք ձեռքերս քաշեց համ-
բուրեց մոմալով:

— Վերջապէս, տէր իմ, կրկին տեսնուելու բաղդը
պիտի ունենանք եղեր, էլհամտիւլլահ...:

Ի վերջոյ պատմեց համառօտակի թէ՛ ինչպէս ա-
զատեր էր վինքը փոթորիկէն երեք չորս ժամ յետոյ,
ուրիշ անգլիական շողենաւ մը, և ուզակի Պոլիս էր
բերեր, ահա այս պատճառաւ կանխէր էր երեք օրերը,
զորս մնաք ի ձիպրայթար անցնելու հարկադրուած էինք
նորոգութեանց պատճառաւ:

Սակայն ինձ համար տեւական ուրախութիւն չկար
երկրիս վրայ, և երբ ելայ ի վեր, մանկութեանս օրերն
անցուցած սենեակս, հոն տեսայ քանի մը ազգական տի-
կիմներ, առանց արդուզարդի և սղագգեստ, որոնք
ախուր դէմքով դիս ընդունեցին և որոնց մէջ աչքս
պտոցունելով ի դուր կը փնտռէի մայրս:

Խեղճ կնոջ կիրակամտեայ օրն է եղեր, ինձ ուրիշ
բան չմնաց ընել, միայն թէ առանձնանալով՝ մտաւո-
րական աղօթքով հանգիստ մաղթեցի իրեն, և հետեւեալ
օրը հազուադիւս ծաղիկներէ մեծ փունջ մը բերել տա-
լով, զերեզմանին վրայ սփռել տուի, և սէտք եղած
կրօնական պաշտամունքը կատարուեցաւ թէ գերեզմա-
նատան և թէ եկեղեցոյն մէջ:

Մեր տան առջև կառքէն իջած պահուս, Մուս-
թաֆան կրկին տեսնելէ յառաջ եկած սրտայոյզս արգելք
եղած էր նշմարելու. բայց յետոյ յիշեցի որ թագեցի ըն-
տանեաց պատկանող շատ մը հետաքրքիր տղայք իրա-
րու կը հարցնէին թէ մ'վ եմ ես: Մէջերնուն ամենէն
բանիբունը պատասխանեց, թէպէտ ցած, սակայն ինձ
լսելի ըլլալու չափ բարձրկեկ ձայնով:

— Չիլտես ծօ՛, սա ուր է անցած օր կնիկ մը մե-
ուաւ, իշտէ անոր տղան է, մեռնարդ մարդը...:

Այս «մեռնարդ մարդը» հարուածը ամէն ժամա-
նակէ աւելի վերաւորած էր արդէն բազմախոց սիրտս:
Բնական է որ այս ձայնը արձագանգն էր ամբողջ թա-
ղեցւոց իմ վրաս ունեցած կարծիքին:

Ամէն արձագանգի ալ առաջին ընկալուչը մանկու-
թիւնն է:

Արդէն հաստատապէս որոշած էի Ահարոնը գտնել,
և ամէն պատահմունք աչքս առնելով այս զգուելի կա-
խարդէն ետ առնել ինչ որ կորզած էր երեսէս, ըլլայ իմ
կամքովս, ըլլայ հակառակ կամացս, և երեսին նետել
այն մոգական քսակը, որ սպրուսաի ամէն դիւրութիւն
հայթայթելովը հանդերձ, անտանելի ըրած էր զիս ամէն
դասի ընկերութեան մէջ, և պատճառ եղած բազմադիմի
ձախտուածներուս:

Այս գարշելի գործին միանգամայն կը փութացնէր
կենացս վախճանը, սրտի և մտաց բուռն յոյզերու պատ-
ճառաւ, վրաս բերելով սրտի հիւանդութիւն, որոյ դար-
մանը կարելի չեղաւ գտնել Անգլիոյ մէջ:

Այս սեղի բժիշկներն ալ առտա վարձատրութիւն-
ներէս խրախուսուած, իրենց արուեստին ամէն գաղտ-
նիքն ի լոյս կ'ածէին, զիս եթէ ոչ կատարելապէս բու-
ժելու, գոնէ զգալի ամօքում մը ձեռք բերելու համար.
այլ ի դուր: Միշտ կը տառապիմ և կը տառապիմ...:

Պոլիս դարձիս առթիւ բարի գալուստ մաղթողնե-
րէն յատկապէս յիշատակութեան արժանի է Սուրէն,
մանկութեանս բարեկամը և երիտասարդութեանս գոր-
ծակատարը, զոր պէտք է յիշէք, ազնիւ ընթերցող:

Թէպէտ շատ անտարբեր եղանակաւ ընդունեցայ
զինքը, բայց նա իր բնական շատախօսութեամբը, և
քծնող ձեւերովը, կարծես նորէն աչքս մանկ կը ճգնէր:

Այս մարդը կ'երեւար որ անժամանակ ծերութեան
մը ենթակայ է: Մազերը անգայտացած էին դէպի քուն-
քերը: Թէպէտ առ առաւելն քառասուն տարեկան, բայց
և այնպէս յառաջացեալ ծերութեան նշաններ կային երե-
սին վրայ: Հագուստները բարձրաձայն կ'ըսէին որ բա-
րեկեցութիւնը իրմէ շատ հեռի է:

Հետաքրքրութեամբ ուզեց իմանալ թէ ի՞նչ գործով
զբաղիլ մտադիր եմ:

Առանց նշմարելու իմ խուսափողական պատաս-
խաններս, Սուրէն կը սնդէր որ պէտք էր գործով մը
զբաղէի, գոնէ զբօսանքի համար, և թէ ինք մտածած
էր զուարճալի և շահեկան զբաղմունք մը:

— Ի՞նչպէս բան է այդ, ըսի:

— Այս առաջարկելիք գործիս մէջ օր եղաւ, որ
հարիւրաւոր ոսկիներ շահեցայ: Բնառ աշխատանք չու-
նի, կ'ըսէ, դրամն է որ կ'աշխատի, և դուք ձեր հան-
գիտար չէք վրդովէր վայրկեան մը անգամ:

Սակարանի գործեր են եղեր առաջարկելիքը, գործ
մը, որոյ ոչ բնութիւնը և ոչ լեզուն ուսումնասիրած էի:
«Թաթիլանց», «ըրբօր», «տէփօր», «արպիդրած» և ա-
սոնց նման ինծի համար անհասկնալի բառերու շտեմա-
րան մը պարզեց իմ աչքիս առջեւ:

Կեղծ մտերմական ձեւերով շնորհակալ եղայ իրեն և
այս նիւթին վրայ ուրիշ առթիւ աւելի մասնաւորապէս
տեհնուիլ խոստացայ և ելայ ոտք, ուզելով հասկցնել
անոր թէ ստիպողական գործեր ինծի կ'սպասեն: Ինքն
ալ ոտք ելաւ և հրաժեշտ տալով դէպի դուռը յառա-
ջացած կէտին ետ դառնալով:

— Ներեցէք, ըսաւ, այսօր պատճառ ունիմ սակա-
րան չիջնելու, դրամներս վարութեան ջոյն են, զի-
տէք, այսօր ինծի երկու մէճիս փոխ տայիք...:

— Շատ լաւ, ըրի խօսքը կտրելով, և խեղդիքը

կատարելէս յետոյ երբ որ զնաց, մօտս կանչեցի Մուսթաֆան և ապապրեցի որ այս մարդը ուրիշ ասոն տունս չընդունի:

Ամառուան զեղեցիկ առաւօտ մը պատրաստուեցայ երթալ գտնել Անարոնը, Չամլըճայի ճամբուն վրայ, Մ... փաշային հոյակապ ապարանքը, որուն մանրամասնութիւնները ծանօթ են արդէն ձեզ, ազնիւ ընթերցողներ:

Հեծայ կառք, և Մուսթաֆան զէմն առած ելայ ճամբայ: Երբ Սարը-Փայտ հասանք, իջայ կառքէն, և գացինք զէպի ապարանքին մեծ դուռը:

Ի՞նչ, ո՞ր ապարանքին... ո՞վ գարմանք... այս մեծ դուռը գոցուած և խոշոր երկաթէ յղակները չըլթայով մը խրարու կցուած և պարզ կըլպանքով մը կըլպուած:

Այս երբեմն հոյակապ, և այժմ գունատ, հինցած պարզ տախտակներով փրթած տեղերն իրարու կցուած, դասն փեղկերուն երկու կողմի որմնրը փրած և ազաս մուտք ու ելք ընծայուած բոլոր անցորդներուն:

Մուսթաֆան հետս ի վեր մտայ ներս: Ընչա առիթ էր գոչելու թախտանքին, աւա՛ղ փառացս անցաւորի, այն մեծաչէն ապարանքը գրեթէ բոլոր պատուհանները թափուած, ապակիներ փուրթ ու փշուր կղած, դուռներն և մասնաւոր յարկերն ամենքն ալ փրկկած: Սիրտս վերաւորուեցաւ և այնպիսի մղումէ մը՝ որուն շարժառիթը հոգիս էր, ետ ետ կառելով ուղեցի փախչել այս տեսարանին առջեւէն:

Մուսթաֆա, որ չէր գիտեր պատմութիւնը, չուղեց որ ետ դառնանք:

— Կարելի է, ըսաւ, խնդրած անձը ներսի կողմի չէնքերը կը գտնենք:

Ինչ որ էր փողոցի վրայի ապարանքը, նոյնը և ա-

ւելի աւեր ու քանդ էին ներսի տաղաւարներն ալ, որոնց ամեն մէկը արժամ էր շատ մը ապանեակ հազար ոսկիներ:

Այն լայնածաւալ աւազանը, նամանաւանդ ծովը, որուն մէջ չողենաւակներ և մակոյներ կ'երթեւեկէին, հրեշտակային ձայներով երգող բազում ազախիններով լեցուած, հիմա ցամքած, շատ տեղեր մէջը ճաթաւած, տեսակ մը վայրի բոյսերու, արտ դարձած... տեսարան մը, որ ստիւում աղղեց ինձ, և որուն առջեւ շատ լաւ կարող էր ներշնչուիլ աշխարհային ունայնութիւնները երգող ողբերգակ բանաստեղծ մը:

Հեռուն, իբր հարիւր քայլ հեռու, հողարածիխի մը մէջը, որ քսան տարի առաջ բազմատեսակ և բազմաբանդ վարդենիներու պուրակ մըն էր, զէպի մեղի կուգար բարձրահասակ ու ծեր գեղջուկ մը, գանազան հողագործական, առարկաներ ուսը առած:

Մուսթաֆա գայն դիմաւորեց և բերաւ իմ մօտս: Այս ապարանքին և անոր բնակիչներուն վրայ լուրեր հարցուցի:

— Հին ժամանակներու բաներ են ասոնք, ըսաւ ծերունին գլուխը ծուկով: Փաշան մեռաւ, և այն հարիւրաւոր անձերը՝ որ այս երբեմն չքեղ ապարանին ու քէօչկերուն մէջ հեշտալի կենցաղ մը կը վարէին, ցեր ու ցան կզան:

— Փաշան մեռա՞ւ, հարցուցի ապուրթեամբ, բայց այնչափ ծեր մարդ չէր, հազիւ պիտի ըլլար այժմ յիսուն յիսունըհինգ տարեկան:

— Այո, բայց շարունակեց ծերունին միշտ գլուխը երերցնելով, անոր վարած շուսյ ցոփ ու բղջախան կենցաղը հարստութիւնը փճացուց և կեանքը կարճացուց: Ամառ գիշեր մը երբ քառասունի մօտ հարձեր շուրջն առած սա ծաղկոցին մէջ դաշնակներու ընկերակցութեամբ:

«Պիր շիշէ մասթիքայը,
Նար, իչէ պիրտին մի»

Երգը երգել տարով հեշտալիր եղանակաւ մը կը գուար-
ձանար, օղիին գաւաթը ձեռքը կաթուածահար եղաւ .

— Բայց զաւակները . . .

— Անոնք ալ, ըսաւ ծերունին, իրենց հօրմէն տե-
սած և սորված այս ապրելու եղանակը իրենց սովորու-
թիւն ըրին, և կարծեցին թէ աշխարհիս ընական ըն-
թացքն է այս: Հետեւանքը սա եղաւ որ այն հսկա
հարստութիւնը մոխիր դառնալէ ետքը անոր տղոցն ալ
որ մէկը աղքատութեան մէջ կորաւ, որ մէկն ալ ապուշ
ապուշ ասպանդական կը պտտի ապրելու միջոցներէ
գուրկ:

Ծերունիին այս խօսքերը այնպիսի տխրութիւն մը
պատճառեցին ինձ, որուն նմանը չէի զգացած քսանամ-
եայ ձախողւածներուս տեւողութեան միջոցին:

Ոտքերս կքեցան և եթէ Մուսթաֆա քովիկ չգըտ-
նուէր և անոր բազկացը վրայ չյինուի, մարմինս ծան-
րութեան օրէնքին հպատակելով՝ գետնի վրայ պիտի
գլորուէի:

Մուսթաֆա զգաց յուզումնալից վիճակս և որ մէկ
սովորական մխիթարութիւններով քաջալերեց զիս:

— Տէ՛ր իմ, հին ժամակներու մէջ եղած, այս օր-
ուան մեղի և մեր վիճակին հետ ոչ մէկ յարաբերութիւն
ունին:

— Իրաւունք ունիս, բայց . . .

Ինչպէ՞ս հասցկցնէի ամեն բան այս բարի սղուն:
Մտադրած էի զխւային Ահարոնը գտնել, և ամէն բան
իր առջի վիճակին դարձնել: Շահիլ փաշային սիրտը և
իրեն հասկցնել, թէ հիմա այն ժամանակէն աւելի ի վի-
ճակի եմ իր նպատակին ծառայելու: Բայց աւա՛ղ: Երբ

ժամանակն ու առիթը ձեռքէ կը փախչին մարդկային
հնարաւորութենէ, ո՞վ զիտէ, թերեւս ամէն գերմարդ-
կային զօրութեան հնարաւորութիւնէն հեռու է զանոնք
վերադարձնել:

Կառք նստանք և տուն դարձանք:

Առանձնացայ սննեակս, և սկսայ ողբալ ծննդա-
վայրիս այս տխուր վիճակին վրայ:

Ինչէ՞ն է որ ընսանեկան հարստութիւնը սերունդէ
սերունդ չփոխանցուիր, ինչէ՞ն է որ առաւել յաճախակի
իր առաջին սերունդէն անդին չանցնիր:

Հարիւր աղքատ ընտանիք գիտեմ, որոնց առնուազն
տասնին առաջին սերունդը կարող եղած են զիւրակեաց
վիճակի տիրանալ:

Հարիւրաւոր մեծատուն գերդաստան գիտեմ, որոնց և
ոչ միոյն առաջին սերունդը կարող չէ եղած իրեն փո-
խանցուած ճոխութիւնը անկորուստ պահպանել:

Որչափ ցաւալի է այս անտեսագլուխական նկատում-
ներով:

Քանի որ երկրի մը հարստութիւնը ուրիշ բանէ յա-
ռաջ չի գար, այլ անհատական հարստութեանց զարգա-
նալէն, երկիր մը այնչափ աղքատ է, որչափ շատ որ
աղքատ կան իրեն մէջ: Չնայելով բացառիկ անհատա-
կանութիւններ, որ իրենց միլիոններովը կը նմանին ան-
տառներու երկնաբերձ և ոտտախիտ ծառերուն, որ իրենց
չուքին տակ ապրող մանր մուկը բոյսերուն աճիլը ար-
գիլիլէ զատ օգուտ չունին գրեթէ:

— Մուսթաֆա՛, հասի՛ր, բժի՛շկ:

.

ԺԳ.

Երբ որ տէրս (էֆէնտիս) դարմանող երկու բժիշկ-
ներն ընդ փոյթ հետս առած սննեակը մտայ—այս ան-

գամ և ասկէ յետոյ Մուսթաֆա է որ կը շարունակէ այս ամենաճշմարիտ պատմութիւնը—դժբախտ տէրս գետնի վրայ ինկած տեսանք:

Առջի գործս եղաւ բժիշկներուն օգնութեամբը զանրկա վերցնելով մահճակալին մէջ տեղաւորել:

Յետոյ անոնք սկսան կատարել իրենց պաշտօնը, և վերջին խօսքերնին սա եղաւ որ իմ ամենաախրելի բարերարս ապրելէ դադրած էր, իր վրայ ունեցած ախտէն, սրտի հիւանդութենէն:

Այցեկազմներնին վճարելով զանոնք ճամբելէ յետոյ, սիրելի տիրոջս անկենդան դիակին վրայ ինկայ, և սկսայ դառն արցունք թափել:

Սիրելի տիրոջս յուզարկաւորութիւնը այնչափ հանդիսաւոր և շքեղ եղաւ, որ չյուտացի: Արդէն լրագիրները ժամանակին արձագանդ են եղեր, ինչպէս կ'իմանամ հիմա, այն բազմատեսակ արկածներուն և պատահարներուն, որոնք անցեր էին գլխերնուս, երբ Եւրոպա կը դանուէինք: Նաև լրագիրք յիշեր են մեր վերադարձը, ինչպէս նաև դժբախտ տիրոջս տաքածամ և յանկարծական մահը: Ուստի Պոլսոյ ամէն արուարձաններէն մեծ թուով ժողովուրդ, ըլլայ համակրողներ, ըլլայ հետաքրքրուողներ, ըլլայ անտարբերներ, գիմեցին եկան Սկիւտար, այնչափ որ եկեղեցւոյ մեծ գրան անջեւէն մինչև Միր-Օղլու փողոցին ծայրը անցուղարձը անկարելի եղած էր:

Երբ յուզարկաւորութիւնը գերեզմանատուն հասաւ, և դադարը գրուեցաւ այն փոսին եղերքը, որ պատրաստ կը կենար իր ծոցը բովանդակելու սղբացեալ տիրոջս վերջին մնացորդները:

— Համբերէ՛, գոչեցի գերեզմանափորին, որ բա՛ն ի ձեռին պատրաստ կը կենար հող լեցնելու մուկրական անտուկին վրայ:

Եւ գրպանէս հանեցի թուղթ մը, որ տէրս ժամանակաւ ինծի յանձնած էր, և տպապրած թէ՛ այսպիսի հանդիսաւոր պարագայի մը մէջ պարտաւոր էի զայն կարդայնել տալ, իբրև իր վերջին հրաժարականը՝ այս աշխարհիս անցաւոր բաներուն:

Տարի մատուցի զայն յուզարկաւորութեան հախագանող պաշտօնէին, որ ընդունեց սիրով և տիրոջս այս վերջին կամքին գոհացում տալու պատրաստակամութիւն յայտնեց:

Բարձր և գեղեցիկ ձայնով երիտասարդ մը կեցած զամբանին անեւելեան եզերքը, սկսաւ կարդալ բարձրաձայն:

Սաչափ միայն հասկցայ հանդիսականներէն ոմանց կողմանէ, որ այս գիրը տիրոջս զամբանականն էր, իր իսկ ձեռօք գրուած: Բարեկամ ոմն սապէս թարգմանեց ինծի:

«Ո՛վ դուք, որ համակրելով իմ մշտաշարժար կենցաղիս, յուզարկ եկաք մինչև ցայս վայր, բերանը այն ահաբեկիչ անդուռդին՝ ուր որ կը կատարուի մարդկային կենաց ողբերգութեան վերջին արարուածը:

«Խոր քունի մէջ, և յախտնեական երանութեամբ կը նիրճէի ախեղերքը կենդանացնող ամենակալ Զօրութեան գիրը, երբ յանկարծ այնպիսի պատճառով մը, ոչ ուրեք ծանօթ է, բաղդը զիս արթնցնելով նեսեց երկրիս երեսը, կարելու համար ասպարէզ մը, որոյ, ահա՛, վերջին կէտը կը գանուիմ: Կեսնքի այս տևօղութեան մէջ միայն մէկ փորձառութիւն ունեցայ: Սա է որ երկրիս բոլոր ձոխութիւնները շին բաւական մարդուս երջանկութիւնը յարգարելու: Հեզ և համակրելի կերպարանքն միմիայն գանձն է, որ կը բաւէ անտէր և լքեալ մարդն երանութեան վերջին սահմանը հասցնելու համար:

«Համայնաստեղծ գորութեան ազատ և պաշտելի կամացը կը յանձնեմ ուրախացնել զիս գոնէ յետ մահու և զձեզ միշտ :»

Մնաք բարեալ . . .»

Սոյն ճշմարիտ պատմութիւնը ընթերցող բարեկամիս կը յանձնեմ երեւակայել թէ որչափ դառնակսկիւծ և տխուր սրտով դարձայ յուղարկաւորութենէն, և հանգուցեալ տիրոջս յետ մահու կատարուելիք յանձնարարութիւնք ամենայն երկիւղածութեամբ, ճշմարտութեամբ և հաւատարմութեամբ բառ առ բառ գործադրելէ յետոյ առանձնական կեանք մը սկսայ վարել :

Կենացս մնացորդ մասին մէջ ծառայեցի միայն մէկ նպատակակէտի . այս է օգտակոր յիւեղ ընդհանուր մարդկոջրեան :

Այն չափաւոր հարստութիւնը, որուն տիրացած էի, սկսայ կիրարկել միայն և միայն երջանկութիւնը յարգարելու այն դժբախտ ընտանեաց, որք, ինչպէս երբեմն իմինս, կը սողային մարդկային ընկերութեան ստորնագոյն խաւերուն մէջ, և միշտ օրհնել յիշատակը այն մարդուն՝ որ այսպիսի սուրբ և նուիրական ձեռնարկի մը անձս տարու առիթը մատակարարած էր ինծի :



Վ Ե Ր Զ Ա Բ Ա Ն

Վահան Արթինեանի մահուընէն կրկին շաբաթ յետոյ Փարիզի նշանաւոր օրաթերթերէն Էնթերնասիօնալի մէջ հետեւեալ խմբագրականն ի լոյս եկաւ .

«Արտասահմանէն ընդունած վերջին հեռագրաց կարգին մէջ կը կարդանք թէ Վահան Արթինեան, մեծահարուստ Արեւելքցին, որոյ Բարիզի մէջ կատարած մեծագործութիւնքն և գլխուն պատահած արկածքն դեռ չեն մոռցուած, մեռեր է իւր ծննդավայրն, ի Կոստանդնուպոլիս :

«Այս տարօրինակ անձնաւորութեան վեհանձն ձեռնարկներէն մին է կտակ մը, որոյ օրինակը անձամբ կարդացինք կրթական նախարարութեան ղիւանին մէջ :

«Վահան Արթինեան սոյն կտակաւ յանձնած է «Պանք սը Ֆրանս» գաղղիական դրամատան 100,000 սթէրլին ոսկի, մէկ առ հարիւր տոկոսաբեր :

«Այս հսկայ գումարին արդիւնքը կը յատկացնէ իբրեւ լեզուաբանական մրցանակ, հետեւեալ կերպով .

«Ամէն ով որ, ինչ աղգէ, հաւատքէ և դաւանութենէ ալ լինի, Մովսէսի հնգամատեանէն ծննդոց գըրքին հայերէն թարգմանութեան ոճով, և հին գրաբար, կը հեղինակէ առ նուագն վաթսուն էջ, օրուան նորագոյն և մարդասիրական տեսակէտով ամենէն օգտակար բնաբանի մը վրայ, պիտի ստանայ առաջին մրցանակը, որ է 1000 ոսկի սթէրլին :

«Պէտք է յիշեն ընթերցողք, որ այս մրցանակը առաջին անգամ չահեցաւ Պ. Կիլյօմ Կօլորը, ուսումնա-

ւարտ Պերլինի լեզուաբանական բարձրագոյն վարժարանի, ազգաւ գերման և դաւանանքով լուսեւրական:

Այս հայագէտ երիտասարդը իրեն բնաբան ընտրած էր «Երկարուն մարդկային կենաց, բնական օրինաց ճշգրիտ հնազանդութեամբ»:

Յիշեալ լրագիրը Պ. Կօրտրի սոյն բնաբանին մէկ ամիտի համառօտութիւնն ալ բրած է սա իմաստով. «Մարդոց համար հնարաւորութենէ դուրս է իր կենաց բնական սահմանը երկարել մէկ վայրկեան իսկ. սակայն անոր կամքէն կախում ունի կարճել զայն մէկ վայրկեանէն մինչեւ բազում տարիներ»:

«Պ. Կօրտր սոյն բնականին ընդլայնման մէջ միայն սա կէտին որայ քննադատակի է որ առողջապահական միջոցները կեանքի պահպանման և երկարաձգման միակ սատար ընդունելով հանդերձ, քիմիական բազազրութիւններով պատրաստուած որ և է դեղ և դարման իբր հակառողջական կը մերժէ»:

Քիչ ժամանակ վերջը Լոստոնի օրինակաբանուչ թայլգ լրագիրը, լեզուաբանական խնդրոց վրայ հրատարակած մէկ յօդուածին մէջ հետեւեալ կերպով կը խօսէր.

«Լեզուաբանական խնդրոց մասին նշանաւոր և յիշատակութեան արժանի նախաձեռնութիւն ունեցաւ մեծահարուստ Արեւելքցի մը, Արթիւնեան անուն»:

«Այս բանասէրն ուշագրաւ մրցանակ մը հաստատած է հին հայերէնի պահպանութեան համար»:

«Հազար սթէրլինի նուէր մը կը ստանայ այս լեզուագէտը, որ սամէն տարի կը վերակենդանացնէ յիշեալ լեզուն, Սուրբ Գրքի ծնունդոց հատուածին հայերէն գրաբար թարգմանութեան հետեւողութեամբ, ոճով, որ ըստ Արեւելագիտաց ոմանց դեռ կենդանի էր իբր վեշտանան դար առաջները»:


«Եթէ այս մէթոսն ի գործ դրուելով բանասէրներու ուշադրութիւրը զբաւուած ըլլար, անշուշտ է որ բազում հնադարեան լեզուներ պիտի ապրէին այսօր, գոնէ մագաղաթներու մէջ, և մեծ լոյս պիտի սփռէին լեզուաբանական հարցերու վրայ, հարցեր՝ որք անպատասխանի մնացած են մինչև ցարդ»:


«Չմոռնանք յիշել, ի պարծանս և ի պատիւ մեր հնդկաբնակ հպատակաց, որ այս տարուան յիշեալ մեծ մրցանակը Արթիւնեան անունով հանրաժամութեամբ, այս տարի շահեցաւ Պ. Մէհրուշէն, կալկաթաբնակ լեզուագէտ և բիտաւարը, որ Պոմպոյի լեզուաբանական վարժարանի ուսումնաւարաններէն է, Փարսի տահմէ, և զրադաշտական կրօնքէ»:

«Յիշեալ գիտունը իր այս լեզուագիտական մրցման մէջ, որ 60 միածալ էջերէ կը բաղկանայ, իրեն բնական ընտրած է «համաշխարհային խաղաղութիւն», այն է պատերախմի բարձումը, իբրև վերջին մնացորդ մարդկային ազգի վայրենութեան վիճակէն»:

Վ Ե Ր Զ

ՎՐԻՊԱԿ.— 16-րդ էջին վերջին երկու սողերը բոլորովին աւելորդ են:







2942